

SAN MATEO

Jaayhui'my Jadu'n Nej Jesucristo Ytun Yjajtì

Je Jesucristo ymij'ap ymijteedy

¹ Cham ngapxa'ñ nmiydäga'ñich pìn Jesucristo y'ap'ajt yteedy'ajt jadu'n nej yhui'my jaybety. Jesucristo je' oy ap'adyii teedy'adyii David etz Abraham.

² Abraham oy ung'adyii Isaac. Isaac oy ung'adyii Jacob. Jacob oy ung'adyii Judá etz y'ajchytijc y'uchytijc.

³ Judá etz Tamar oy ung'adyii Fares etz Zara. Fares oy ung'adyii Esrom. Esrom oy ung'adyii Aram.

⁴ Aram oy ung'adyii Aminadab. Aminadab oy ung'adyii Naasón. Naasón oy ung'adyii Salmón.

⁵ Salmón etz Rahab oy ung'adyii Booz. Booz etz Rut oy ung'adyii Obed. Obed oy ung'adyii Isaí.

⁶ Isaí oy ung'adyii rey David. Je rey David je' oy ytöxyijc'adyii hui'di anajty Urías ytöxyijc'ajtpy. E je' ajcxy y'ung'ajti Salomón.

⁷ Salomón oy ung'adyii Roboam. Roboam oy ung'adyii Abías. Abías oy ung'adyii Asa.

⁸ Asa oy ung'adyii Josafat. Josafat oy ung'adyii Joram. Joram oy ung'adyii Uzías.

⁹ Uzías oy ung'adyii Jotam. Jotam oy ung'adyii Acáz. Acáz oy ung'adyii Ezequías.

¹⁰ Ezequías oy ung'adyii Manasés. Manasés oy ung'adyii Amón. Amón oy ung'adyii Josías.

¹¹ Josías oy ung'adyii Jeconías müd y'ajchytjic y'uchytjic. Huin'it Babilonia jäy oy mach je israelitas jäy. Chi minicxy jim Babilonia y'it.

¹² Jim ma je Babilonia y'it, jim Jeconías oy ung'adyii Salatiel. Salatiel oy ung'adyii Zorobabel.

¹³ Zorobabel oy ung'adyii Abiud. Abiud oy ung'adyii Eliaquim. Eliaquim oy ung'adyii Azor.

¹⁴ Azor oy ung'adyii Sadoc. Sadoc oy ung'adyii Aquim. Aquim oy ung'adyii Eliud.

¹⁵ Eliud oy ung'adyii Eleazar. Eleazar oy ung'adyii Matán. Matán oy ung'adyii Jacob.

¹⁶ Jacob oy ung'adyii José huidi oy ñäy'adyii María. E je María oy ung'adyii Jesús huidi yxii Cristo.

¹⁷ Jadu'n oy ñicxy majmactz najtzquëxi' Abraham ixti David. Ma je David jamajmactz najtzquëxi' chi je israelitas jäy yajtzimy yajmajch ma Babilonia y'it, e nañ jamajmactz najtzquëxi' chiini oy ymiñ yja'ty je Cristo.

Jesucristo yma'xung'ajt'in

¹⁸ Jadayab capxy ayuc jadu'n nej ymiñ yja'ty je Jesucristo. Jesús ytaj, huidi anajty yxii María, yi' ti anajty ycapxytungixy co ypigaangixy müd José; e ma anajty ca'ni ñaybudigiiyigixy, chi María oy y'ungdzimigy müd yi Dios yjihui'ñ ymic'ajt.

¹⁹ José, yi' ñäy, hue' anajty yi' yajpaty janch tudägy. Ca' anajty xihua'ñ María mayjäyjoty. Hue' janchtiy yhuinma'ñybaty co ixmadza'ñ ayüch ameech ca' pin yajnejhuihua'ñ.

²⁰ Huin'it ma jadu'n anajty nihuinmayiy, chi Huindzin Dios tüg y'ángel ñayquëxi'ci cumäyjoty ma José, chi ñimaayi:

—José, David y'ap y'oc, ca' mijcajee mdzach-huinmay nej m'octöxyijc'adüyb María, com yi' y'ung huidibi yajma'xung'adamy hue' müid Dios yjihu'iñ ymic'ajt ycixpi.

21 Yi' ypadamy tüg y'ung e mximöhuipy Jesús. Jadu'n yi' xü'adüyb com jégix co yi' yajpocyñihuádzam ñaax ycajp.

22 Tüg'óciy jada ytundaayi yajtaayi ycixy yca'pxy jadu'n nej je Dios anajty ti nimäy je profeta, je jäy huidi Dios y'ayuc najtzcaxüyüp ma anajty jadu'n yjaybetyity:

23 Je töxyjäy huidibi ca' yëdyjc müddzinäy hue' je' ung tzimicüp. Chi ypadamyb tüg je y'ung hue' je' yxü'adaanüp Emanuel.

Emanuel hue' yhuimbizimy Dios müid üch ajt.

24 Co José ymäyhuijy, chi cuyduñ jadu'n nej anajty Dios y'ángel ti nimäyii, chi huoy María jadu'n nej jihuüy töxyijc'adyii.

25 Per ni ca' ajcxy jadu'n chinaay jadu'n nej jäy ypicy chinäy ixti cooni oy María y'ung yajma'xung'aty. Chi yxü'moy Jesús.

2

Madza' ni'ixpiüyb oy co'ixüygyxy pi'c'ung

1 Jesús yma'xung'ajty ma tüg cajp huidi yxü Belén, jim ma Judea ñaaxjot, huin'it co anajty Herodes yrey'aty ma yi' jimbi naaxjot. Chi huin'it yja'ty ma Jerusalén cajp nijéjity yëdyjctijc' hidibi anajty ti choñ ma xü ypidzimy, yi' hidibi anajty ajcxy xü madza' ti ni'ixpiüygyxy.

2 Chi ajcxy yajtyy:

—¿Ma je judíojäy yrey tüibi yma'xung'aty? Ti hich ajcxy n'ixxi yi' ymadza' jim ma xii ypidzimy, e yi' hich ajcxy ya miñ nhuindzigihuaangixy.

³ Co je rey Herodes jadu'n midooy, chi ooy ytigiiy tajpi maybi mid tüg'óciy cajpjäy jim Jerusalén.

⁴ Huin'it je rey huomujctay tüg'óciy teedytjic huindzindijc huidibi anajty yaj'ixpijcp yi Dios yley, chi yajtiy ma anajty yma'xung'adañ yi Cristo.

⁵ Chi ajcxy y'adzooy:

—Jim Belén ma Judea ñaaxjot, com Dios y'ayucnajtzcaxiiybi jadu'n je' cojaay:

⁶ E miich Belén, mabi Judea ñaaxjot, mij'ajtp mgix'ajtp ca'ydi jac huidi naax jac huidi cajp, com ma miich chonañ tüg Huindzin huidi ane' mam yi israeljäy.

⁷ Huin'it Herodes oy yajhuoyii ameech huidibi anajty ti ijxcixy yi madza'. Chi tiybijcy yajxon mina anajty oga'n ti ijxcixy je madza'.

⁸ E huin'it ajcxy quejxy jim Belén. Chi jadu'n nimay:

—Níxcix jim e ocnidü ocyajtjugixy je pi'c'anäg; e co anajty ti mbatcixy, miñ miich ajcxy xyajnimáaygixyich jaydëbi hich nicxy nañ jadu'n nhuindzigiyich.

⁹ Co jadu'n rey najtzcaxiyday, chi ajcxy choñ. E je madza' tüibi anajty ijxcixy ma xii ypidzimy, chi ajcxy ijxy jayjip je' anajty ñicxy ma je' ajcxy, ixti coní oy je madza' yhuäcxipy ma anajty je pi'c'anäg yajpaady.

¹⁰ Co je rey ixpijctjic jadu'n ijxy yi madza', chi ajcxy oy janch jotcuje ñayjihuii.

11 Co ajcxy ytijctigñy, chi ajcxy ijxy je pi'c'anäg mñid ytaj je María. Chi jada' ajcxy ñaygojxtinaydaaci huindzigñy ojadajty ajcxy je pi'c'anäg. Chi ajcxy yaj'ahuach yxuummy aguejtucy abijctucy, chi ajcxy yajpidzimy oori, poom, etz tüg tzooy huidi yxñ mirra. Chi ajcxy moy je pi'c'anäg.

12 Chi cumäyjoty ajcxy nimaayi co ca' huaad yhuimbijtcixy ma Herodes, chi ajcxy ñicxni ma ycajp, jüyöyñaxy ajcxy je Herodes, huingbi tü'aa ajcxy ycuynicx.

Co José etz María yqueegyñicxcixy Egipto

13 Co je rey ixpicytije ajcxy yhuimbijttaayñi, chi cumäjoty José ijxy tüg Dios y'ángel, chi ñimaayi:

—Pidíg, nicx jim Egipto ñaaxjot mñid yi pi'c'anäg etz mñid yi' ytaj, e jim mhui'mipy ixti cooni ñich miich nimähuiipy. Com yi Herodes y'ixtähuamy yi' yi pi'c'anäg e yaj'öga'ñ yi'.

14 Chi huin'it José ypidígy mñid tzoon coodz je pi'c'anäg mñid ytaj, chi ajcxy ñicxy jim Egipto.

15 Jim ajcxy y'ijty ixti cooni oy y'ögy je Herodes. Jada je' jadu'n yajcuydun jadu'n nej Dios anajty ti yminañ ma yi' y'ayucnajtzcapxñybi: “Jim Egipto ñich n'ung ti nhuoy.”

Herodes pidacy y'ane'min co huen pi'c'anäg yaj'öctäyii ajcxy

16 Co Herodes oy huinma'ñ yajyöy co ti anajty ooy yhuin'ññyii je rey ixpicytije ajcxy co ca' anajty ti ñihuimbidyii, chi ooy yjot'ambijcy, chi ni'ane'mdñy co huen nicxy jim Belén etz majaty cajp mihuingon Belén, yaj'öctaaygixy tüg'óciy yi pi'c'anäg huídibi mejtz jimijt etz huídibi ca'ni nigooty mejtz jimijt.

17 E jadu'n jada yajcuyduñ jadu'n nej anajty Dios y'ayucnajtzcaxhuybi, je Jeremías, anajty ti cojaay:

18 Jim Ramá yajmidoy co anajty chachjiy chachyaxy jäy ajcxy; yi Raquel tzachjiyb tzachyaaxp miid y'ung ajcxy ycixpi, ca' ajcxy anajty yjotcuyc'aty miid co anajty y'ung ti y'öctäy.

19 Co oy y'öcni Herodes hui'nit jim Egipto, Dios tüg y'ángel ñayguëxici cumäyjoty ma José. Chi ñimayi:

20 —Pidig, miidnicx yi pi'c'anäg etz yi' ytaj jim ma yi Israel ñaaxjot jadügtecy com ti y'öctaayñi yi huídibi anajty yaj'ögam yi pi'c'anäg.

21 Hui'nit José ypidigy, miid nicxy yi pi'c'anäg etz yi' ytaj jim ma Israel ñaaxjot.

22 Per co José nejhuüy co je Arquelao yi' anajty jim ane'mb jadu'n nej anajty je yteedy Herodes, ooy chigüy nej ñicxip jim. E co jadu'n anajty ti ycumäy co ca' jim ñicxip, chi ajcxy ñicxy jim Galilea ñaaxjot.

23 Co jim yjäty, chi jim chinaydacpijcy ma je cajp huídi yxi Nazaret. Jadayaabi je' jadu'n tun jajtí jadu'n nej anajty ycojaayty ma Dios y'ayucnajtzcaxhuybi ñecy co Jesús xii'adüyb Nazareno.

3

Juan el Bautista y'ayuc capxhuäcxy ma tidz naax it

1 Hui'nit tiempo nañ jadu'n Juan je Bautista (huídibi jäy yajniibejtpi) ymiñ tüg tigidum ma Judea ñaaxjot capxhuäcx Dios y'ayuc,

2 ymiñ:

—Jothuimbíjtcix ma Dios com yí Dios y'ane'min huingoniñ yí'.

³Jada Juan yí' je' huídibi je profeta Isaías nigapxy ymínañ:

Jim mǐjtigǐdum yajmǐdoy tǔg ayuc mǐna'ñ:
 “Ni'ixǐygǐxy yí mHuindzin ytü'aa,
 ni'ixǐygǐxy tǔg tǔ'aa tǐybi.”

⁴Je Juan hue' anajty yhuit'ajtpy iyujc nǐbǐc (huídibi jāy ytiǐpy camello) e hue' anajty yhuǐnǐp iyujc ac, e yí' anajty yjǐcxy'ajtpy mu' etz tǐjaty iyujc pǎg jim tǔg tǐgǐduum.

⁵Chi chooñ jim Jerusalén jāy etz tǔg'óciy huídijaty tzǐnaayb ma Judea ñaaxjot, nañ jadu'n huídijaty tzǐnaayb ma Jordán mǐjnǐba', ñǐcx ajcxy ma Juan amǐdo'ǐjtǐy yí' y'ayuc.

⁶Co anajty ajcxy nigapxtaayǐxy yí ypocy huídǐ anajty tǐ tundǐgooyǐxy, huin'it anajty ajcxy Juan yajñǐbedyǐ ma Jordán mǐj nǐ.

⁷Per yí Juan y'ix co may fariseo jāy etz saduceo jāy miñ anajty ajcxy nǐbejtcǐxy, chi ajcxy nǐmay:

—ǐMiich ajcxy, m'ajuugy m'amǐgǔg ahua'n iyujc!
 ¿Pǐn tǐ xyajni'ixǐygǐxy nej jǐbi huaad mgǔgueeccǐxy
 yí ayo'n huídibi huingomb?

⁸Yajxon jāy'ajtcǐx tǐydudǎgy huen nǐgǔǐǐgy co tǐ mjothuimbjtcǐxy.

⁹Ca' jadu'n mdzachmǐnaangǐxy co Abraham xy'ap'adyǐ xy'oc'adyǐ. ǐich miich ajcxy yam ndǐmnǐmaayb co Dios ǐxtǐ jǐbi yí' yaj'ap'adyǐ yaj'oc'adyǐ Abraham jada tzaajot ca'ydi miich ajcxy.

10 Yi jach ni'ixi yi' y'ijtni ma quipy y'ijx, tüg'óciy quipy huidi ca' oy ytim'aty yajpujxp yi', e chi jada' yajnögy jünjoty.

11 Ich, janch yajnibejtpich muid nii, yi' yi' jadu'n nej tüg ixpejt co ti mjothuimbijtcixy; per jacminamb tzojc huidi ajcxy xyajnbepiy muid Dios yjihui'ñ etz muid jün. Je' ymuid mic'ajtin etz cötujcin, nigä ca'ydi ich, ni xycapaadyich nicxy ycig nyajtecyjendügyich.

12 Ymuid mic'ajtin pijc-huäcxamy yi jäy jadu'n nej jäy huimbojy moc, abicy pidäga'ñ actz, abicy moc pajc. Yujcpiga'ñ moc pajc ma tze'x ninöghua'ñ yi moc actz moc jaam jünjoty ma je jün huidibi nicaminaaxi ycapich.

Co Jesús ñibejty

13 Huin'it Jesús chooñ ma Galilea ñaaxjot, chi nicxy ma Jordán mij nii ma anajty Juan yjäyajnibety, nibedam anajty yi' nañ jadu'n.

14 Juan ca'jadim'a'ixiy, chi nimay Jesús:

—Ich miich ixypy xyajnbepich, ¿e miich mimb ma ichi?

15 Chi Jesús y'adzooy:

—Jadachambi oc'a'ixi jadu'n, com ooy yi' ycopityity co nguydundayim tüg'óciy tibi Dios xyaj'ane'mim.

Huin'it Juan a'ixiy chi yajnibejty Jesús.

16 Co Jesús ñibejttay, chi Jesús ijxy Dios yjihui'ñ nigidägyii jadu'n nej tüg pi'cmuuxy.

17 E huin'it yajmidoy tzajpcixy tüg ayuc ymina'ñ:

—Jada je' ich n'ung'ajtypich huidibi ooy ndzocyich huidibi ooy muid jotcuje nayjihuyijich.

4

Je mujcu' tuñ ijxta'ni Jesús

¹ Chi Dios yjihui'ñ yajnicxy Jesús mjtig'itudum jaydēbi je ca'oybi yjot'ixi'ib yhuinma'ñ'ixi'ib.

² Jim y'ijty jaygay huixchigui'px xii huixchigui'px tzuum, e huin'itni ooy yiböccodyii.

³ Chi je ca'oybi nimijhuägy Jesús ocjot'ixa'ñ oc-huinma'ñ'ixa'ñ, chi nimay:

⁴ —Pen Dios miich xy'ung'ajtp, nima' jada tzaa huen naygojyii tzajcaagy.

Chi Jesús y'adzooy:

—Jaybety jadu'n ymiñ ma Dios ñecy: “Ca'p jäy tzajcaagyti'ajty nitzinähui'py, nañ jadu'n nitzinähui'py tüg'óciy yi ayuc huidibi Dios ycapxp.”

⁵ Chi je ca'oybi midnicxy Jesús jim Jerusalén, chi ymidpejty tzajptijc cöduum.

⁶ Chi nimay:

—Pen janch co miich Dios xy'ung'adyii, cödi'pnax jilby naaxcixy, ca' yi' nej mjadipy com jaybety jadu'n ymiñ co jadu'n ymina'ñ:

Dios yquexyp yi' y'ángeles jigix xycuend'adipy xy-huidzipy mid yci', ca'ydi ninej mgönepy ma tzaagop.

⁷ Chi Jesús y'adzooy:

—Nañ jadu'n ymiñ jaybety: “Ca' mjt'ixipy mhuinma'ñ'ixipy yi' mhuindzin Dios.”

⁸ Jadüg'oc je ca'oybi ymid'ajty Jesús ma tüg copnicx janch cijxp'i, e jim yajni'ixi'iday tüg'óciy naax cajp co ooy midity oy'ajtin etz mic'ajt.

⁹ E chi nimay:

—Ich jada miich nmoydähui'py tüg'óciy, pen mich cojxtina' xyhuindzi'gyich xy'ojadatyich.

10 Huin'it Jesús y'adzooy:

—Huinhuäctucich miich mujcu', com jadu'n yjaybetyity: “Tügpajc yi mHuindzin Dios yi' mhuindzigihuiipy m'ojadadipy.”

11 Huin'it je ca'oybi huinhuäctucy Jesús, chi Jesús ñimiini ángeles ycuend'ajti.

Jesús ytung yajtzondacy jim Galilea

12 Co Jesús nejhuiy co Juan ti anajty yajpidägy pujxtigoty, chi yhuimbijtni jadüg'oc jim Galilea.

13 E ni ca' yhui'miyy jim Nazaret, chi ñicxy jim Capernaum, jim ma Zabalón etz Neftalí y'it.

14 Jada je' jadu'n tuni jajti jadu'n nej Dios y'ayucnajtzcapxiiybí Isaías anajty ti cojaay:

15 Zabalón etz Neftalí ñaaxjot. Je tü'aa huídibi mejypa' huídibi a'oy'amy ma Jordán mij ni. Jim Galileajäy chinäy huídibi ca' yjudiojäyity.

16 Yi jäy ajcxy huídibi jim tzinaayb agootztuuby ijxpaty ajcxy tüg tücxin jajin. Je huídijaty anajty ajcxy tzinaayb ma je jibicpi y'anicíy, chi ajcxy ycodicxiy tügi tücxin jajin.

17 Ixti huin'it Jesús ytiíy ayuccapxhuäcxp ymíñañ:

—Jothuimbijtcix, yajmingix yajmejtzcix mjot mhuinma'ñ ma Dios, com yi Dios y'ane'min huin-gonip yi'.

Jesús nimay nimidaax je acxmajtzpi: “Pajamgich”

18 Jesús tüyöyb anajty ma Galilea mejypa', co ijxpaty metz yéydijc ac tüg quëxpi, hue' anajty yi' je' je Simón, huídibi nañ jadu'n yxii Pedro, e je jadügpi hue' je' anajty Andrés. Acxmadzhi anajty ajcxy

yí' ytung'ajty e jim anajty ajcxy yí' tzachnigöhuich y'acxmadzi'ñ.

¹⁹ Chi Jesús nimay ajcxy:

—Pajamgich, ñich miich ajcxy nyajni'ixñhuipy nej jäy myaj'ixpiçipy je Dios ytiy'ajt.

²⁰ Huin'it je' ajcxy ixmajtztay tüg'óciy yí' y'acxtzaay, chi ajcxy panicxy Jesús.

²¹ Hueeni jac'amijci'm Jesús ijxy janimetz Zebedeo ajcxy ymang, je Jacobo etz Juan. Jim anajty yí' ajcxy ma tüg barco mñid yteedy, yí' anajty ajcxy yí' jim chach'adagñyb yí' huídibi mi'acxmajtzciy. Chi ajcxy Jesús yhuoohui.

²² E huin'it ajcxy ixmajtztay je barco etz yí' yteedy, chi ajcxy panicxy Jesús.

Jesús yaj'ixpiçy mayjäy

²³ Huídijttay Jesús ma tüg'óciy Galilea ñaaxjot, yaj'ixpiçy jäy majaty je naymujctac cajp cajp. Capxhuäcxy yí' Dios ytiy'ajt etz nañ jadu'n pa'mjäy yajtzocy huen ytimyhuidipá'mity anajty ajcxy ymñid.

²⁴ Chi Jesús oy yajnejhuñyñi ma tüg'óciy yí' Siria ñaaxjot, e chi ajcxy mñidmiñ ma Jesús tüg'óciy huídijaty anajty ajcxy ca'oybi mñid, etz huídijaty anajty ajcxy çixuxy tecyxuxy, chi Jesús yajtzoocy.

²⁵ Huin'it Jesús ypanicxi mayjäy huídijaty anajty ajcxy tzinaayb ma Galilea ñaaxjot etz yí' Decapolis jäy, nañ jadu'n Jerusalén jäy etz huídijaty tzinaayb ma Judea ñaaxjot, nañ jadu'n huídijaty anajty ajcxy tzinaayb a'oy'amy ma Jordán mij nñi.

5

Je tiy'ajt huídibi Jesús ycapx ma tüg cögop

¹ Co Jesús ijxy tüg'óciy je mayjäy, chi nicxy ma tüg copnicx, e chi jim y'ixtacy. E huin'it je' y'ixpijcpidiic ajcxy yjübigiyy.

² Chi Jesús ytiigiyy yaj'ixpijcp ymínañ jadu'n:

Je pinjaty ajcxy jotcújicp

³ —Janch jotcuyc je jäy ajcxy huídibi nejhuiyb co yajmayajtpy Dios y'oy'ajt, yí' ajcxy paatip Dios y'ane'min.

⁴ Janch jotcuyc je jäy ajcxy huídi yajpatp taj may, yí' ajcxy yajmóhuam jotcuyc'ajtín.

⁵ Janch jotcuyc je jäy ajcxy huídibi yung naxpy jäy'ajtp, yí' ajcxy padaamb tüg'óciy je huídi Dios ti yaj'ahuaníyíi.

⁶ Janch jotcuyc je jäy ajcxy huídibi cuydunamb huídibi Dios chojcpy, Dios yí' ajcxy pubedíib.

⁷ Janch jotcuyc je jäy ajcxy huídibi pa'ayoob huenyimpinjäyíty, Dios nañ jadu'n ajcxy pa'ayohuíb.

⁸ Janch jotcuyc je jäy ajcxy huídibi huädz yjot yhuinma'ñ, yí' ajcxy y'ixípy yí Dios.

⁹ Janch jotcuyc je jäy ajcxy huídibi ca' ti tzip tzojccixy, com yí' ajcxy Dios ung'adíib.

¹⁰ Janch jotcuyc je jäy ajcxy huídibi yajnixiicp yajnigapxp míid je Dios ytiy'ajt ycixpi. Yí' ajcxy idamb ma Dios y'ane'min.

¹¹ Janch jotcuyc miich ajcxy co jäy jibic xytungixy co nígoob xyñihuambejtcixy etz capxcixy huídijaty ca' ytiy'ajtíty míid ích ycixpi.

¹² Xondaaccix jotcuyc'ajtcix co mbadaangixy tüg oy'ajtín jii by tzajpjoty. Nañ jadu'n ajcxy ixhuídijty pahuídíty je Dios y'ayucnajtzcaxíybi jecy'ajty.

Miich ajcxy je tudägyjäy ya naaxhuiñ

13 Jadu'n nej caan ca' yajpüch je tzüch jüxcy tim jadu'n miich ajcxy myajpaady ya naaxhuiñ. Pen je caan ca' miid ti xücx'ajtin, ¿nej jëbi nyajtuunim? Ca' y'oc'oyyajtunity, chi yajnajtzxidüyñi, chi yhuaani tembejt hua'cpejt.

14 Oc'ix tüg je cajp jim copcix, ca' jëbi mhuijtzüdzim mgoyüdzim.

15 Co tüg jün nyajtoyicim, ca' huaad tu'tz ngöjupim. Hue janchtiy co nyajticxim cix, huin'it jëbi xycodicxtaayim jadu'n nej ajt nyajpaatim ma tijc.

16 Nañ jadu'n miich ajcxy mdzinaaygixy tudägy ma ajcxy je mayjäy jaydëbi ajcxy ixipy je oybi huidi miich ajcxy mdumyb. Huin'it ajcxy ojadadipy je mDios teedy huidibi jiiby tzajpjoty.

Jesús yaj'ixpicy nej yi'yi Dios ycötujcin

17 Ca' mhuinmay co iich ti nmiñich ya co nbigaanich je Dios y'ayuc je' huidibi anajty ti jaay Moisés etz je profetitijc. Ca' iich nyajmijaagixa'ñ je cötujcin, iich ti nmiñich co nguyduna'ñich jadu'n nej ymiñ jaaybety.

18 Janch tiy'ajt jadu'n nej nimaaygixy, je huidibi mimb jaaybety jadu'n tundähuam jajtähuam. Ni tüg letra oy mabaad ymúdzity nicxy ycayajcuymüñ.

19 Je jäy huidibi ca' nimidooy je Dios ytiy'ajt oy yjadim mutzjaty etz yaj'ixpicy jäy jadu'n, je' ajcxy padamb je mutzpi tigiydac ma Dios y'ane'min. Paady je jäy huidibi yaj'ixpijcp jadu'n nej tiy'ajt ymina'ñ, e paduñ jadu'n nej yaj'ixpicy, je' ajcxy padamb tüg je mijpi tigiydac ma Dios y'ane'min.

20 Hich miich ajcxy nimaayb, pen ca' miich ajcxy jac'oy mdúngixy ca'ydi fariseos etz escribas ajcxy, ca' nimina mdigihuipy ma Dios y'ane'min.

Jesús yaj'ixpicy co ca'p huaad pin yjotmädy

21 Miich ajcxy mnejhuigyixy jadu'n nej yi m'ap mdeedy ajcxy ayuc yajhui'my: “Ca' jäy myaj'ögip; e pin anajty jäy yaj'öcp ypaadip je tzaachypi.”

22 Hich miich ajcxy jadu'n nimaayb pinjaty ymigügtijc mijotma'tp, je' Dios tiydunaanipy; e pin ymigüg xidiijp tzuudijp, yajtiydunipy je' ma Dios tiydundac; e pin ymigüg tzuudijp locidijp ayo'ndumb, je' y'ity co ñicxip ayoodactuuby.

23 Pen myajnicxpy miich mhuindzigi'ñ ma Dios ytijc, e pen jim jäymetzgodyii co mmigüg ti xyhuin'innaxy ti xyhuincapxynaxy yinjaty hueenjaty,

24 jim myajhui'm je huindzigi'ñ ma je altar yhuinduu, e nicx jayijp nayyaj'oyihuii miiid je migüg, huin'it mhuimbedip e chimgyecy je mhuindzigi'ñ.

25 Tzojc naygapxjotcidägi miiid je midzip, pen yam miiid tüyöy ñi'am tü'am, ca' jecyity co je midzip xyciyegip ma juez, e je juez xyciyegip ma je policia, e je nicxy xypidägy pujxtigoty.

26 Janch tiy'ajt ich miich nimäy co ca' jiiby mbidzimipy ixti cooni mgüejtähuipy je meen.

Jesús yaj'ixpicy co ca'p ndundigóoyimipy miiid huingbi töxyjäy

27 Miich ajcxy mnejhuib co jecyip tiy'ajt ymina'ñ: “Ca' mmidundigoyipy huingbi töxyjäy.”

28 Hich miich ajcxy nimaayb, pen ji pin huindixy tüg töxyjäy, e jot'aduyb nejaty, ti je' anajty ñitundigooyñi ma yjot yhuinmañ.

29 Pen yi mhuin a'oy'amybi xyajtundigoyamb tim yajpidzimb; jac'oy co tüg'idu'mbi mhuin ytigoyipy ca'ydi co cixyca'px mnicxipy jijnjoty.

30 E pen yi mgi' a'oy'amybi xyajtundigoyamb tim ixpux etz najtzjibibi' jiguem; jac'oy co tüg mgi' ytigoyipy ca'ydi co mminicxipy metz mgi' jijnjoty.

Jesús yaj'ixpicy co jäy ca'p huaad ytöxyijc ixmach mañ'ajtngixy

31 Nañ jadu'n ymiñ jaaybety: “Pin ixmajtzp ytöxyijc, huen möhuipy tüg necy ti ycixpi co ñay'ixmáztzigixy.”

32 Hich miich ajcxy nimaayb, pen ji pin ixmach ytöxyijc, e ca' anajty ti ytundigooy miid huingbi yëydijc, je yëydijc anajty nigiydeyuyb ytöxyijc co anajty ytundigooy miid huingbi yëydijc; pin yëydijc pijcp miid je töxyjäy huudibi anajty ti yaj'ixmach, pocytumyb je' anajty.

Jesús yaj'ixpicy nej nguyduunim tibi n'ahuanuyim ma Dios yhuinduu

33 Miich ajcxy mnejhuuyb nej jecy'ajty m'aptijc mdeedytjic ajcxy yajnimay: “Ca' nigo ti m'ahuanihuipy, mguydunipy jadu'n nej anajty ti mminañ.”

34-36 Per ich miich ajcxy nimaayb: ni mga'ibaadip ni mgacapxpaadip; ni mgamina'nip; “y'ijxpy tzajpjotyti,” com yi' Dios chinaydac. E ni mgamina'nip, “y'ijxpy naaxhuiñybi,” com Dios yajpatp oy ytimymaajity. E ni mgamina'nip; “y'ijxpy Jerusalén,” com jim je' Dios chajptjic; ni

mga'ibbaadip ni mgacapxpaadip mgohuajc, com ca' mjaty myaj'ahuimbity poob o tzixy tüg cöhuay.

³⁷ Hue' janchtiy, tiydudägy minaangixy: “oy” o “ca'.” E pen miich ajcxy anaxy jaccapxp jadu'n mujcu' y'ayuc je' anajty ajcxy mgapxpy.

Jesús yaj'ixpicy co ca'p huaad jibic nyajhuim-bijtim

³⁸ Miich ajcxy mnejhuib co jecy'ajty yajminañ: “Pen ji jäy mhuiin xyajpidzimi, nañ tim jadu'n yhuiin myajpidzimipy; pen ji migüg mdäitz xyajpidzimi, nañ jadu'n myaj'ahuimbidipy.”

³⁹ Per ich miich ajcxy nimaayb: Ca' myaj'ahuimbidipy jibicpi ma migügtijc; pen ji pin xycoxy ma mhuiñyjijp tüg adu'mbi, jac tim mo' jadüg adu'm'amybi.

⁴⁰ Pen ji pin xyxïy e xypigaani yi mnïjen, najtz'ixi', huen xyajnicxi nañ jadu'n mjocx huit.

⁴¹ Pen ji pin adzip tzimy xyajminicxañ tüg kilómetro jiguemity, yajnicx jac tim jadüg kilómetro.

⁴² Pen tijaty xypijctzoohui, mo'. E pen ji pin xyminuucxañ, yajnuucx.

Co ndzojcm nmidzip

⁴³ Jadu'n ymiñ jaaybety nej jecyip Moisés yjay: “Migüg'adii yi' huidibi xymigüg'ajtp, e midzip'adii yi' huidibi xymidzip'ajtp.”

⁴⁴ Ich miich ajcxy nimaayb: Tzoc yi' huidibi ajcxy xymidzip'ajtp, etz mibijctzoohui ma Dios huen y'oy'ajtin paady yi' huidibi xyñigapx xyni'ojïyb, e nañ mi'oyjäy'at yi' huidibi xyca'ixamb.

⁴⁵ Huin'it miich ajcxy xy'ung'adiiby yi' Dios tza-jpjtotypi huidibi yxii yajtixcp yajjajp ma oyjäydijc

etz ma jibicjäydijc, nañ jadu'n yajtüy ma jibicjäydijc
etz ma oyjäydijc.

⁴⁶ Pen miich ajcxy mdzojcpy je huídibi xy-
chojcp, ¿ti jäygidaacin yi' m'ocpadamyb? Nañ
jadu'n yi' ajcxy yja'iditcp yi' pocyjäydijc etz yi ya-
jcogüejpgidijc.

⁴⁷ Pen miich ajcxy mgapxpocxyp yi
mjugymigüg, ¿ti oybi yi'? Nañ jadu'n ajcxy yi'
yja'iditcp yi' huídibi ajcxy ca' Dios nejhuüygyxy.

⁴⁸ Jäy'ajtcix tudägy jadu'n nej ajcxy yi' mdeedy
tzajpjoty y tudägy.

6

Jesús yaj'ixpicy co nduunim oy yjäy'ajtín

¹ Ca' mdungixy je oybi ma jäy y'ixy yhuindixy
müid co mdzachyahuindixangixy co mdungixy
oybi. Pen jadu'n m'iditcpixy mDios Teedy huídi
jüby tzajpjoty tzinaayb, ca' ajcxy xymöhua'ñ je
oy'ajtín.

² Paady co mbubedipy mmigüg, je ayoobi jäy
huídi yajmayajtpy tijaty, ca' huaad mnigapxy
mnimiydägy o mnaygömayii co anajty ti mmöy
tijaty. Yi' jadu'n iditcp je jäy huídi mij cix
nayjhuüyyp huídi anidaacp co huen jäy y'ixyii
mijpidägyii co anajty jadu'n y'idich. Janch ich
miich ajcxy jadu'n nimaaygix co yi' ti patcixy je
oy'ajtín.

³ Co miich mmöhuipy mmigüg tijaty yajmayja-
jtpy, hue' janchtiy mdunipy ca' myajnejhuüipy
huídi müid mnaymigüg'adyii.

4 E co miich amoñ m'idipy, mDios Teedy huidi ijxp co amoñ tijaty mduñ, je' xymöhuamb tüg oy'ajtín mayjäyduum.

Jesús yaj'ixpicy nej Dios mmibijctzoohuim

5 Co miich ajcxy Dios mmibijctzoy, ca' jadu'n m'idüitzcixy jadu'n nej je jäy huídibi capxtacp ma Dios huin aguy ahuac aguy. Yi' ajcxy capxtacp ma Dios huäctina' jilby tzajptigoty jaydëbi jäy y'ixiyyb etz ymijpidägiyb. Ich jëyi jadu'n nimaayb, co jadu'n oy'ajtín adibi.

6 E co miich Dios mmibijctzoy, nicx tigoty etz m'agihuipy je mdijc aguu. Huin'it Dios mibijctzou. E je Dios y'ijxpy ymidooyb co jadu'n mmibijctzoy, e je' je m'oy'ajtín xymöhuipy mayjäyduum.

7 Com Dios mmibijctzoy, ca' m'agapxiyo'cip je huidi anajty ti m'occapxi, jadu'n nej ajcxy y'idüitzcixy huidi ca' nejhuigyixy Dios ytiy'ajt. Yi' ajcxy huinmañypidägy co müid ajcxy ymay'ayuc huin'it ajcxy ymidoohuyb.

8 Ca' jadu'n m'idüitzcixy jadu'n nej je' ajcxy; mDios ñejhuuyb ti miich ajcxy myajmayajtpy ma anajty ca'ni mbijctzooyñi.

9 E jadu'n miich ajcxy Dios mibijctzohuipy, jadu'n mina'nip:

Dios Teedy, miich huídibi tzajpjoty tzinaayb; huindzigiy miich mxii y'ity.

10 Huen miñ ya miich yi m'ane'min. Huen md-zojcin yajcuyduñ ma je jäy yjot yhuinmañ jadu'n nej yajcuyduñ jilby tzajpjoty.

11 Mooygich ajcxy ngaayin n'uucin jabom jabom.

12 Méecxibich ajcxy nbocy ngaydey huídibi ich ajcxy ndundigooyb, jadu'n nej

hich ajcxy meecxyich huidibi ajcxy xymidundigooybich.

¹³ Ca' m'a'ixiy co hich ajcxy nhuinmañ tigoyipich. Yajnihuaatzcich ajcxy ma yi jibicpi. Co miich yi' mje' je cõtujcin, je mic'ajtin etz je oy'ajtin huinixh huin#tiempo. Amén.

¹⁴ Pen miich ajcxy mhuinmeecxyp je huidibi xymidundigooygixp, je mDios Teedy huidibi tza-pjoty je' nañ jadu'n xyhuinmeecxip miich ajcxy mbocy.

¹⁵ E pen miich ajcxy ca' pin jäy mhuinmeecxy nej xymidundigooygixy, nañ jadu'n mDios ca' xyhuinmeecxip ajcxy ma ti mdundigooygixy.

Jesús yaj'ixpicy nej huaad n'ijt#m jaygaay

¹⁶ Com ajcxy m'ida'nip jaygaay jay'ügy (mina Dios mmibijctzoogixy), ca' mnaybidáaccigixy tajy may, jadu'n nej ajcxy idiitzcixy yi' huidibi ajcxy minamb co Dios mibijccixy e ca' yjanchity. Yi' ajcxy yajtigajchpy yhuiñyijp jigix jäy ajcxy oc'ixiyb co jaygaay jay'ügy y'ijtcixy; jëyi jadu'n oy'ajt'ad#iyb.

¹⁷ Miich ajcxy co m'idipy jaygaay jay'ügy jotcuje naybidägi, caax mgohuajc etz puj mhuin mjijp,

¹⁸ ca'ydi myajniguëxigy mayjäyjoty co m'ity jaygaay jay'ügy, hue' janchty myajniguëxig ma je mDeedy huidibi ca' yaj'ijxy; e je mDeedy huidibi ijxp huidibi miich ajcxy ca' mduñ ijxna' quëxna' yi' xymöhuipy oy'ajtin mayjäyduum.

Je jugy'ajtin tzajpjotypi

19 Ca' nīgi m'adzocy huıdibi ya naaxhuiñ, je' co ya huındıgooyb oy ytımtıjıty huıdibi yi huech yajhuındıgooyb, huıdibi tougaayıp etz ma je meetzpi ajcxy meetzcıxy pigıccıxy tijaty.

20 Je' miich nijot'ajtcıxy je' oy'ajt huıdibi miich ajcxy Dios xymöhuamb jııby tzajpjoty ma ca' huech yajhuındıgooy ni ti, e nañ ni ycatougaayii ni ti, etz ma je meetzpi ca' ajcxy meetzcıxy pigıccıxy tijaty.

21 Ma miich ajcxy mııdıty je oy'ajt nañ jııby ajcxy mjot mhuinma'ñ pidäg.

Yı mhuin jadu'n yi' nej tüg tııcxın

22 Yi mhuin yi' yi' jadu'nıp nej tüg tııcxın jajın ma mnınıcx, e paady pen ca' miich yi' mhuin xyajtundıgoy, tüg'ócıy mjot mhuinma'ñ huadz yi'.

23 Pen miich mhuin xyajtundıgoyb nañ jadu'n mjot mhuinma'ñ huıdi miich mııd ca' y'oyıty, jadu'n yi' nej coodzpi ĩjac tım nīgi ca' y'oyıty ca'ydı je coodzpi!

Dios etz je comeeñ'ajtin

24 Ni tüg pın ca' huaad mııd tuñ metz huındzın com mıjotma'ti tüg je', e jadügpi chogıpy; o ıxtıjıpy tüg e jadüg ymıgüg'adııyb. Nañ jadu'n ca' huaad miich ajcxy metz m'ojadajtcıxy, Dios etz je meeñ.

Dios ycuend'ajtpy yi' yjäy

25 Paady ĩch miich ajcxy nımaaygıxy: Ca' mdzachhuinmaaygıxy ti ajcxy mnitzınähııpy, ti ajcxy mgayıpy m'ügıpy o ti ajcxy mhuit'adııyb mducxy'adııyb. MDios yi' ti xymooygıxy je mjogy'ajtin, e paady ycıxpi yi' nejhuııyb ti ajcxy myajmayajtpy.

26 Oc'ix miich ajcxy yï joon huïdi queec-huïdijtp. Yi' ajcxy ycaniipcixy ycatungixy, nañ ni ca' yï' ajcxy yujcpijccixy ma tze'x. Miich ajcxy mDios Teedy huïdi tzajpjoty tzinaayb, je' moydaayb huïdi ajcxy yï' yj#cxyp. E miich ajcxy mjactzoobatp ca'ydi yï joon.

27 ¿Pïn ji ma miich ajcxy, ooy mij jahuinmay, jëbi tüg nuux yjacyeegyï?

28 ¿E na'amy co miich ajcxy mdzachnidajy mdzachnimay mïd je mhuit mducxy ycixpi? Oc'ix miich ajcxy nej yoñ tüg je pijy huïdi yajpatp tun nïgap. Ni yï' ycatuñ ni piïdy.

29 Per janch tiy'ajt jadu'n nej nïmaaygixy, ni je comeeñyjäy huïdi yxïi rey Solomón, ni ycaquipxiy je' yxojxin mïd je pijy.

30 E pen mDios xojxpy jadu'n je aay ujtz cham etz tzojcy ytïtztäy ñicxtäy, jac nïgi miich ajcxy Dios xymöhua'ñ huïdibi myajmayjajtpy, miich ajcxy huïdibi hueeni mmibijcin.

31 Paady ca' nigoobi mdzachhuinmaaygixy ma ajcxy mbaadip ti mgayipy m'ügipy o ti mhuit'adiyb mducxy'adiyb.

32 Yi jäy ajcxy huïdibi ca' mibicy yï Dios oy tzach nijot'ajtcixy jadayaabi, per miich mDeedy huïdibi tzajpjoty je' ñejhuïyb ti miich ajcxy myajmayjajtpy.

33 E pen miich ajcxy mbidacpy Dios jayijp ma mjot mhuinma'ñ etz mguydun ajcxy yï' y'ane'min, huin'it miich ajcxy Dios xymöhuiipy tijaty myajmayjajtpy.

34 Paady ca' mhuinmaaygixy cham mïd je jabom cixpi, je' co je jabombi ymimiñ je tajin

mayin. Tzoc mijotcuje'ajtim je tajin mayin huidi cham nminajx nyajnajxim.

7

Ca' mbocy ixy yi mmigüg

¹ Ca' m'ix'ijxpy mba'ijxpy ti mmigügtijc ytundigooyb, jigix ca' Dios xtytydunipy chaachytunipy.

² Pen miich m'ix'ijxpy mba'ijxpy mmigügtijc ti ytundigooyb, nañ jadu'n miich Dios xtytydunipy xychaachytunipy, e yi quipxi'ñ huidibi miich mhuamyb quipxi'ñ, nañ yi' Dios yajtunamyb ma miich.

³ ¿Nej co miich m'ixy huidibi mmigüg ytumyb e hueeni ytundigooyb, e ca' mnay'ixyii huidibi miich jac mij mdundigooybi?

⁴ ¿Nej jëbi mmigüg m'ocnimäy: “Nbubedamybich miich ca'ydi mjacpocytuñ”, e miich yam m'ocmüdpï jac mij pocy?

⁵ Miich ci'm mnayhuin'ñnyii. Nicx jayijp mbocy mgaydey ocyajhuadz, huin'it jëbi mbubety je mmigüg.

⁶ Ca' mmöy yi jibicjäydijc huidibi Dios yjë'ajty co nicx camij'ijx camijpidaaccixy; ni mgayegipy Dios y'ayuc ytiy'ajt ma yi jäy ajcxy huidibi ca' tzojccixy Dios y'ayuc ytiy'ajt.

Nbijctzohuim n'amidoohuim Dios

⁷ Mibijctzougix yi Dios e yi' xymöhuipy ajcxy; ixtaaygix, huin'it mbáatcixipy; cogapxnyygix e ahuadzajc ajcxy mdijc aguu.

⁸ Com pín tijaty pijctzoob ypaatyp yí; e pín tijaty ixtaayb ypaatyp yí; e pín cogapxíyb ma tíjc aguu, yaj'ahuaatzíp ytíjc aguu.

⁹ ¿Nej jí jada' miich ajcxy nidügti co m'ung pijtzoohuípy tzajcaagy nej mmöhúípy tüg tzaají?

¹⁰ ¿O pen ypijctzooby tüg acx nej mmöhúípy tüg tza'ñí?

¹¹ Miich ajcxy oy mjibícjáyíty e mjajtpy ajcxy nej m'ung m'anäg mmöhúípy je oybí. ¡Nígi Dios Teedy tzajpjtóty pí mōhua'ñ je oybí pínjaty pijctzoob!

¹² Tzinaaygíx tíydudägy mīid je mmígügtíjc, pen miich ajcxy mdzójcpy co je mmígügtíjc chinähúípy tudägy mīid miich ajcxy; com jadu'n y'ane'my Moisés yley etz yí Dios y'ayuc najtzcapxíyb ajcxy ñecy.

Je xützpi tü'aa

¹³ Tígíyíygíx ma yí tígíyíydac xützpi: yí tígíyíydac etz yí tü'aa huídibí ja'tp ca'oydactuuby mij huín yí', e may jáy ajcxy oy jí ytígíyíygíxy.

¹⁴ E janch je tígíyíydac etz yí tü'aa huídibí ja'tp ma je jugy'ajtín huínixíbi, xüdz je' etz tzip naxíyñí; janch tím hueení jáy huídibí jí nícxíyb.

Yí jáy yhuinma'ñ mīid ñiguëxígy pen oyjáy o pen ca'

¹⁵ Nayguend'ájtígíx mīid yí jáy aníjatypí huídibí ajcxy mínamb co Dios ytíy'ajt yaj'ixpíjcp, huídibí ajcxy huídijtp janch yung janch naxy ñaybidaaccíxy nejíhuíy ooy oy huínma'ñ mīidíty; nígoobí ajcxy jadu'n ñaybídágyii, ymīid ajcxy jíbic-huínma'ñ.

¹⁶ Miich ajcxy jēbí m'íjxcapy nejjaty ajcxy mīidíty chináayín yjugy'ajtín; ca' pín caamuxy cha'm tucy

ma apy quipy, e nañ jadu'n ca' pin higo tii'm tucy ma jaam'apy quipy.

¹⁷ Je quipy huídibi ooy y'oyity, oy yi' ytiim'aty. Je quipy huídibi ca' y'oyity, ca' yi' oy ytiim'aty.

¹⁸ E je oybi quipy ca' huaad ytiim'aty jibic. E je quipy huídibi ca' y'oyity ca' ytiim'aty oy.

¹⁹ Tüg'óciy je quipy huídibi ca' oy ytiim'aty, cixy yajpujxp je'. Chi jada' yajnögy.

²⁰ Nañ jadu'n miich ajcxy jëbi mnejhuïy jadu'n nej jäy yjäy'aty co m'ixipy nej chinäy.

Ca' nidüg'óciy jäy ajcxy ytiig'ihuipy ma Dios

²¹ Ca' nminaanim nidüg'óciy jäy ajcxy ytiig'ihuipy jii'by tzajpjoty huídibi xyñimaaybich: “Huindzin, Huindzin”, jëda'ajty ajcxy tiig'ihuamb huídibi ycapxymidooyb je Dios chojcin y'ane'min.

²² Mayjäy oy mina'na'ñ huin'it xii huin'it tiempo: “Huindzin, Huindzin”, ti iich ajcxy ngapxhuäcxy miich m'ayuc, e miiid miich mxii ti iich ajcxy nyajpidzimy je ca'oybi; etz miiid miich mxii ti nduñ iich ajcxy mij huinma'ñ.

²³ Huin'it nimähuipy: “Caminaabi miich ajcxy ti nga'ixy'adyii; huinhuäctutcih miich jibic tumbidijc ajcxy.”

Je mejtznajxpi je tiy'ajt cop

²⁴ Nidüg'óciy pinjäy huídibi xymibijcpich etz midooyb jadu'n nej iich n'ane'myich yi' ajcxy quipxyjaty miiid je jäy huídibi cohuinma'ñ huídibi ytiic ycojp ma yhuingixity.

²⁵ Co ymicpojtüy etz ycomy je mij nii, ca' ypadyii niiigom je tijc, je' co anajty cixy je' ycojyity.

26 Per yi' ajcxy huídibi mídoob e ca' cuyduñ huídibi ngapxpich, je' jadu'nip nej tüg jáy huídi janch loci huídi ytiçcoj ma pu' jot.

27 Co ymiñ je mic poj tuu, chi ycomy je mij ni. Chi yciday je ytiç; mij ayo'n oy yjajti.

28 Co Jesús ycapxtay ymiydactay, chi je jáy ooy huinmay jadu'n nej anajty ti yaj'ixpicy.

29 Com je' co Jesús anajty yaj'ixpicy nej tüg huídibi cõtujcin mïd, ca' yjadu'nity nej je escribas ajcxy.

8

Jesús yajtzögy tüg jibic nïbütpa'mmïdpi

1 Co Jesús oy chooni ma je cögop, chi ypagidaci mayjä.

2 Huin'it ñimiini tüg jáy jibic pützpa'mmïdpi. Chi ycojxtinay'ahuïy ma Jesús yhuinduu. Chi minañ:
—Huindzin, pen m'a'ixiïyb jëbi xyajtzögyich.

3 Huin'it Jesús nïdooñ je jáy. Chi nimay:
—Ndzojcpyich, jëbi mdzögy.

Co Jesús jadu'n nimay je pa'mjäy huin'ítity je ypützpa'm oy ytiçoooy.

4 Chi Jesús nimay:

—Ca' pin myajnimäy; nicx janchtiy ma je teedy. Minicx tüg huindzigi'ñ huídi Moisés y'ane'my. Huin'it jëbi yi jáy ajcxy ixipy co ti m'agidägy.

Jesús yajtzögy tüg capitán romano ymang

5 Co Jesús ya'ty jim Capernaum huin'it tüg capitán ñimiini e ycohuanïy.

6 Chi ñimaayi:

—Huindzin, jim ïch tüg ndumbi ma ïch ndijc huídi tim cöcnaayñip, ca' y'ocyücxni.

⁷ Chi Jesús minañ:

—Ich nicxy nyajtzögy.

⁸ Chi je capitán y'adzooy:

—Huindzin, ca'p ich n'oyjäyity, ca' yhuaadity mdigihuipy ma ich ndijc, jëyi miich nigoo capxy e ti anajty ich ndumbi chögy.

⁹ Ich nañ jadu'n ane'my n'ityich, e nañ nmüidich soldadtjc c'am. Co ich nimäy: “Nicx”, nicxp; e co ich nimäy: “Min”, mimb; e co n'ane'myich je nbödumbich huen tijaty tun, ytumyb.

¹⁰ Co Jesús jadu'n midooy, chi nigoobi ycixy ycuejty. Chi ajcxy nimay huidi pahuidijtjip:

—Janch t'y'ajt jadu'n nej nimaaygixy, ma Israeljäy ymiñ, ca' jadu'n ti nbaadyich huidi oy mibicy jadu'n nej jadayaabi yëydijc.

¹¹ Ich jadu'n nimaayb co mayjäy oy miinaangixy xhipdzimy'amy xicidägy'amy, chi ixtäga'ñ quipxyi müid Abraham, Isaac etz Jacob jüby ma Dios y'ane'min.

¹² Je judíojäy huidibi ixypy ajcxy jëbi yjatzinäy jüby tzajpjoty, je' ajcxy nicxamb agootztuuby, jüby ajcxy yjihuipy yäxipy etz y tützmúcxipy ytützqueedipy.

¹³ Huin'it Jesús nimay je capitán:

—Nicx ma mdijc. Jadu'n nej miich xymibicyich, ti ich yam nguyduñ.

Chi je tumbi oy chögy tim huin'it hora.

Jesús yajtzögy Pedro ymüd töxyjäybi

¹⁴ Chi Jesús nicxy ma Pedro ytjic. Chi ijxy je Pedro ymüd co jim cijx'am ycöcnäy müid je toyba'm.

¹⁵ Co Jesús c'nixajy huin'it je toyba'm ñajxy. Chi pidägy. Chi mic'amy ni'ixiy je caayin uucin.

Jesús yajtzögy mayba'mjäy

¹⁶ Co oy chu'iyñi ycoodzïyñi huin'it yajmimiñ ma Jesús may je huidi ca'oybi miid. E miid yi' y'ayuc yjêda'ajty ypidzimday je ca'oybi, e huin'it tüg'ócïy je pa'mjäy chooctay.

¹⁷ Jadayaabi je' ytuni yjajti jigix yajcuyduñ jadu'n nej je profeta Isaías minañ: “Yi' ci'm ajt nyuu nba'm ti xyajtzoctaayim etz yi pijcin ixin ti yajnicxtäy.”

Je pinjaty anajty panicxam Jesús

¹⁸ Co Jesús ijxy janch mayjäy anajty ti yjübigiyii, chi nimay co huen nájxcïxy jim'amy meyy ninaxy.

¹⁹ Huin'it ñimiini tüg escriba. Chi nimay:

—Huindzin, nbanicxamybich miich oy janch tim ma'amy ma anajty mnicxy.

²⁰ Chi Jesús y'adzooy:

—Je huaax ymiid je' ajcxy yjut, e je joon ymiid je' ajcxy ype'ñ. Per iich, je jäy huidibi tzoon jibiy tzajpjoty, ca' nmíididyich ma nmähuibich ma nbócxibich.

²¹ E jadügpï ydiscípulo yminañ:

—Huindzin, nicx jayijp ndeedyich n'ocyajnaaxtigiyich huin'it nbanicxip.

²² Huin'it Jesús y'adzooy:

—Pamiingich, ixmajtcix yi öcpi huen ymiï'öcpi yajnaaxtigiyii.

Jesús jïjpcogapxiy je micpoj etz je meyy co anajty ooy ypidigy

²³ Huin'it Jesús oy ybarcotigiyñi. Chi ypadzooni je ydiscípulos ajcxy.

24 E jim anajty ytüyöy mejyhuingíxy, huin'it mic poj ñaymibidzimi. Janch mic y'ocpidicni je mejy jigo jigo je barco cayajnädigoy, pero Jesús anajty chachmaab.

25 Huin'it oy ymigapxyii yajmäybidígyii je' ydiscípulos ajcxy. Chi ñimaayi:

—¡Huindzin, ocyajtzoogich ajcxy! ¡Cheeby ich ajt n'ocquiniim!

26 Huin'it Jesús y'adzooy:

—¿Na'amy co mdzachtzigíyigixni? ¡Miich ajcxy hueeni müdity mibijcin!

Huin'it Jesús ypidígy. Chi migapxy je poj etz je mejy. Huin'it je mejy etz je poj yhua'cxijptay.

27 E je' ydiscípulos ajcxy nigoobi y'occix y'occuejtni chachminaangixy:

—¿Pin yëydjc jada jada', co je mejy je poj ti ycapxymidoyii?

Je Gadara jäy ajcxy huidibi anajty ca'oybi müd

28 Co Jesús yja'ty ma yi nüba' ma yi Gadara ñaax ycajp, chi metz yëydjc, huidi anajty ca'oybi müd oy yjijpcoyöyiyii anajty ajcxy, ti chooñ ma je öcpi jut. Yi jäy ajcxy ooy janch ahua'n, e ca' anajty huaad jim ni pin ñaxy ma je tü'aa.

29 E co anajty Jesús jim ñaxy huin'it janch ahua'n ymigapxqueeci:

—¿Ti miich mdunamyb müd ich ajcxy, Jesús, miich Dios y'ung? ¿Nej ti mmiñ jayijp co xy-chaachytúngixich ma ca'ni xii tiempo paady?

30 Jiguem ma anajty ajcxy je' yajpaady jim anajty may'idzim y'ojccixy.

31 Chi je ca'oybi yminañ:

—Pen miich xyajpidzim iich ajcxy, xyaj'adigiigyixy xyajjotigiigyixy yi may'idzim.

³² Chi Jesús ñimay yi' ajcxy:

—Nixcix.

Huin'it ñihuaatzi je yëydijc je ca'oybi. Chi oy ytigigyixy je ca'oybi ma je idzim. Huin'it je idzim oy ñigöboyictäy. Jiiby ajcxy yjicxtäy.

³³ E je jäy ajcxy huidibi anajty idzim ycuend'ajtp, huin'it ajcxy yqueegy miid je tzig'iñ. Chi co ajcxy yja'ty cajpjoty, huin'it ajcxy ytigiy miydaacpi jadu'n nej anajty ti ytuñyii ti yjadyii.

³⁴ E huin'it chonday je mayjäy ma je cajp. Chi ajcxy ninicxy je Jesús. E co ajcxy ijxpaty, huin'it ajcxy cohuaniy co huen pidzimni ma je naax je cajp.

9

Jesús yajtzögy tüg jäy cïmätpi tecymätpi

¹ Chi Jesús ybarcitiigy. Chi ñicxy jim'amy mejyñaxy. Chi oyjäty ma yci'mgajp.

² E jim yajmimiñ tüg yëydijc huidibi anajty cïmät tecymät. Yajciy ymiñ ma'ndzaajoty. E co Jesús ijxy co ymiid je mibijcin, chi ñimay je pa'mjäy:

—Jotcugi' miich, ti je mbocy nhuinmeecxyich.

³ Huin'it nijëjty je escribas ajcxy, je ley yhuindzin, jot'ajti: “Jadayaabi yëydijc capxtigooyb yi' ma Dios co jadu'n ymina'ñ.”

⁴ Com Jesús ñejhuüy jadu'n nej anajty ajcxy je jäy tzachjot'ajtigixy, chi ajcxy ñimay:

—¿Nej co ajcxy jibic mdzachjot'ajtigixy jotjoty huinmañyjoty?

5 ¿Huɨdibi ca' chipity, co nminá'ñibich: “Ti yi mbocy nhuinmeecxich”, o co nminá'nibich: “Pidig etz tüyöy”?

6 Ich ndzojcpyich co miich ajcxy mhujnhuɨhuip co ich ti ndzooñich tzajpjoty e paady nmidich je cõtujcin ya naaxhuiñ e jëbi nhuinméecxibich pocyjäy ajcxy.

Huin'it Jesús nimay je cãmätpi tecymätpi:

—Pidig, huijtzig yi mdögy etz nicxni ma mdijc.

7 Chi je cãmätpi tecymätpi ypidigy. Chi ñicxy ma ytijc.

8 E co je mayjäy jadu'n ijxy, huin'it ajcxy ooy jihuɨy huinmay. Chi ajcxy ooy ojadaty yi Dios co anajty ti yecy je mic'ajtïn ma mayjäy.

Jesús nimay Mateo: “Pajamgich”

9 Co Jesús oy chooni jim, huin'it ijxy tüg yëydijc, yxñ Mateo, huɨdibi anajty iñaayb ma yajcogüejtac. Chi nimay:

—Pajamgich.

Huin'it Mateo ytïnayigy. Chi panicxy Jesús.

10 Jadu'n ytuni yjajti co Jesús jim ycay ma Mateo ytijc, e may nañ jadu'n ymiñ yajcogüejtpidijc etz pocyjäydijc. Chi ajcxy jim tú'ciy y'ixtactay miid Jesús etz miid yi' ydiscípulos.

11 Co je fariseos jadu'n ijxy ajcxy, chi nimay ajcxy je' ydiscípulos:

—¿Na'amy co yi mHuindzïn ycaymucy miid je yajcogüejtpidijc je pocyjäydijc?

12 Co Jesús jadu'n midooy huin'it nimay ajcxy:

—Ca' yajmayjaty tzoydumbi huɨdi ca' ajcxy ypiigyii, jëyi huɨdi ajcxy pijcip.

13 Nicx ixpijccixy nej ymiñ jaaybety ma Dios ñecy: “Ñich ndzojpcyich co miich ajcxy mïd'adipy je pa'ayo'n, ca'ydi co myajhuindzigiy tijaty iyujc.” Ca' ñich ti nmiñich ma je jäy ajcxy huïdibi ca' pocy mïdity. Ñich ti nmiñich mïd yi pocyjäy ycixpi co huen jothuimbijttaaygixy ma Dios.

Amidoogixy Jesús mïd je' ycixpi co jaygay y'ijtcixy

14 Huin'it ajcxy ymiñ Juan ydiscípulos ma Jesús. Chi je ajcxy nimay Jesús:

—¿Na'amy co ñich ajcxy etz fariseo ajcxy ayuu'ijtcixy, e yi' ajcxy huïdibi xymïdhuïdijtp ca' ajcxy ayuu'ijtcixy?

15 Huin'it Jesús y'adzooy:

—¿Nej jëbi yaj'ayuu'aty jäy ajcxy huïdi yajpaatpi ma je pijcpi yajnixïduñyi, pen quipxyi yam yajpaady mïd je huïdibi pijcp? Minamb je xii je tiempo mina je pijcpi yajtzonïyb, huin'it janchtiy ajcxy jëbi y'ayuu'ajtcixy.

16 Ni pin tuc huit ca' agiyïy mïd tüg pedas jemyhuit, com ñigi je tuc huit ñajtzcïdzïy, chi ñigi o'ctiy yjajtñi.

17 Ca' pin pidägy vino ñi ma tucpi cochac, ycïdzip je', e tüg'ociy anajty ti y'ayoodäy je vino ñi mïd ñigochac. Pidägipy ajcxy jemy vino ma jemy cochac, chi jadu'n ca' ayoohuipy je vino, ni huïdigoyipy je cochac.

Je Jairo ñix, etz je töxyjäy huïdibi Jesús yhuït nïdoni

18 Ma anajty Jesús jim ycapxy ymiydägy huin'it ymiñ tüg mijjäy. Chi ñaygojxtinay'ahuïy ma Jesús yhuïnduu. Chi ymiñañ:

—Nniixich ti y'ögy. Nicx ma iich ndijc etz mginixajipy, jugypigipy ya.

19 Huin'it Jesús ypidigy. Chi ñicxy miid je ydiscipulos ajcxy.

20 Ma anajty ajcxy jim ytüyöy huin'it ymiñ jixci'py'amy tüg töxyjäy huidi yxii ybo' ti mi'ijtiyñi majmetz jimijt. Chi nïdoni Jesús yhuitpa'. Huin'it ñajxy je' ypa'm.

21-22 Jadu'n anajty ti yjot'adyii: “Oy Jesús jëda'ajty yhuitpa' nnidónibich, ti iich anajty n'agidäygiçh.” Huin'it Jesús yhuac-huimbijty. Chi huindixpejty je töxyjäy. Chi nimay:

—Jotcujc'at miich, ti m'agidägy jigix co xymibicyich.

E tim huin'it hora oychögy je pa'mjäy.

23 Chi Jesús oy yjäty ma je mijjäy ytijc. Chi ijxy je xuuxpidijc miid je ymigügtijc ajcxy huidi chachyaaxcixy co anajty ti y'ögy je töxy'anäg.

24 Huin'it Jesús nimay ajcxy:

—Queccix ya, yi pi'ctöxy'anäg ca' yi' ti y'ögy. Hue' yi' maab.

Huin'it ajcxy nigo nixiicy yajxiicy Jesús.

25 Co anajty je jäy ti ixquejxtäy, chi Jesús ytijctigiyy ma anajty je töxy'anäg huijtnäy. Chi majch ma yci'. Chi ypidigy.

26 Chi je jäy oy yajnejhu#ydaayñi ma je jimbi naax cajp nej anajty ti ytuñyii ti yjadyii.

Jesús yajtzögy metz jäy huintzpi

27 Ma anajty jim ti choñ huin'it metz jäy huintzpi ypamiini. Chachñimäyii jadu'n:

—iPa'ayoogich ajcxy, miich David y'ap y'oc!

28 Chi Jesús yajpajäty ma anajty ti yjättägy. Co ytigiiy tigoty, chi Jesús yajtiy:

—¿Nej mmibijcpy miich ajcxy co jëbi nyajhuindicxiccixy?

Huin'it je' ajcxy y'adzooy:

—Mibijcpy iich ajcxy, Huindzin.

29 Huin'it Jesús nidoñ je jäy ajcxy huintzpi ma yhuiin. Chi nimay ajcxy:

—Jadu'n nej miich ajcxy mmibicy, jadu'n ytunib yjadib.

30 Chi je' ajcxy y'ijxigy. Huin'it Jesús y'ane'min pidacy:

—Ca' huaad pin myajnejhuuygixy.

31 Co je' ajcxy ñicxni, chi ajcxy ooy nigapxy nimiydacy co Jesús anajty ti yaj'ijxicigixy.

Jesús yajtzögy tüg jäy uumbi

32 Co anajty je' jim ti chongixy, huin'it ajcxy mimiñ ma Jesús tüg yëydijc huídibi uum huídibi anajty ca'oybi miid.

33 E co Jesús yajpidzimy je ca'oybi, chi je mayjäy ooy ycijxy ycuejty ajcxy. Chi ajcxy minaangixy:

—Ni camina jadu'n ycayaj'ixy ya ma jada Israel naax cajp.

34 Per je fariseos jadu'n yminaangixy co Jesús je' miid je ca'oybi ymic'ajt yajpidzimy ca'oybi ma jäy.

Jesús ymüd pa'ayo'n ma mayjäy

35 Jesús jadu'n yhuídijty cajp cajp yaj'ixpijcy majaty tzajptijc. Yajhuingapxiy je jäy Dios y'ayuc. Etz nañ jadu'n yaj'agidacy huen ytim huídi yuu huen ytim huídi pa'mity.

³⁶ Co Jesús jadu'n ijxy je mayjäy, chi oy pa'ayooni co yi' ajcxy ca' miidity ni pin huidibi jëbi ñajtzcapxiy Dios y'ane'min. Yi' ajcxy jadu'n yajpatp nej cöbixy huidi ca' miidity cuend'ajtpi. Ca' nejhuixygiy pin y'ane'mip e pin ypanicxi.

³⁷ Huin'it Jesús nimay yi' ydiscípulos ajcxy:

—Ti'y'ajt yi', janch mij je tung e hueeni je tumbidijc.

³⁸ Paady pijtzou miich ajcxy ma Dios co huen quexy tumbidijc ma yi' ytung.

10

Jesús huin'ixy je majmetz ydiscípulos

¹ Huin'it Jesús huoy je nimajmetz discípulos. Chi moy ajcxy cötujcin jëbi huaad yajnñhuäch je huidi ca'oybi mid. Etz nañ jadu'n yaj'agidägip huen ytim huidi yuu huen ytim huidi pa'mity.

² Jada je' je nimajmetzp yxi: Simón, huidi nañ jadu'n yajtiyp Pedro, etz ymiguëx Andrés; Jacobo etz y'uch Juan, Zebedeo ymang;

³ Felipe, Bartolomé, Tomás, Mateo, je yajcogüejtpi; Jacobo, Alfeo ymang; Lebeo, huidi nañ jadu'n yajtiyp Tadeo;

⁴ Simón, je cananista; e Judas Iscariote, je huidi ycäyejc Jesús agojix.

Jesús quejxy je' ydiscípulos ajcxy ayuccapxhuäcxi

⁵ Chi Jesús quejxy yi' nimajmetzpi, e jadu'n najtzcapxiy ajcxy:

—Ca' ajcxy mnicxiy ma je naax cajp ma ajcxy je jäy chinäy huidibi ca' ajcxy Israeljäyity. Ni mgatigihuipy ajcxy ma Samaria naax cajp.

6 Nīgi jac'oy co ajcxy mnicxipy ma je Israeljäy huidibi ca' nejhuiy huidibi ca' paduñ Dios ytiy'ájin.

7 Nicx miich ajcxy capxhuäcx Dios y'ayuc co ti yhuingtoni Dios y'ane'min.

8 Yaj'agidaaccixy yuujäy pa'mjäy huidijaty pützpa'm ymüd. Myajjugypijccixy tiibi ögy. Myajnihuaádzip huidi ca'oybi ymüd. Ninigoobi miich jada cötujcin ti myajmooygixy, nañ ninigoobi yejccixy.

9 Ca' ni ti meeñ mminicxcixy.

10 Ca' mbijty mminicxcixy tü'amgixpi. Mminicxcixy jéda'ajty yi mhuit huidi müd ma mninicx. Ni mgaminicxip huingbi mgig etz mdajc; com ycopicity co je cajpjäy xyajcáaygixipy xyaj'úuccixipy miich ajcxy.

11 Co anajty mjäty miich ajcxy ma tüg cajp nidüu yajtiu pinjäy jim tudäcyip. Jim ajcxy mhui'mipy ma je' ytiyc ixti cooni ajcxy mdzoonip.

12 Co anajty miich ajcxy mdigiy tigoty huin'it mgapxpcxcixipy je codijc jadu'n nej tzocy.

13 E pen je codijc ymihuaad'ajtpy, yejccixy jim ñbocxin capxpocxin. E pen je jäy ca' ytudägyity, ñaadigi'adip huidi anajty ti mgapxcixy.

14 E pen ca' pin xycöbigaangixy, e ni pin xy-camidohuaani ajcxy m'ayuc, pidzimgix jim ma je tiyc o ma je cajp. Chi ajcxy mdecy huiñnebiy, je' je' je tiy'ajt co ca' miich ajcxy ti pocy müdity.

15 Janch tiy'ajt jadu'n nej nimaaygixy co anajty je xii tiempo paady ma anajty yajtiyduna'ñ je naax-huiñjyäy, jac nīgi yajtzaachytuna'ñ yi' ajcxy ca'ydi

yí jáy ajcxy huídibí tziinaayb ma Sodoma cajp etz ma Gomorra cajp.

Ixhuídijtín pahuídijtín

¹⁶ ¡Ocmidoogix! Hich yam miich ajcxy nguejxyp majaty yí jáy huídi jibic-huinma'ñ m'íd. Jadu'n nipaady nej ñich nguexyich cöbixy ma je lobi. Huijy cujc ajcxy mnaypidägiib jadu'n nej tza'ñ, per yung naxy jadu'n nej muuxy.

¹⁷ Mnayguend'adüüb ajcxy je' co yí jáy ajcxy xyciyegaangixy ma ajcxy m'ijtungm'ídpi etz myajhuobaangixy ma je judíojäy ajcxy ñaymujctac,

¹⁸ ixti xyajnicxaangixy ajcxy ma je gobernador etz je reydiyc ajcxy m'íd ñich ycixpi; e jim ñich miich ajcxy xyñigapxipy ma je jáy ajcxy yhuinduu, e nañ jadu'n majaty anajty je jáy ajcxy huídibí ca' yjudiojäyity.

¹⁹ Co anajty ajcxy xyajc'idigiy je m'ijtungm'ídpi, ca' ajcxy oy mhuinmaayipy nej m'ocnimähuiipy. Co anajty paady je tiempo, huin'it ñich miich ajcxy myajnimähuiipy nej ajcxy mgapxipy.

²⁰ E je ayuc huídibí miich anajty ajcxy mgapxpy, ca' miich anajty je' ajcxy m'ayuc'ájtigixy, je Dios Teedy anajty yjihui'ñ, je Espíritu Santo, xyajcapxp miich ajcxy.

²¹ Huin'it yí jáy ajcxy ñayg'iyegáanigixy miñ xyipy tüg quéxtijc co huen yaj'ögyii. E je ungedeedy c'iyegañ y'ung; je ung'anäg mibidigañ je ytaj yteedy etz yaj'ócip ajcxy.

²² Tüg'óciy je jáy ajcxy ca' ajcxy xy'ix'anipy xy-choga' nipy m'íd ñich nxii ycixpi. E pin xymibijcpich amumdügot ixti mabaad y'ögy, yí' ajcxy y'alma tzögipy.

23 E co anajty miich ajcxy jäy xy'ixhuidity xy-pahuidity ma tüg cajp, nicxcix ma huingbi cajp. Janch tiy'ajt jadu'n nej nimaaygixy co ca'ni anajty mgapxhuäcxtäy ayuc tiy'ajt ma tüg'óciy je Israel-cajp co nhuimbidipyich, ich, je jäy huidibi tzoon tzajpjoty.

24 Tüg yaj'ixpijcp i jac nigi mij'ajtin müidity ca'ydi je huidi xpijcp, e tüg huindzin jac nigi mij'ajtin müidity ca'ydi je' ytumbi.

25 Jëb jotcuyc idipy je discípulo co jadu'n yaj-paadipy jadu'n nej yhuindzin, e je tumbi jotcuyc idipy nej yhuindzin. Pen jäy minamb co ich nmüidich ca'oybi, jac nigi ymina'nañ co miich ajcxy müidity.

Pin jëbi yajtzigi

26 Ca' ajcxy mdzigiy yi jäy ajcxy. Ca' ji ni ti yüch ity nicx ycaniguëxigy; nañ ni ti ji ycayajtuñ ayüch ameech nicx ycayajnejhuïy.

27 Huidi ich miich ajcxy ayüch nyajnimaayb, capxidzimgix miich yi' mayjäyjoty, e huidi ajcxy midooyb ameech, capxidzimgix miich yi' mic ma tüg cögop.

28 Ca' ajcxy mdzigihiip je jäy huidib ninicx yaj'öcp etz ca' huaad yi' ajcxy yaj'ögy je alma. Yi' miich ajcxy mdzigihiygixy je Dios huidib pidacp je alma etz je ninicx mijjinjoty.

29 ¿Nej ca' jäy ajcxy toogy metz pi'cjoon müid tügpi pi'cmeñi? Per ca' ni tüg huaad ycäy naaxhuiñ, pen ca' tzocy je mDios Teedy huidi jiiby tzajpjoty.

30 Miich ajcxy mgöhuay ac michoy yi'.

31 Paady miich ajcxy ca' mdzigihiipy, jac nigi miich ajcxy mdzoubaady ca'ydi je joon.

Pinjaty ca'p midzöydu'ñ Jesucristo mayjäyjoty

32 Yi jäy ajcxy huidi xymibijcpič etz xyñidiy'ajtyič ma jäy yhuinduu, nañ jadu'n ičh yi' nidiy'ajtyič ma ičh nDeedy huidibi jii by tzajpjoty.

33 Per je jäy ajcxy huidi ičh xycoyützpich ma mayjäy ajcxy yhuinduu, nañ jadu'n yi' ngoyützp ma ičh nDeedy yhuinduu huidibi jii by tzajpjoty.

Miid Jesús ycixpi yjiiyty naymidzip'adii

34 Ca' miich ajcxy mhuinmay co ičh ya ti nmiñich miid co nmöhuaangi xy jotcuyc'ajtin ya naaxhuiñ.

35 Ičh ti nmiiñich co nyajtziptunipyich jäy miid yteedy; töxyjäy miid ytaj etz xecy miid yxecy.

36 E jadu'n miich ajcxy mdzip'adiiyb mgi'mjuugy mgi'mmigüg.

37 Yi jäy ajcxy huidibi tzojcp ytaj yteedy jac niği ca'ydi ičh, ca' yi' ypaadyii co njäy'adiiybich; e pin ymang o ñix tzojcp niği ca'ydi ičh, ca' ypadyii co njäy'adiiybich;

38 e pin ca' yci'mdzojcin y'ijxmajztäy etz ca' ñaybidägyii ycixjot huinijot ma ičh, ca' mihuaadity nicx njäy'adiiybich.

39 Pin yjugy'ajtin najtztzogiiyb, yajtigoyipy yi'; e pin yjugy'ajtin tigooyb miid ičh ycixpi, ypaadipy jugy'ajtin huinixii tzajpjoty.

Premio nganar'ajtim

40 Pin miich ajcxy xycöbijcp, ičh yi' anajty xycöbijcp; e pin ičh anajty xycöbijcp, nañ ycöbijcpsy anajty je huidibi ičh ti xyquejxyich ya naaxhuiñ.

⁴¹ Je huídibi cöbìjcp je jäy huídibi Dios y'ayuc capxhuacxp, je' co yi' ymiñ mïd Dios ycìxpi, yi' jadu'mbi je oy'ajtìn ypaadìpy. Nañ jadu'n je huídì cöbìjcp je oybi jäy mïd co oy yjäyity, yi' jadu'mbi oy'ajtìn ypaadìpy.

⁴² Je huídì yaj'ucp tüg vaso nï ma huenytìmpìnjäy mïd co xymìbìcyìch, janch ìich miich nìmaaygìxy, ypaadìpy oy'ajtìn.

11

Juan je Bautista yquxyöybi

¹ E co Jesús anajty ti najtzcaxpìydäy je tìyy'ajt ma je nìmajmetzpi ydiscípulos ajcxy, chi Jesús ñìcxy yaj'ìxpìjcp etz ayuccapxhuäcxp majaty cajp huinduy agonbi.

² E Juan je Bautista hue' je' anajty yajpaady pujxtìgoty. E co nejhuìy tìjaty mìjhuinma'ñ anajty Jesús ytumyb, chi quejxy metz je' ydiscípulos ajcxy ma Jesús yajpaady.

³ Chi Juan ydiscípulos ajcxy y'amidooy Jesús:

—¿Nej miich je' je Cristo huídibi anajty minamb o jèbi ìich ajcxy huingbi n'ahuijxcìxy?

⁴ Chi Jesús y'adzooy:

—Nìxcìx miich ajcxy nìmaaygìx yi Juan, je Bautista, tìjaty miich ajcxy m'ìjxpy mmìdooyb co ndumybìch.

⁵ Miich ajcxy yajmìdmìydäg je Juan, jadu'n nej je huìntzpi nyajhuìndìcxìgyìch; je cìmät tecymät nyajtzoocypìch; je huídibi jìbìc nìbützpa'm ymìd nyajtzoocpyìch; je' ajcxy huídibi cönat nyajmìdohuìcypìch; je öcpi ajcxy nyajjugypìjcpìch; etz je ayoobtìjc, je huídibi yung

naxy yjothuinma'ñ nyajm̄idm̄iydacȳp̄ich Dios y'ayuc.

⁶ Jotcuje yí' ajcxy p̄injaty xym̄ib̄ijcp̄ich amumd̄üjot etz ca' ni nej yjotmetzci' m̄id̄ ich.

⁷ Co Juan je Bautista ydiscípulos ajcxy ñicxni, chi Jesús ytiḡīy nim̄iydaccoty Juan je Bautista ytung ma je mayj̄äy, chi ymiñañ:

—¿Ti miich ajcxy oy m'ixy j̄im̄ m̄ijtiḡīduum? ¿Tüg n̄ahuaax hūidibi poj x̄ijpi?

⁸ ¿Ti ajcxy oy m'ixy? ¿Ti oy m'ixy, tüg j̄äy hūidibi ooy y'oyx̄öxyity?

⁹ ¿Ti miich ajcxy oy m'ixy? ¿Nej ti m'ixy tüg Dios y'ayucnajtzcax̄īybi? Janch co ti m'íxc̄ixy tüg j̄äy jac mij ca'ydi tüg Dios y'ayucnajtzcax̄īybi.

¹⁰ Je' jada je j̄äy hūidibi Dios nigapxy ma ñecy co Dios jadu'n ymiñañ:

Cham nguexyich ich nguexyöyp jayj̄p ma miich.

Je' yaj'oȳih̄uip je j̄äy yjot yhuinma'ñ m̄id̄ ich ycīxpi, tim̄ jadu'n nipaady nej j̄ihūīy j̄äy tü'aa yaj'oȳīy co rey ymiñañ.

¹¹ Co yí j̄äy ajcxy hūidibi ti chinaayḡixy ixti chambaad ni p̄in ti ca' yajpaady mij jadu'n nej Juan je Bautista; per p̄injaty ich xym̄ib̄ijcp̄, yí' jac mij naxam ma Dios y'ane'my ca'ydi Juan.

¹² Maabi Juan je Bautista ytundiḡīy, ixti chamni janch mayj̄äy amumd̄üjot ñejhūih̄ua'ñ Dios y'ayuc, je' co ajcxy ytiḡīhua'ñ ma Dios y'ane'my.

¹³ Tüg'óciy ajcxy je Dios y'ayucnajtzcax̄īybi etz Moisés ycītujcin̄ ñigapxy ajcxy je ané'min ixti cooni Juan oy ymiñ.

14 Pen miich ajcxy mibijcipy Moisés ycötujcïn etz Dios y'ayucnajtzcaxiibî ajcxy, Juan je Bautista je' je' je Elías huidibi anajty miinamb.

15 Pinjaty mido'n mid huen mido'mbigipy ïch n'ayuc.

16 Jesús yjacmïnañ:

—¿Pin mid n'ocyajtügïhuibyich yï jäy huïdi ajcxy cham tzïnaayb? Tim jadu'n yï ajcxy nej pi'ctijc huïdibi ajcxy iyïyb ma mayjäy yjuygïxy ytooccïxy, miyaaxcïxy midïnaaygïxy ymïgüg'tijc:

17 “Ti njayajxüxyich flauta e ni ca' ti m'ejtzcïxy; ti ïch ajcxy öcpï njahuinyäxich, e miich ajcxy ca' ti myäxy.”

18 Chi Juan, je Bautista, anajty miïñ, e je' ca' ycay y'ügy. E miich ajcxy mïnaangïxy co Juan ca'oybi ymïdity. Jada pi'c'anäctijc nipaady nej miich ajcxy.

19 Chi ïch je' je jäy huïdibi tzoön tzajpjoty nmïiñich, e caaybïch uucpïch, e miich ajcxy mïnaangïxy: “Ijxcïx, cha tüg yëydijc, janch cax janch vino'ucp huïdibi mïgüg'ajtpy yajcujtpïdijc etz pocyjäydijc.” Je Dios tiy'ajt ji je' ñiguëxïgy.

Je cajp huïdibi ca'ycapxymïdoogïxy

20 Chi Jesús ojcoty je maygajpjäy ma anajty may mijhuinma'ñ ti tuñ, com je mayjäy ca' anajty yjothuimbidaangïxy ma Dios. Chi Jesús ymïnañ:

21 —¡Ay miich ayoob ajcxy huïdibi tzïnaayb jim Corazïn! ¡Ay miich ayoob ajcxy huïdibi tzïnaayb jim Betsaida! Co ixypy ïch ti nduñich jecy'ajty je mijhuinma'ñ mijtzög'ajtïn ma je Tiro etz Sidón cajp, jadu'n nej ïch ti nduñich ma miich ajcxy, ti ixypy je Tiro jäy etz Sidón jäy nijothuimbijtcïxy

etz iñaaygixy sacco nijen nücuyjam ixcuyjam, je' je tiy'ajt co ooy ytajcixy ymaygixy müid ypocy ycixpi.

²² Paady miich ajcxy yam nimaaygixy. Co anajty Dios tiyduna'ñ je naaxhuiñybi jäy, huin'it miich ajcxy Dios xychaachtuna'ñ jac nigí, ca'ydi je jäy ajcxy huidibi jecy'ajty tzinay jim Tiro etz Sidón.

²³ Miich ajcxy, Capernaum jäy, mnaybidáacigixy jadu'n nej jihuñy mdigihuaangixy jilby tzajpjoty. Per ca' yjadu'nity. Mdigihuam miich ajcxy ayoodactuuby. Ayo'n tzaachypi mbadaangixy. Co ixypy ñich ti nduñich jecy'ajty je mijhuinma'ñ mij tzög'ajtín ma Sodoma cajp, jadu'n nej ti nduñich ma miich ajcxy mgajp, chambaad ixypy ity yi jadu'mbi cajp, ca' ixypy Dios cayajtigooy.

²⁴ Paady ñich miich yam nimaaygixy. Co anajty Dios tiyduna'ñ je naaxhuiñyjäy, huin'it miich ajcxy myajtzaachtuna'ñ jac nigí, ca'ydi je jäy huidibi jecy'ajty tzinay ma Sodoma ñaaxjot.

Mingixy ma ñich e mbóocxcixipy

²⁵ Chi Jesús ytiñy Dios mibijctzooyb, ymíñañ:

—Dios Teedy, ñich miich n'ñibaatpich ngapx-paatpich. Miich müid je mij cötujcín jilby tzajpjoty etz ya naaxhuiñ. Com miich ti mnajtzcapxiy yi m'ixpijcín ma je ayoohtijc huidibi tzinaayb jotxeemy, e ti myüch yi m'ixpijcín ma yi ixpiçytijc cohuinma'ñydijc.

²⁶ Jadu'n, Tat, ti mduñ, com jadu'n miich ti mdzocy ti mjäygidägy.

²⁷ Jesús yjacmíñañ:

—Ñich nDeedy ti xyajcídigiydäyich tüg'óciy mic'ajt oy'ajt. Ni pín ca' ijxcapy pín je' y'ung, jëyi nDeedyich tügpajc. Ni pín ca' ijxcapy pín

je' nDeedy'ájtpyich, jëyi ñich, je Dios y'ung tügpajc, etz jacjadyii huídibi ñich, je Dios y'ung, nyajniguëxigamyich.

²⁸ Min ma ñich nidüg'óciy miich ajcxy huídijaty taj mayb myajpatp ma mjot mhuinma'ñ, ñich miich ajcxy nmöhuamyb jotcujc'ajtín.

²⁹ Cöbíc miich ajcxy ñich n'ane'mín ñich ngötujcín, jadu'n nej huaj yuub ajcxy cöbicy ycögi'. Ijxpíc ajcxy ñich ndiy'ajt etz cuydun ñich n'ayuc, com ñich nmídich mecxtujcín etz ca' ñich amij agix nayjihuíyijich.

³⁰ Ca' ñich n'ane'mín ymicity, e ñich ndung ca' nimijaajity.

12

Je discípulos ajcxy moc cojc yajmujcp pocxx#duum

¹ Chi tüg xii Jesús yhuidity mïd ymigügtijc ma tüg camjot. E hue' anajty sábado xii, je pocxín xii. Chi Jesús ydiscípulos ajcxy oy anajty yubögyii. Chi ajcxy ytigiiy trigo tím nïxajztutp etz yjicxy ajcxy je ypajc.

² E co je fariseos ajcxy ijxy nej Jesús ydiscípulos ajcxy y'idíztcixy, chi ajcxy nïmay Jesús:

—Oc'ix nej miich mdiscípulos ajcxy y'idích. Hue' ajcxy tumyb huídibi ca' huaad ma sábado xii yaj-tuñ.

³ Per Jesús minañ:

—¿Nej ca' miich ajcxy mgapxyñi ma Dios ñecy, jadu'n nej David etz ymigügtijc ajcxy idích jecy'ajty co yuböccoti?

4 Pues yi' ajcxy tigüy ma Dios ytijc. Chi cay ajcxy je tzajcaagy huidibi anajty jäy ajcxy ti yajhuindzigüy Dios. Je' je tzajcaagy huidibi teedy ajcxy anajty paatip cayipy.

5 ¿Nej ca' miich ajcxy ti mgapxyñi Moisés ycötujcïn necy co je teedy ajcxy jëbi ytuñ ma Dios ytijc sábado xii, e ca' nan tundigooyb je' ajcxy?

6 Hich miich ajcxy nimaaygixyp, jac nigü mij cötújcïn nmüdidyich, ca'ydi je cötujcïn huidibi je teedy ajcxy yajtuñ ma Dios ytijc.

7 Pen miich ajcxy ti mhuinjihuüy nej yhuimbizimy jada Dios y'ayuc, co Dios jadu'n yminañ: “Hich ndzojcpy co miich ajcxy müdidipy pa'ayo'n ca'ydi co ajcxy myegipy huindzigüñ.” Pen miich ajcxy ti mhuinjihuüy jada ayuc, ca' ixypy mbocy'ixy ma hich nmügügtijc huidibi ca' ma ti ytundigooy.

8 Hich, je jäy huidibi tsoon tzajpjoty, nmüdich ane'min, jaydëbi nimäyich je jäy ajcxy ti jëbi tungixy sábado xii.

Je yëydijc huidibi anajty ycütüdzip

9 Chi Jesús choñ jim, ñicxy ma je judíojäy ñaymujctac.

10 E jii by ma je naymujctac anajty tüg yëydijc huidibi ycütitz. Je fariseo ajcxy xihuamyb Jesús, paady ajcxy y'amidooy, yminañ:

—¿Nej jëbi tüg pa'mjäy chögy sábado xiiji?

11 Chi Jesús y'adzooy:

—Pen ya ma miich ajcxy ji tüg jäy huidibi cöbixy yjutcögäy sábado xii, ¿nej ca' je' ñicxy yajpidzimy mic'amy?

12 Nigi tzoabaatp tüg yëydijc ca'ydi tüg cöbixy, paady Moisés ycötujcin ca' capx'aducy co tüg oy'ajtín nduunim sábado xii, je pöocxin xii.

13 Chi Jesús nimay je yëydijc:

—Xajtiu yi mgi'.

14 Co xajtiy yci', chi choocy, e hui'my quipxyjaty mïd je yci' oybi. Chi je fariseos ajcxy yjotmätcoty, yhuinma'ñ ixtaaygixy ajcxy nej huaad Jesús ocyaj'o'ccixy.

Tüg ayucnajtzcaxiïn mïd Jesús ycixpi

15 E co Jesús nejhuïy nej yi' ajcxy yhuinma'ñ mïdity, chi jim choñ. E ooy mayjäy ypanicxi Jesús, Jesús yajtzoocpy anajty tüg'óciy pinjaty pa'm mïd.

16 Jesús ane'my je pa'mjäy ajcxy co ca' huaad nigapxy nimïydägy co yi' je' je Cristo.

17 Jadu'n Jesús ane'my je pa'mjäy jigix ycixipy yca'pxipy je ayuc huïdibi je profeta Isaías yjaay jecy'ajty, co Dios jadu'n ymïnañ:

18 Jada je' ïch ndumbi huïdi ti nhuin'ixyich.

Yi' ïch ooy ndzocyich njihuïyich etz ooy njotcujcich mïd yi'. ïch yi' nmöhuamybich ïch njihuï'ñ mic'ajt. Yi' capxhuäcxip ïch n'ayuc jadu'n nej ndzaachytuna'ñich naax-huïñyây ajcxy mïd ajcxy ypocy ycixpi.

19 Yi' ni ymïgügtijc ca' oja'ñ, ni ycayäxa'ñ, ni ycatinähua'ñ, ni pin ca' mïdoohuïpy ma cajp cujc.

20 Ca' yi' tzaachytuna'ñ ayoobitijc etz huïdibi ayo'ndumb ijtp. Etz nañ ni ca' yajtigoya'ñ huïdibi ayoobitijc yco'ögy'ungdijc yjïp'ijxpy. Jadu'n nej jäy cayajhuïdigoy tzajcapy huïdi huïdyip etz ni cayajpich je mecha

huidibi uuxy uuxy t̄icxp. Ixti mabaad
 anajty yajcopicy y'ane'min tudägypi.

21 E yi' mayjäy ooy yjijp'ixa'ñyii.

Xigixy Jesús co m̄idity mujcu' ymic'ajt

22 Chi m̄id miiñ ajcxy ma Jesús t̄üg jäy huidibi
 huintzip etz uum. Je' anajty m̄id ca'oybi. Chi Jesús
 yajtzoogy, e chi y'ijx̄igy etz ycapx̄igy.

23 Co Jesús jadu'n tuñ, chi je mayjäy ytiḡiy huin-
 may'ahuidijt, chi ajcxy ym̄inañ:

—¿Nej jada je', je David y'ap y'oc huidibi
 rey'adam?

24 Per co je fariseos ajcxy nejhūiy nej je jäy
 huinmay, chi ajcxy ym̄inañ:

—Jadaabi ȳedyjc yajpidzimy ca'oybi m̄id je mu-
 jcu' huindzin ymic'ajt (ca' yi' yj̄jity je Cristo).

25 Per Jesús ñejhūiyb anajty ti je fariseos ajcxy
 yhuinmaayb, chi ym̄inañ:

—Pen t̄ügpic̄y tungm̄idpī ixyipy ñaybijc-
 huäcxigixy, etz ñaymidziptzoonigixy ixyipy ac
 j̄eyi, pues cixipy yi' ajcxy y'ane'min. Pen t̄üg cajp o
 t̄ügpic̄y jugymiḡüg ixyipy ñaybijc-huäcxigixy, pues
 ca' ajcxy y'idaangixy t̄ügmucy.

26 Pen Satanás, je ca'oybi huindzin, yajpidzimy
 ixyipy ca'oybi ma je jäy ajcxy, chi ci'm ixyipy je
 ca'oybi ti ñaybijc-huäcxigixy, e je Satanás ymic'ajt
 ca' y'idañ.

27 Miich ajcxy minamb co ñch nyajpidzimyich
 ca'oybi m̄id je ca'oybi huindzin, je Beelzebú
 ymic'ajt. Pen t̄iy'ajt jadu'n nej miich ajcxy m̄inañ,
 je jäy ajcxy huidibi xymijn̄icxpejt miich ajcxy,
 ¿nej yi' ajcxy paady mic'ajt ma je mujcu' co ajcxy
 yajpidzimy ca'oybi ma je pa'm jäy? Pues ca', paady

yi' ajcxy tıy'ajt yejcp co miich ajcxy ti mgapxtıgoy co ymınaangıxy co ıch nyajpidzımyıch ca'oybi mıid Satanás ymic'ajt.

28 Per ıch nyajpidzımyıch ca'oybi ma pa'mjäy mıid Dios yjihuı'ñ ymic'ajt. Paady miich ajcxy nejhuııyb co ti ymııñ yjäty je Dios y'ane'mın ma miich ajcxy.

29 (Dios ycötujcın jac mic ca'ydi je ca'oybi ycötujcın, paady jëbi nyajpidzımyıch ca'oybi.) ¿Nej jëbi tüg jäy ytıgııy ma tüg micpi jäy ytıjc etz pıgaanı tıjaty yi' ymıid, pen ca' jayıjp yci' ytecy xojtzıty? Pues ca'. Cooni jayıjp yci' ytecy xojtzıty, huın'ıt jëb pijcip tıjaty ymıid.

30 Pınjaty ca' xymıjnicxpetyıch, xymıdzipıch yi'. Pınjaty ca' tuñ mıid ıch co jäy nyaj'ıxpcıyıch, hue' je' ajcxy jäy yajhuınma'ñydıgooyb.

31 Janch ıch miich ajcxy nımäy co Dios jëbi huınmecxıp tüg'ócıy pocy huıdıbi jäy ytungıxp etz tüg'ócıy jıbicpi huıdıbi jäy ycapxcıxp. Jëyi janchtıy co pınjaty capxtıgooyb mıid je Espıritu Santo, je Dios yjihuı'ñ ymic'ajt, ca' Dios huınmecxıp nımına.

32 Pınjaty jıbic xyñıgapxpıch xyñımydaccpıch, je' huınmecxam. Per je huıdıbi jıbic ñıgapxpy je Espıritu Santo, je' ca' huınmecxa'ñ ni jadachambi tiempo, etz ni camına xıı.

Yı quipy yi' ytım yi' mıid yaj'ıjxcapy

33 Pen miich ajcxy mnejhuııhuamy je quipy pen oy quipy, o pen ca', jëbi mnejhuııhuıpy co je quipy nıcxı ytım'aty. Pen oy je ytım, miich mına'nıp co oy je quipy. E pen ca' oy ytım'aty, huın'ıt miich ajcxy mına'nıp co ca' y'oyıty je quipy.

34 Jibic jäy miich ajcxy, jadu'n nipaady nej jihuïy ahua'n iyujc xy'ung'ajtp. Pen miich ajcxy jibic jäy'ajtp, ¿nej jëbi miich ajcxy oybi ayuc mgapxipy? Jadu'n nej jäy ajcxy yjot yhuinma'ñ mïidïty, ac tim jadu'n ajcxy ycapxy.

35 Je jäy huïdibi oy ayuc ycapxy, ymïid oyjot oyhuinma'ñ paady oy ayuc capxy. Je jäy huïdibi jibic ayuc capxp, ymïid jibic jot jibic huinma'ñ, paady jibic ayuc capxy.

36 Ich miich ajcxy nimay co anajty paady je xïi je tiempo mina Dios tiyduna'ñ je naaxhuïnyjäy, huin'it ajcxy y'adzohuïpy mïid huen tim huïdibi ayuc huïdibi anajty ajcxy ti mgapxy.

37 Com nejjaty miich anajty ajcxy ti mgapxy je m'ayuc jadu'n miich ajcxy Dios xytiydunïp. Com mïid yi mgi'm ayuc yi' mïid m'oybidzimïpy mhuätzpïdzimïpy. E nañ jadu'n mïid yi mgi'm ayuc yi' mïid mbocycähüpy.

Jibicjäydïjc ajcxy pijctzoogïxy tüg ijxpejt mijhuinma'ñybi

38 Chi nijëjïty fariseos ajcxy etz escribas ajcxy Jesús nimayi:

—Huïndzin, n'ixamy ich ajcxy miich tüg m'ijxpejt.

39 Chi Jesús y'adzooy:

—Yi jibic jäydïjc ajcxy etz ajcxy huïdibi ca' mïbiga'ñ Dios ypijctzooyb tüg ijxpejt huïdibi tzomb tzajpjoty. Per Dios ca' yega'ñ jadüg ijxpejt. Ti Dios yecy tüg ijxpejt ma Jonás.

40 Com jadu'n nej Jonás jecy'ajty ijxpejt yecy co y'ijty tugïg xïi tugïg tzuum mejyoty ma acx ymoxac, nañ tim jadu'n ich, je jäy huïdibi tzoön

tzajpjoty, nyegamy ijsxpejt jadachambi tiempo co n'idipyich tugüig xim etz tugüig tzuum naaxjoty.

41 Je mayjäy huidibi anajty tzinaayb ma Nínive cajt, ti jothuimbijtcixy etz ti ixmach ajcxy huidijaty jibicpi ajcxy ytumyb co Jonás capxhuäcxy Dios y'ayuc ma yi' ajcxy. Cha ñich ngapxhuäcxyich Dios y'ayuc ma miich ajcxy, etz jac nigüi cötujcin nmüdidyich, ca'ydí Jonás; e ca' miich ajcxy mjothuimbity. Paady co anajty Dios tiyduna'ñ je naaxhuiñyjäy, je Nínive jäy miich ajcxy xyajpocycähuam.

42 Nañ jadu'n je töxyjäy reina huidibi tzinay jecy'ajty ma madza'cruudz ypidzimy, yi' je' xidähuam je jäy ajcxy huidibi tzinaayb jadachambi tiempo, etz yajpocycähuüib ajcxy. Je reina tsoon jiguëgy nicxy co amido'ida'ñ je rey Salomón ma capxhuäcxi Dios y'ayuc. Ji naaxhuiñ jadachambi tüg Dios ytiy'ajtmüdpüi jac nigüi ymijity, ca'ydí Salomón anajty, e ca' je jäy ajcxy mijpidäga'ñ.

Je jibic espíritu co jadüg'oc yhuimbity

43-44 Yi jäy ajcxy huidibi cham tzinaayb, quipxyjaty ajcxy müd je ca'oybi. Co je ca'oybi ypidzimy ma je jäy, chi je' ñicxy jim migtigüduum y'ijxtacy. Co ca' paty ypocxtac, huiñ'it ymüna'ñ: "Huimbidaambich ma je jäy yjot yhuinma'ñ ma ñich ti n'octzombi." Co je ca'oybi yjäty ma anajty ti chinäy, chi paty je jäy yjot yhuinma'ñ ooy yhuätzity etz yajxon ypedigüity oy oyduñ.

45 Chi je ca'oybi ñicxy oy yajtzooñ jahüixtujc ca'oybi jac jibicpi ca'ydí je'. Chi ajcxy ytigüiy ma je jäy yjot yhuinma'ñ, e chinay ajcxy jüiby. Huiñ'it

je jäy jac'öctiy oy yjajtñi, ca'ydi jadu'n nej anajty jayijp'aty.

Jesús ytaj etz y'uch miguëx ajcxy

⁴⁶ Jesús yaj'ixpijcpy anajty je mayjäy, co oy yja'ty je' ytaj etz y'uch miguëx ajcxy. Hue' ajcxy yhui'my tiba'y. Je' ajcxy anajty ymígapxamy Jesús.

⁴⁷ Chi jäy yajñimay Jesús:

—Yi mdaj etz m'uch miguëx ajcxy, chiiby ajcxy tiba'y, miich xyjamígapxamb.

⁴⁸ Jesús y'adzooy, ñimay je jäy huidibi ytaj y'ayuc yajnajxi ma yi':

—¿Pñin jäy miich ajcxy ndijy co ñich ndaj'adyii etz ñich n'uch'adyii nmigüg'adyii?

⁴⁹ Huin'it Jesús nitziihuñy je' ydiscípulos ajcxy e ymíñañ:

—Jada ñich ndiscípulos ajcxy jadu'n nipaady nej ñich ndaj etz ñich n'uch nmiguëx.

⁵⁰ Huen ytimpñity huidibi ytumyb ñich nDeedy chojcñ, huidibi jiiby tzajpjoty, pues jadu'n yi' ajcxy nipaady nej ñich ndaj etz ñich n'uch miguëx.

13

Je ayuccapxhuäcxpi y'ijxpejt (niipi ijxpejt)

¹ Je huin'it xii Jesús choñ ma je tijc. Chi ñicxy ma je mejypa' jim oy y'ñay'ihuñy.

² E co mayjäy ooy ñaymujci jim ma anajty Jesús ññay, chi Jesús ytigiy barcojoty. Per tüg'ócay je mayjäy yhui'mday ma mejypa'.

³ Jesús ytigñy jäy yaj'ixpijcp mñid jihuimbit ayuc, ymíñañ:

—Tüg jäy choñ trigotñm huijp.

4 E ma anajty jim ytımhuıjy, huin'it je ytım oy naagıty ycäy ma tü'aa. Chi jada' je joon ajcxy oy ymiin etz ypiihuıgy je tım.

5 Nijëjity ytım ycäy ma tzaanıcx ma anajty hueeni naax. Jada tım tzojc ymujxy.

6 Com hueeni anajty je naax ma je tzaanıcx, chi co oy xı'an ypadyii, chi ytıtztay, com ca' anajty je ytictz yeegity.

7 Nijëjity tım oy ycäy ma ujtz'aayjot ma apyjot, e ujtz'öctay je trigo mang.

8 Per je tım huidibi ca'u ma oy ñaax, je' yon yajxon e tım'ajt may'amy; tüg ypi'cpajc iipxmajc oy yco'ity, jadüg pi'cpajc tugı'px oy yco'ity, jadüg pi'cpajc mıgo'px oy yco'ity.

9 Pinjaty mıdo'n mıd huen mıdo'mbıcy jada ayuc.

Ti ycıxpi je ijxpejt

10 Chi je' ydiscıpus ajcxy nimijhua'cy Jesús, chi ajcxy yajtıy:

—¿Na'amy co myajtuñ jihuimbit ayuc co myaj'ıxpiıcy je mayjäy?

11 Chi Jesús y'adzooy, ymınañ:

—Miıch ajcxy jaydëb mnejhuıhuıpy huidibi Dios ñıgapxyp ñımiıydacpy coyüch'amy ma y'ane'mın. Jacjadyii jäy ca' ajcxy huinjıhuıhuıpy.

12 Pinjaty ymıd yajmöhııp nıgi, pinjaty hueen mıd yajpigıpy nıgi, oy ıxyıpy hueen jadım mıdıty.

13 Paady jihuimbit'amy nyajnımaayıch; jaydëbi pinjaty ijxcıxy, ñıpatpy nejıhuııy ca' ti ijxcıxy; etz co ajcxy mıdoogıxy, ca' ajcxy huinjıhuııy, ñıpatpy nejıhuııy ca' ti mıdoogıxy.

14 Jadayaabi ytunyii yjadyii jadu'n nej je profeta Isaías jaaybejty yajhu'i'my ma jadu'n ymīnañ:

Miich ajcxy midohuamy, per ca' mhujnhuīhuangixy. Miich ajcxy m'ixamy, nañ ca' mhujnhuīhuaangixy huīdibi ti m'ijxcixy.

15 Com jadyaabi jāy ooy ajcxy yjot yhuinma'ñ ti y'ahuimbity juuñ. Nej ajcxy yjamido, ca' ajcxy ymidohuī'mgixy. Nej ajcxy ja'ixy, ca' y'ijxhuī'mgixy. Nej ajcxy yjahuinjhuīyigixy, per ca' yhuinjhuīy ma yjot yhuinma'ñ. Yi' ajcxy ca' yjothuimbidaangixy ma ich, jaydeb nyajndzögibich ajcxy.

16 Per jotcuyc miich ajcxy, co miich ajcxy ijxhu'i'my mīd mhujn huīdibi ndumybich, e mmido'mbicy ajcxy ich n'ayuc.

17 Janch tiy'ajt jadu'n nej ich miich nimaaygixy. Janch tiy'ajt co may profetas ajcxy etz tudägy jāy ajcxy huīdibi tzinaayb jecy'ajty, ooy ajcxy ja'ixañ huīdibi miich ajcxy m'ijxyp cham, per ca' ajcxy ix. E ooy ajcxy jamidohuañ je ayuc huīdibi miich ajcxy midooyb cham, per ca' ajcxy midoy.

Jesús najtzcapxīy je ijxpejt ma je niipi

18 Amido'it miich ajcxy, jadu'n nej yhuimbīdzīmy jada jhuimbī ayuc maabi je tīm huījpi.

19 Je jāy ajcxy huīdibi amido'ijtp Dios y'ayuc, e mic'amy je ca'oybi yajpīdzīmy Dios y'ayuc ma ajcxy yjot yhuinma'ñ, jadu'n ajcxy nipaady nej trigo tīm huīdibi cāb tūgujc, e je joon ajcxy mic'amy ypiimujctay.

20-21 Je jāy ajcxy huídibi amído'ijtp Dios y'ayuc janch jotcujc, per co agapx̄iyb paady, co tza-achyp̄i minaxy yajnaxy miíd Dios y'ayuc yc̄ixpi, chi mic'amy ajcxy ixmajtzni Dios y'ayuc, jadu'n ajcxy nej je trigot̄im huídibi ti ycāy ma tzaan̄icx, huídibi ca' oy ytictz miídity.

22 Je jāy ajcxy huídibi amído'ijtp Dios y'ayuc, e co ñicxni, chi jāy digooyñi Dios y'ayuc miíd jotcujc'ajtin tzinaayin, comeeñ'ajtin etz adzojcin. Jadu'n ajcxy nipaady nej trigot̄im huídibi ti ycāy ujtzjoty, e ca' yt̄im'aty miíd co oy y'ujtz'ögy.

23 Je jāy ajcxy huídibi amído'ijtp etz cöbijcp yajxon Dios y'ayuc amumdügot etz Dios y'ayuc ytumyb ma ajcxy yjot yhuinmañ, jadu'n ajcxy nipaady nej je t̄im huídibi ti ycāy ma oy ñaax etz ti yt̄im'aty may'amy. Tüg pi'cpajc iipx majc oy yco'ity, etz jadüg pi'cpajc tuḡi'px oy yco'ity, etz jadüg pi'cpajc miigo'px oy yco'ity.

Je iixpejt co je jibic ujtz ymuxy ma je trigo cam

24 Chi Jesús yaj'ixpijcy jadüg jihuimbit ayuc, yminañ:

—Je Dios y'ane'min jadu'n nipaady nej tüg yëydijc huídibi trigo t̄im huijp ma je' ycam.

25 Per co ajcxy yma'öctay nidüg'óc̄iy je cogam, chi yt̄iḡiy tüg ymidzip ma je ycamjot. Chi je midzip jibic ujtz t̄im oy huijy ma je trigo cam. Chi ñicxñi.

26 E co je trigo oy yooñ, chi ypijy. Nañ jadu'n je jibic ujtz oy yooñ.

27 Chi je ytumbidijc oy yhuindzin yajnimay: “Huindzin, ¿nej ca' ti mn̄ipy ac trigot̄im? ¿Nej co jim nañ jadu'n jibic ujtz yajpaady?”

28 Chi je cogam ymīnañ: “Huen jada' nmīdzipich jadu'n ti y'idīch.” Chi je tumbīdījc y'amīdoohui: “¿Nej mdzójcpy co ñch ajcxy nhuijxīgībīch je jībīc ujtzi?”

29 Chi je cogam ymīnañ: “Ca'. Pen miich ajcxy mhuijxīcpy je jībīc ujtz, ca' jecyity co m'ahuijxmugīpy nañ jadu'n je trigo.

30 Ixmatz, huen je jībīc ujtz yeegy tūgmucy mīid je trigo, ixti coonī anajty ypidīgīy je cosecha. Co cosecha paty, huin'it nguexa'ñīch je ndumbīdījc co huen jayījp pujxīgīy je jībīc ujtz etz axotzīpy etz nōgīpy. E co yajpidīctay je jībīc ujtz, chi yajpidīgīpy je trigo e pidāgīpy ma je tze'x.”

Je ijxpejt ma je mostazapajc

31-32 Nañ jadu'n Jesús yaj'ixpijcy jadūg jīhuimbit ayuc, ymīnañ:

—Je Dios y'ane'mīn jadu'n nipaady nej tūg mostazapajc huīdībī tūg jāy ñīip ma je' ycam. E je mostaza ytīm je' jac tīm mutz ca'ydi ni huīdībī ujtz tīm. Per co je mostaza ytīm ymujx etz yoñ, chi y'ahuimbijty jac mij ca'ydi jacjadyīi ujtz. E hue' nīcxy yjaty janch mij, ixti joon ajcxy oy yqueec mīīñ yqueec xījpy jīm, pidāgy je ype'ñ ma je mostaza y'aacx.

Je ijxpejt ma je levadura huīdībī ca' y'oyīty

33 Nañ jadu'n Jesús yaj'ixpijcy jadūg jīhuimbit ayuc, ymīnañ:

—Je Dios y'ane'mīn jadu'n nipaady nej levadura huīdībī tūg tōxyjāy ypidacpy mīid je harina, jigīx je harina oy ypidīgīy.

Nej anajty Jesús yajtuñ je ijxpejt

34 Tüg'óciy Jesús yaj'ixpijc je mayjäy, jihuimbit'amy yaj'ixpijc, e ni ti ca' jäy yaj'ixpijcy cayajnimäy jihuimbit ayuc.

35 Jadu'n Jesús ytuuñ, jigix yajcuyduñ je ayuc huídibi je profeta Isaías yjaayhui'm jecy'ajty, co jadu'n ymínañ:

Íich ngapxamyích ac tím jihuimbit ayuc. Íich ni-gapxamybích tijaty huídibi ca' pín nejhuiy, mabaad Dios oga'n yajcojy je naaxhuiñybi.

Jesús capxticxni nej yhuimbídzimye jibíc ujtz ma je trigo cam

36 Chi Jesús capxycijxy míid je mayjäy, chi ñicxy ma tüg tijc. Chi ytigiy tigoty míid je' ydiscípulos ajcxy. Chi Jesús ydiscípulos ajcxy nimijhua'cy Jesús, ymínañ ajcxy:

—Tun may'ajt íich ajcxy xyajhuinjihuíyig je jihuimbit ayuc co ti mnígapxy je jibíc ujtz ma je trigo cam.

37 Chi Jesús yajnimay:

—Íich, je jäy huídibi tsoon tzajpjoty, jadu'n íich nipaady nej je jäy huídibi niip je oybí tím ma je ycam.

38 Je cam jadu'n nipaady nej tüg'óciy naax-huiñyjäy. Je oybí tím jadu'n nipaady nej je jäy ajcxy huídibi cöbijcp Dios y'ane'mín. Je jibíc ujtz jadu'n nipaady nej je jäy ajcxy huídibi cöbijcy ajcxy je mujcu' y'ane'mín.

39 Je jäy huídibi niipy je jibíc ujtz, jadu'n yi' nipaady nej je ca'oybí. Je jibíc ujtz cosecha, jadu'n nipaady nej je tiempo co anajty je naaxhuiñ ycixy ytigoy. Je ajcxy huídibi yajpidíc je cosecha, nipaady nej je ángeles ajcxy.

40 Jadu'n nej je jibic ujtz oy yajpujxigý etz yajpidacy jijnjoty, nañ tim jadu'n nicxy yjaty mid je jäy ajcxy huidibi cöbijcp je mujcu' y'ane'min co anajty je naaxhuiñ cixy ytigoy.

41 Co anajty je naaxhuiñ ycixy ytigoy, chi ich, je jäy huidibi tsoon tzajpjoty, nguexamyich n'angeles huen yajmujctäy je jäy huidibi je ymigüg yaj-tundigooyb, etz yi huidibi ajcxy jibic-huinmañ tumb.

42 Co yajmujctähuipy je jibicjäydijc, chi ajcxy yajpidägipy mijijnjoty, jilby ajcxy yäxañ etz ytitzmucxy ytitzqueecy mid je ayo'n ycixpi.

43 Per je jäy ajcxy huidibi cuydumb Dios chojcin, idam ajcxy mid Dios Teedy jilby tzajpjoty. Ymii'idamy ajcxy tüg oy'ajti, jadu'n nipaadip nej je xii ytixcin yjajin. Pen miich ajcxy mido'n mid, mido'mbijc ajcxy ich n'ayuc.

Je y'ijxpejt je meeñ huidii yüchip

44 Je Dios y'ane'min jadu'n nipaady nej meeñ huidibi yüch ijtp ma tüg cam. Per co tüg jäy paady je meeñ, chi mic'amy jadüg'oc yüdz tigach. Chi ooy yxondägy. Chi nicxy etz tooctäy tüg'óciy huidibi ymid etz juy je naax.

Je y'ijxpejt je perla huidibi tzoohuip

45 Nañ jadu'n Dios y'ane'min jadu'n nipaady nej tüg ajuuyb adoocpi huidibi ijxtaayb tüg oybi perla huidibi tzoobatp.

46 E co anajty paady tüg perla huidibi janch tzou, chi nicxy tooctigoydäy tüg'óciy huidibi ymid etz juy je perla.

Je acxmadziñ y'ijxpejt

47 E nañ jadu'n Dios y'ané'min jadu'n nipaady nej tüg acxmadzi'ñ huidibi jäy mïd ycojibüby mejyjoty. Chi jüby ytigiy huen ytim huidibi acxity.

48 E co anajty je acxmadzi'ñ y'uch mïd je acx, chi je jäy ajcxy yajpidzimy ma mejypa'áy. Chi ñay ajcxy jim mejypa'áy etz huin'ijxy ajcxy je oyjatypi acx etz pidaaccixy ma ycach. Je acx huidijaty ca' y'oyity, je' ajcxy y'ixjibijp.

49 Tim jadu'n nej ti yjaty mïd je acx, nañ jadu'n jada'ñ, co anajty ycixy ytigoy je naaxhuiñ. Huin'it je ángeles ajcxy ñicxa'ñ huindu'my naaxhuiñ huin'ixa'ñ je jibic jäydijc e pidäga'ñ ajcxy abicy, nañ jadu'n huin'ixa'ñ je oy jäydijc, e pidäga'ñ ajcxy nañ jadu'n abicy.

50 Chi je ángeles ajcxy pidäga'ñ je jibicjäydijc mij jünjoty. Jüby jünjoty ajcxy yäxa'ñ ytinähua'ñ etz ytütz mucxaangixy ytütz queedaangixy mïd je ayo'n mïd je tzaachypi ycixpi.

Je jäy huidibi jajtp nej oybi etz nej jibicpi yajpidzimity

51 Chi Jesús y'amidooy ajcxy:

—¿Nej mhujñihuiyb miich ajcxy tüg'óciy huidibi ñich ti ngapxich?

Chi ajcxy y'adzooy:

—Huindzin, ti nhujñihuïy ñich ajcxy.

52 Chi Jesús ajcxy nimay:

—Nidüg nidüg escriba co ti ixpiçytäy tüg'óciy Dios ytiy'ajt y'ane'min huidibi tzajpjoty tzoön, hue' jadu'n nipaady nej tüg codijc comeñybi huidijaty ymïd yjajty nej yajpidzimipy jemybi etz tucpi.

Jesús yajpaady jim Nazaret

⁵³ Co Jesús yaj'ixpijctay jada jihuimbit ayuc, chi chooñ jím.

⁵⁴ Co Jesús chooñ jím, chi ñicxy ma yci'mnaax yci'mgajp. Chi Jesús ytigiiy ma je judio ñaymujctac, e ytigiiy yaj'ixpijcp. Chi je mayjäy jiiby ooy jihuiy huinmay nej yi' yaj'ixpijcy, ymínañ ajcxy:

—¿Ma jada' jada yëydijc ti paady jada ixpijcin? ¿Ma mic'ajt paady co ooy mijhuinma'ñ tzachtuñ?

⁵⁵ Jadayaabi yëydijc hue' yteedy'ajtpy je tzejtzpi, etz ytaj'ajtpy María. E ñich ajcxy n'ix'ajtpyich je y'uch ajcxy; Jacobo, José, Simón, etz Judas.

⁵⁶ Nañ jadu'n ya chinay ma ñich ajt je' y'uch ajcxy töxyjäy. ¿Ma oy ti paady jada ixpijcin jada mic'ajtin?

⁵⁷ Paady je maycogajpi ajcxy ca' ytunicuend. Paady Jesús ajcxy nimay:

—Huen ma'amyity tüg'ócíy je mayjäy ajcxy ooy yajmij'aty yi jäy ajcxy huídibi najtzcapxiyb Dios y'ayuc, ca'ydi huídibi y'ayucnajtzcapxiyb ma yci'mnaax yci'mgajp yci'mjiiñ yci'mdijc.

⁵⁸ Ma yci'mnaax yci'mgajp Jesús ca' jaty nej mijhuinma'ñ tunip anajty, miid co je jäy ajcxy ca' mijpidägyii.

14

Juan el Bautista co y'ögy

¹ Je huin'it tiempo Herodes huídibi anajty ane'mb jím Galilea tiy'ajt paty nej Jesús ytuñ.

² E yi' nimay je ymidungmiidpidijc:

—Yijibi jäy huídibi tzachtumb mijhuinma'ñ, yi' je' je Juan, je Bautista. Juan ti jugypicy jadüg'oc ma anajty ti y'ögy, paady mic'ajt miid jaydeb mijhuinma'ñ tuñ.

³ Herodes ti anajty ni'ane'mdïy co Juan huen yajmach, e yajpidägipy pujxtigoty. Jadu'n Herodes tuñ miid Herodías ycixpi. Je Herodías je' anajty miid jayijp'aty ti ypiczy Felipe, je Herodes y'ajch, chi ti ixmajch Felipe, chi ypijcy miid Herodes.

⁴ Juan ti anajty nimäy Herodes co ti ytundigooy co ti piczy miid Herodías.

⁵ Je rey Herodes ooy anajty jayaj'öga'ñ yi Juan, per tzigiyyb anajty miid je mayjäy. Com je mayjäy ti anajty mibicy ajcxy co Juan hue' anajty tügi Dios tiy'ajt miidpi, tüg profeta.

⁶ Co Herodes yjimijtpejty, chi anajty ñayñixiuduñyii, e chi Herodías ñix ñicxy ejtzp ma Herodes yhuinduu. Je rey ooy jäygidacy nej anajty Herodías ñix y'ejch. Paady Herodes Herodías ñix nimay:

⁷ —Dios ñich yam ngapxpatpy co nmöhuamyb ti mdimypijctzooyb.

⁸ Chi Herodías nimay je' ñix co huen pijctzoohui je Juan, je Bautista, ycohuajc ma tüg texy. Chi Herodías ñix je rey nimay:

—Ndzojcyrich co miich xymöhuip Juan, je Bautista, ycohuajc ma tüg texy.

⁹⁻¹⁰ Co jadu'n midooy je rey, chi ytigiiy tajp maybi mij cajee. Per co ti anajty Dios capxpaatni, ymïnaani mayjäy yhuinduu co ymöhuamyb tijaty ypijctzooyb. Paady ane'my tüg soldado co huen nicxy yajtzoñyii Juan ycohuajc, e möhuipy Herodías ñix.

¹¹ Huin'it je soldado oy je Juan ycohuajc yajminajci jiiby pujxtigoty. Chi moy je töxy'anäg, e je töxy'anäg yejcnaixni ma ytaj.

12 Huin'it xii je Juan ydiscípulos ajcxy yja'ty. Chi ajcxy oy yajnaaxtigïy je Juan ñinicx. Chi ajcxy oy Jesús yajnimäy.

Jesús yajcay migoox mil jäy

13 Co Jesús nejhuïy ti anajty ti ytuñyïi ti yjadyïi mïd Juan, chi ytigïy ma tüg barco naydüg, e nicxni ma tüg it ma ca' pïn chinäy. Co je mayjäy nejhuïy co Jesús ti ñicxy, chi ajcxy choday canaag agajp, nicxy ajcxy ma Jesús yajpaady, hue' tecygi'm ajcxy nicxy.

14 Co Jesús ypidzïmy barcojoty, chi ijxy mayjäy. Jesús ooy pa'ayoy je mayjäy, e yajtzoocy je pa'mjäy huïdibi anajty ajcxy jim ymïd miïñ.

15 Com ti anajty chuu'ïñi, paady je' ydiscípulos ajcxy nimïjhua'cy Jesús, e nimay ajcxy:

—Ti chuu'ïñ, e ca' ya pïn china'y, paady capxcïxy mïd jada mayjäy ajcxy, jaydëb ajcxy nicxy ixtäy ycaayïn y'uucïn ma yi mutz cajp ajcxy huïgonbi.

16 Chi Jesús ymïnañ:

—Ca' ycopicyïty co ajcxy nicxy jicxy ixtäy. Miich ajcxy möhuïp caayïn uucïn.

17 Chi je' ajcxy ymïnañ:

—Per ïch ajcxy jëyi yeeby nmïdity migoox tzaj-caagy etz metz acx.

18 Chi Jesús ymïnañ:

—Mimiingix yam'amy.

19 Chi Jesús nimay je mayjäy co huen ïñay'ihuydaaygïxy ma pi'cmïy'ung nicx. Huin'it Jesús je migooxpï tzajcaagy conïgy etz je metzpi acx. Chi ypa't'ijxy jii by tzajpcïxy, e yajnajxy Dioscojuyipy. Chi tujc-huäcxy je tzajcaagy etz

moy je' ydiscípulos ajcxy, co huen yajhuäcxycíxy ma je mayjäy.

²⁰ Nidüg'óciy je mayjäy ajcxy ycaý cüxyi. Co je mayjäy ycaýday, chi je discípulos ajcxy yajmujcy je cayduc jicxtuc, e yaj'ujch ajcxy majmetz cach.

²¹ Mígoox mil anajty ajcxy je yëydijctijc huídibi cay uuc. E ca' ajcxy michoy je töxyjäydic ajcxy etz je y'ung y'anäg ajcxy.

Jesús yöy nãhuingíxy

²² Chi Jesús ane'my yi' ydiscípulos ajcxy co huen barco tigüygíxy mic'amy, jigix ñicxípy ajcxy jim mejy nínaxy. Namí yi' ydiscípulos ajcxy choñ barcojoty, Jesús ycapxycíjxy miid je mayjäy huen níxcixni.

²³ Co anajty Jesús ti ycapxycíxy miid je mayjäy, chi ñicxy naydüg ma tüg cögop Dios mibijctzoobi. Co ycoodziñ Jesús naydüg anajty yajpaady.

²⁴ Co ycoodziñ, mejy cujc anajty je barco cujc nicxy. E je ni ooy anajty ymijjètzpety ma je barco, je' co ooy anajty mic yjanchpojy.

²⁵ E co oy ymoñíy, huin'it Jesús ymijhua'cy ma je' ydiscípulos ajcxy, ñicxy adüyöyb mejyhuingíxy.

²⁶ E co je discípulos ajcxy ijxy co Jesús anajty ymiñ mejyhuingíxy, chi ajcxy ooy ñay'adzigiíyi. Ooy ajcxy yaaxqueecy ymínañ ajcxy:

—Hue' ñch ajt ijxmaníyím.

²⁷ Chi Jesús mic'amy ymígapxy ajcxy etz nimay:

—Huinmic jotmic naybidáacígíxy, ñch yi'. Ca' mdzigíygíxy.

²⁸ Chi oy Pedro Jesús ymígapxyii, nímaayi:

—Huindzin, pen janch miichity, ane'mgich co huen ich miich ninicxip adüyöyip mejyhuingíxy.

²⁹ Chi Jesús Pedro nimay:

—Min.

Huin'it Pedro yminajcy ma je barco etz ñicx ma Jesús adüyöyip mejyhuingíxy.

³⁰ Per co Pedro jihuñybijcy jadu'n nej anajty ooy mic yjanchpojy, chi ooy chigiy, chi oy oga'n ytigiiyñi quimbi, chi yaaxqueecy, ymíañ:

—¡Huindzin, ich yajtzóocigich!

³¹ Huin'it Jesús oy yci' mimajtzi, chi nimay:

—Miich, janch hueeni mmibjcin. ¿Nej co ca' yajxon xymibicyich?

³² Co Pedro etz Jesús ytigiiy barcojoty, huin'it je mic poj ñajxy.

³³ Huin'it je' ajcxy jiiy barcojoty ycojxtinay'ihuیداay ma Jesús yhuinduu. Chi ymíañ ajcxy:

—Janch tiy'ajt co miich Dios xy'ung'adyii.

Jesús yajtzoctay je pa'mjäy ajcxy jim Genesaret

³⁴ Co ajcxy ymejyñajxtay, chi ajcxy oy ja'ty ma je Genesaret naaxjot.

³⁵ E co je jäy ajcxy nejhuuy co Jesús ti yjaty ma yi' ajcxy naaxjot, chi ajcxy tiy'ajt quejxy ma tüg'óciy cajp etz rancho huinduy agonbi co Jesús yjimity. Chi je mayjäy miiñ tüg'óciy je pa'mjäy ma Jesús.

³⁶ Chi ajcxy cohuanuy Jesús, pen jeb je pa'mjäy ñidoñyii je yhuit. E tüg'óciy je huídijaty ñidonip je' yhuit, je' ajcxy chooctay y'agidactay.

15

Huidi jäy yaj'ahuimbijty janch jibic

¹ Chi ymiiñ ma Jesús nijëjity fariseo jäy ajcxy, je huindzindijc huidibi tzachpadumb judío ycos-tumbre. Nañ jadu'n miiñ nijëjity escribas, je huindzindijc huidibi ajcxy nijaydutp anajty Dios ñecy. Je fariseos etz escribas ajcxy ti choongixy anajty jim Jerusalén, chi ajcxy y'amidooy Jesús:

² —¿Na'amy co miich mdiscípulos ajcxy ca' cuy-dungixy judío ñi'ap costumbre? Yi' ajcxy ycaaygixy y'uuccixy, e ca' jayijp ycibujcixy, ca' ixpujcixy ixjëtzcixy ypocy.

³ Chi Jesús y'adzooy, yajtiiy:

—¿Na'amy co miich ajcxy mgapxycömidodägy Dios? Mdzachcuydungixy mgi'ngostumbre ma yjapadyii mguydungixy ixypy Dios ycötüjcin.

⁴ Com Dios ti y'ane'my ma ycötüjcin: “Yajmij'at mdaj mdeedy, e pinjaty jibic nigapxy ni'ojnyb ytaj yteedy, ögipy yi'.”

⁵ Per miich ajcxy minamb co tüg je yëydijc jëbi nimäy ytaj yteedy: “Ca' iich miich ajcxy nbubeda'ñ, com ti n'ahuanïyich ma Dios tüg'óciy tijaty nmidich.”

⁶ Chi huen ytipinüty jadu'n minamb, ca' ocpubedaanip ytaj yteedy, e jadu'n miich ajcxy myajtigoy Dios y'ane'min com tzachtunaangixy mgi'ngostumbre.

⁷ Miich ajcxy naybidaacip jadu'n nej jihuïy tudägy jäy, e ca' yjanchity. Janch tiy'ajt jadu'n nej jecyip Isaías jaaybejty yajhui'my co Dios jadu'n yminañ:

8 Jadayaabi jäy xyajmij'ajtpich ahuac aguy, per ca' ajcxy xyajmij'atyich cixyjot huinijot.

9 Naadigi' co ajcxy xyhuin'iiygixyich xyhuinyáaxcixyich. Mnayyaj'ixpijcgixy ayuc tiy'ajt huidibi jäy ajcxy ti cojy ti maacxy.

10 Huin'it Jesús huomujctay je mayjäy, ymíñañ:
—Amídoo'ijtcixy iich n'ayuc etz mhuinjihuüygixip.

11 Ca' ji ni ti jicxy huidi jäy ypidacpy ma y'ahuac nicxy yajpocycäyíi. Yi' janchtiy je jibic ayuc huidibi pidzim ma jäy ajcxy y'ahuac, yi' ajcxy yajpocycähuüb.

12 Chi ymiiñ ma Jesús je' ydiscípulos ajcxy, chi ajcxy ñímaayi:

—¿Nej miich mnejhuüyb co je fariseos ajcxy ñijotma'tpy co ajcxy midoy je ayuc jadu'n nej miich míñañ?

13 Chi Jesús y'adzooy, ymíñañ:

—Huen tim huidibi ane'min huidibi ca' Dios ti pidägy, Dios yajtigoyam, tim jadu'n nej jäy ajcxy huijxigy ujtz huidibi ca' y'oy'ujtzity.

14 Ixmajtcix yi fariseos etz escribas ajcxy. Ca' ajcxy huinjihuüy Dios ytiy'ajt. Jadu'n ajcxy nipaady nej jäy huintzpi, e co tüg huintzpi huijzhuídity jadüg huintzpi, chi nimetz nicxy yjutcögägixy.

15 Huin'it Pedro nimay Jesús:

—Yajhuinjihuüyg iich ajcxy jada jihuimbit ayuc.

16 Chi Jesús ymíñañ:

—¿Nej miich ajcxy nañ jadu'n ca' mhuinjihuüy jada jihuimbit ayuc?

17 ¿Nej ca' miich ajcxy mnejhuïy co tüg'óciy huïdibi tíguyb ma miich ajcxy m'ahuac, je' nicxp ma miich ajcxy mjot etz ypidzimy ma ajcxy mn-inicx?

18 Per je jäy huïdibi jibic capxp, capxp je' je jibic ayuc huïdibi ymïd ma yjot yhuinma'ñ. Jada jibic ayuc yajpocychimïcp je jäy.

19 Yi jibicpi huïdibi tzomb ma jäy ajcxy yjot yhuinma'ñ, yi' je' jäyyaj'ögï huinma'ñ, je töxyjäy migapxtigoyï huinma'ñ, meedzi huinma'ñ, je indägï huinma'ñ, je piitz capx huinma'ñ.

20 Yijadu'mbi jibic-huinma'ñ yajpocycäb jäy ajcxy ma Dios. Per co jäy ajcxy ycaay y'ügy, ma ca'ni ajcxy pocy ixpujcixy jayijp, ca' je' ypocycäy ajcxy ma Dios.

Tüg töxyjäy huïdibi ca' judíojäy mibijc Jesús

21 Chi Jesús jim chooñ, nicxy ma je Tiro etz Sidón naaxjot.

22 Jim anajty tüg töxyjäy chinäy. Jada töxyjäy hue' anajty cananeajäy, canan judíojäy. Chi yi' nimiiñ Jesús, chi nimay:

—Huïndzin, David y'ap y'oc, pa'ayoogich. Ich nmïdich tüg nïx huïdibi ymïd ca'oybi etz oy tza-achypï paady.

23 Per ca' ni nej Jesús y'adzoohui. Huin'it je' ydiscípulos ajcxy miiñ ma Jesús, e ycohuanïy, minañ ajcxy:

—Capxycix mïd jada töxyjäy, com nïgo xy-payaax xypadinaayim.

24 Chi Jesús yminañ:

—Dios ich ti xyquexyich jëda'ajty ma je israeli-tasjäy huïdibi y'alma tïgoyam.

25 Chi je töxyjäy ymijhua'ci ma Jesús, e ycojxtinay'ihuüy ma je yhuinduu, chi ymínañ:

—Huindzin, tun may'ajt pubejtcich.

26 Chi Jesús ymínañ:

—Ca' jadu'n y'oyity co n'ixmadzipich je israelitasjäy (Dios yjäy), e nbubedipich miich ajcxy. Co jadu'n ndunipich, jadu'n nipaadip nej jäy ajcxy y'idich co ajcxy pijci je ajcxy y'ung ycaagy, e möy je uc.

27 Huin'it je töxyjäy y'adzooy:

—Janch tity'ajt jadu'n nej miich mína'ñ, per ixti ycaayb je uc je tzajcaagy y'abu'x huídibi cáb ma yhuindzin mesa.

28 Chi Jesús je töxyjäy nimay:

—Janch mij mmibijcin. Hich ndunaamybich jadu'n nej miich mdzocy.

Huin'it hori je töxyjäy ñix choocy.

Jesús yajtzögy mayba'mjäy

29 Chi Jesús jim chooñ. Chi ñajxy ma Galilea mejypa'. Chi ypejty ma tüg cögop, jim iñay'ihuüy.

30 E huin'it oy mayjäy midmiiñ pa'mjäy huídibi huintz, uum, címucy tecymucy, etz huen tim huídibi pa'mjäy. Pidacy ajcxy je pa'mjäy ma Jesús yhuinduu, e yi' yajzooctay.

31 E je mayjäy ooy tzachjihuüy tzachhuinmaay ajcxy co anajty je uumbi ti capxígy, je huintzpi ti y'ixxígy, je címucpy tecymucpyi ti yöyígy. Chi je mayjäy ytigíy iibaady capxpaady Dios, je Dios huídibi je Israel jäy ymijpidacpy.

Jesús yajcay mídaax mil jäy

32 Chi Jesús mijhuoy je' ydiscípulos ajcxy, nimay:

—Ooy nba'ayooyich jadayaab jäy ajcxy. Com cujc midugüg xii ijtcixy ya mïd ïch etz ca' ajcxy mïdity ti ycaayipy. Ca' nguexhuimbida'ñich ajcxy ayuu ma ytijc, ca' yjetyity yajpa'mgojip ajcxy tü'am.

³³ Chi je' ydiscípulos ajcxy mïnañ:

—¿Per ma n'ocpatim ti jada jäy ajcxy ycaayipy yjïcxipy ya ma jada abac it ma ca' pin chinäy? Co ooy mayjäyity.

³⁴ Chi Jesús yajtïy:

—¿Naag jiiby tzajcaagy miich ajcxy mjacmïdity? Chi ajcxy y'adzooy:

—Jëyi huixtujc tzajcaagy etz hueen acx.

³⁵ Chi Jesús nimay je mayjäy co huen ïñay'ihuiydaaygixy naaxcíxy.

³⁶ Chi Jesús conïgy je huixtujcpi tzajcaagy etz je hueenip acx, e yajnax Dioscojuyip ma Dios. Chi tujc-hua'cx etz moy je' ydiscípulos ajcxy. E yï' ajcxy yajhua'cx je jicxy picy ma je mayjäy.

³⁷ Chi je mayjäy nidüg'ócïy ycaý cüxi. Jesús ydiscípulos ajcxy yajpidïgy huixtujc cach cayduc uuctuc tïbi anajty yconaxy.

³⁸ E je huïdibi ajcxy cay hue' anajty naybáatigixy nimidaax mil, abicy je töxyjäydïjc etz pi'ctïjc ajcxy.

³⁹ Chi Jesús ycapxycíxy mïd je mayjäy huen ajcxy nïcxcixyñi ma ytijc. Chi Jesús ytigïy barcojoty etz ñicxni ma Magdala naax jot.

16

Je fariseos etz je saduceos ajcxy pijctzoogixy tüg ijxpejt mijhuinma'ñybi

¹ Chi je fariseos etz saduceos y'oy ajcxy ixty Jesús. Yï' ajcxy ijxta'n octunaangixy mïd Jesús, paady

ajcxy p̄ijctzoy co Jesús huen yaj'ixyii ajcxy t̄üg ījxpejt h̄uidibi tzomb tzajpjoty.

² Chi Jesús y'adzooy je' ajcxy:

—Co miich ajcxy m'ixy tzuu yi tzajp tzaptz, chi miich ajcxy m̄ina'ñ com jabom oy tiempo yaj-pada'ñ.

³ Per co miich ajcxy m'ixy jopy je tzajp tzaptz etz huimbicy, chi ajcxy m̄ina'ñ co ca' y'oyity yi tiempo. Miich ajcxy ooy mnaybidägyii nejihuïy ooy m'ixpicyity ma Dios ytiy'ajt, e ca' yjanchity. Miich ajcxy jëbi yi tzajp myajcapxy, per ca' mnejhuïygyxy nej yhuimbidzimy yi mijhuinma'ñ ījxpejt h̄uidibi Dios ytumyb ma jadachambi xii tiempo.

⁴ Yi jäy ajcxy h̄uidibi cham tzinaayb, ooy yjibicjäyity ajcxy, ca' ajcxy capxym̄idoy Dios. Yi' ajcxy chojcpy co nyaj'ixipyich t̄üg ījxpejt mijhuinma'ñ h̄uidibi tzomb tzajpjoty. Ca' Dios yaj'ixa'ñ ajcxy jadüg mijhuinma'ñ, com m̄id miich ajcxy jaybetyity je mijhuinma'ñ ījxpejt h̄uidibi Dios ytuun m̄id Jonás jecy'ajty.

Chi Jesús ixmajch je fariseos etz saduceos ajcxy, chi ñicxni.

Fariseos jäy ajcxy y'ixp̄ijcin

⁵ Co Jesús etz ydiscípulos ajcxy yja'ty ma jadüg n̄iba', chi je' ajcxy yjädigoy je tzajcaagy.

⁶ Chi Jesús ym̄inañ:

—Naygüend'ájtigix m̄id yi fariseos etz saduceos ajcxy, ca' mijp̄idaaci yi' ajcxy y'ayuc ytiy'ajt, com jadu'n yi' nipaady nej levadura.

⁷ Chi Jesús ydiscípulos ñayñimáayigixy miñ xyipy:

—Paady jadu'n ymínañ, je' co ti ñch ajt je tzajcaagy njäydiigooyim.

⁸ Jesús nejhuíy nej ajcxy nayñimáayigixy miñ xyipy, chi nimay ajcxy:

—¿Na'amy co miich ajcxy mínaangixy co ca' ajcxy tzajcaagy mídity? Janch hueeni miich ajcxy mmibijcin.

⁹ ¿Nej ca'ni miich ajcxy mhujnhuíyí? ¿Nej ca' mjäymechyii co ñch migoox tzajcaayg nyajhuäcxy etz ni migoox mil je yëydijctijc anajty huídibi ajcxy cay? ¿E ni mga'ajihuíyíi ajcxy naag cach cayduc uuctuc ti myajpidígy?

¹⁰ ¿E ni mga'ajihuíyíi ajcxy co huixtuyc tza-jcaagy nyajhuäcxyich ma nimídaax mil yëydijc ajcxy huídibi caay etz naag cach cayduc uuctuc myajpidígy ajcxy?

¹¹ ¿Nej co ca' miich ajcxy mhujnhuíy, co ca' ñch yam nigapxy yí tzajcaagy huídibi miich ajcxy ti mjäydigoy, co ti nyajnimáaygixy je levadura huídibi je fariseos etz saduceos ajcxy ymíid?

¹² Huin'it Jesús ydiscípulos ajcxy huinjhuíy co Jesús ca' anajty je' ti yajnimáyíi ajcxy co huen naygüend'ájtigixy míid tzajcaagy levadura. Hue' janchtiy Jesús yajnimay ajcxy co huen naygüend'ájtigixy míid je fariseos etz saduceos ajcxy y'ixpijcin.

Pedro nidíy'aty co Jesús yí'je' je Cristo

¹³ Co Jesús yja'ty ma Cesarea Filipino naaxjot, chi Jesús y'amídooy je' ydiscípulos ajcxy:

—¿Nej jäy ajcxy ymína'ñ, pínic ñch?

¹⁴ Chi ajcxy ymína'ñ:

—Nijëjity jäy ymına'ñ co miich je' Juan je Bautista. Nijëjity jäy ymına'ñ co miich je' Elías, e nijëjity ymına'ñ co miich je' Jeremías o jadüg profeta (huidibi tzinay jecy'ajty).

15 Chi Jesús ymına'ñ:

—¿E miich ajcxy nej minaangixy, pín ñich?

16 Huin'it Simón Pedro y'adzooy:

—Miich je' je Cristo, je Dios y'ung.

17 Chi Jesús y'adzooy:

—Jotujc miich Simón, Jonás y'ung, je' co ni pín xycayajnimäy jada tñy'ajt, tügpajc je Dios Teedy nDeedyich huidibi jñiby tzajpjoty, yí' tí xyajnejhuñy jada tñy'ajt.

18 ñich miich nimaayb co miich mxñ'adiñyb Pedro, e hue' yhuimbizimy tzaa (hue' je', je tzaa tija'ñ je ayuc huidibi Simón ycapxy co je Cristo hue' je' anajty Dios), e ma jada tzaa ji ngoja'ñich ñich ndzajptjic (hue' yhuimbizimy, ma ñich n'ane'min chondäga'ñ), e ni ca' oybi ymic'ajt ycamimadägiipy.

19 ñich miich nmöhuamyb je cötujcñ jadu'n nipaady nej tüg ahuaast huidibi miid myaj'ahuädziipy Dios y'ayuc ytñy'ajt. Tüg'ócñy huidibi miich mgapx'adujcpy ya naaxhuiñ, Dios nañ jadu'n capx'adugipy jñiby tzajpjoty, e huidibi miich ya naaxhuiñ ca' capx'aducy, Dios nañ ca' capx'adugipy jñiby tzajpjoty.

20 Huin'it Jesús nimay je' ydiscípulos ajcxy, co ca' huaad ni pín nimäy co yí' je' je Cristo.

Jesús nigapxy je' y'öcñ

21 Ixti huin'itni Jesús ytigñy yajnimay je' ydiscípulos ajcxy co nicxamb jim Jerusalén etz co jim ooy y'ayoohua'ñ. Jim Jerusalén je

judío mijjädjic, je teedytjic huídibi tungmüdpi, etz yi escribas ajcxy ooy chaachytuna'ñyii etz yaj'öga'ñyii. Per codugüg xü huin'it yjugypiga'ñ jadüg'oc.

²² Huin'it Pedro müdnicy Jesús ahuingujc, e oy ogy, ymíañ:

—Huindzin, ca' Dios tzocy nicx jadu'n mjaty. Müd miich ca' jébi jadu'n mjadipy.

²³ Per Jesús yhuác-huimbijty, chi nímay Pedro:

—Huinhuäctuatcic Pedro, je mujcu' miich jadu'n xyajcapxp. Ca' nigoo xy'adzipyich. Ca' miich mhuinma'ñybidägy nej Dios tzocy. Yi' janchtiy miich mhuinma'ñ'ajtpy nej jäy ajcxy tzocy.

²⁴ Huin'it Jesús je' ydiscípulos ajcxy nímay:

—Pen je pinjaty xypamina'ñich, huen yci'mdzojcin ixmajztäy etz huen yhuinma'ñypidägy co ayoohuipy müd ich ycixpi, ixti mabaad y'ögy.

²⁵ Huen pinjäy huídibi ca' ayoohua'ñ müd ich ycixpi, hue' je' yajtigoyamy yi' yjugy'ajtin. Per pinjaty xypanicxpich oy nej ytimyjadipy, hue' je' ypadamyb yjugy'ajtin huídibi ca' ycixipy ytigoyipy nímíña.

²⁶ ¿Ti jäygidaacin yi' co tüg jäy y'ocnayyajpadüyb yi' meeñ etz mic'ajtin huindu'my ñaaxhuiñybi, e yjugy'ajtin cixipy tigoyipy tücci'y? ¿Jadu'ñyi jébi jäy y'alma yjugy'ajtinoccojuyi? Nigi choohuity jäy ajcxy y'alma yjugy'ajtin, ca'ydi jac ni ti.

²⁷ Ich, je jäy huídibi tzoön tzajpjoty, miinaambich jadüg'oc ya naaxhuiñ müd je ángeles ajcxy etz müd nDeedyich y'oy'ajtin.

Huin'it micuejtähua'ñ tüg'óciy je jäy nej anajty ti ytuungixy, pen oy, o ca' y'oyity.

²⁸ Janch tiy'ajt jadu'n nej nimaaygixy co ji ya naagity huidibi ca' y'öga'ñ ixti cooni xy'ixipyich jadüg'oc co ñch anajty nmiiñ ane'mbi.

17

Co Jesús ñinicx yajtigach

¹ Codudujc xii huin'it Jesús mïdnicxy Pedro, Jacobo, etz y'uch Juan ma tüg mijcop, ma tüg cop huidibi ooy ycixity.

² E jim copcixy Jesús ñinicx ñaygojtigajtzï ma Pedro, Jacobo etz Juan ajcxy yhuinduu. Jesús yhuiñyijp ytigiiy adïcxp nej je xii ytïcxin. E Jesús yhuit y'ahuimbijty janch poob jadu'n nej tüg tïcxin.

³ E timetiini oy ijxcixy Moisés etz Elías ycapxy miydägy anajty mïd Jesús.

⁴ Chi Pedro nimay Jesús:

—Huindzin, oy y'oyity co ñch ajt ya. Pen miich mdzojcpy jëbi ñch ajcxy nyaj'oyïy tugiiig tijcquemy. Tüg miich mje', tüg Moisés yje', etz tüg Elías yje'.

⁵ Pedro capxp anajty, tim huin'itïy tüg joc yanïdigoyday je' ajcxy huidibi ooy adïcxp anajty. E ma je joc yajmidoy tüg ayuc huidibi ymïnañ:

—Jadayaabi yëydijc ñch je' n'ung'ajtpy huidibi ooy ndzocy njihuïyich etz yi' ñch mïd njotcujcity. Amïdoo'it miich ajcxy yi' y'ayuc.

⁶ Co Pedro, Jacobo, etz Juan jadu'n mïdooy je ayuc chooñ jocjoty, chi ajcxy ooy chigiiy etz ñayñitziitcïdaaci ajcxy.

7 Huin'it ajcxy Jesús ñimiini etz nidoñ ajcxy, e yminañ:

—Pidíccix, ca' mdzigíygixy.

8 E co ajcxy y'ixígy, ca' anajty jim Elías etz Moisés. Naydügpajc Jesús yjac-hui'my mïd je' ajcxy.

9 E co ajcxy yminajcy ma je cop, chi ajcxy Jesús nimay:

—Ca' ni pïn miich ajcxy nyajnimähuipy jadu'n nej ti m'ijxcixy cham, ixti cooni ñich anajty ti nju-gypicyich jadüg'oc ma anajty ti n'ögich.

10 Huin'it je' ydiscípulos ajcxy yajtíy Jesús:

—¿Nej co yi escribas, yi' ajcxy huídibi nijaydutp etz yajnigüeyp Dios y'ayuc, yminaangixy co Elías yi' miinaam jayíjp etz axam je Cristo?

11 Chi Jesús y'adzooy:

—Janch tiy'ajt co Elías ymiina'ñ etz yaj'oyíydähuamy tüg'óciy mïd Dios ycixpi.

12 Per ñich miich ajcxy nimaayb co Elías ti y'oy. E je jäy ajcxy ca' nejhuíy pïn yi', e ooy jibic tuuñ ajcxy, nej tim tzojccixy. E nañ jadu'n ñich, je jäy huídibi tzoon tzajpjoty ayoohuaambich ma yi' ajcxy.

13 Huin'it je' ydiscípulos ajcxy huinjihuíy co Jesús hue' anajty ñigapxyp je Juan, el Bautista.

Jesús yajtzögy tüg jäy mo'tpa'mmïdpi

14 Co Jesús, Pedro, Jacobo etz Juan yjäty jim ma je mayjäy ajcxy, chi ñimiini tüg jäy. Chi je jäy ycoxtinay'ihuíy ma Jesús yhuinduu, chi yminañ:

15 —Huindzin, ñich nmang pa'ayoohuic. Je' co ymïd mo'tpa'm etz oy yaj'iyoooyi. Canaag'oc ti ycäy jïnjoty nïjoty.

16 Paady ñich ti nm̄dm̄iñich ma miich mdiscípulos ajcxy, per ca' ajcxy ymadacy yajtzögipy.

17 Chi Jesús y'adzooy:

—Miich ajcxy huídibi jugy'ajtp jadachambi xii tiempo, ca' miich ajcxy mm̄ibiga'ñ Dios, ca' miich ajcxy mgapxym̄idoohua'ñ Dios. ¿Naag xii naag tiempo ñich miich ajcxy njacm̄imecxtugipy? Ya-jmiingix yi yeeg'anäg.

18 Co je yeeg'anäg yajm̄idja'ty ma Jesús, huin'it Jesús ane'my je ca'oybi co huen pidzim ma je yeeg'anäg. E mic'amy je' chögy.

19 Jac co hueeñi, je' ydiscípulos ajcxy m̄idm̄iydac Jesús ahuingujc, chi ajcxy yajtiy ma Jesús:

—¿Nej co ñich ajcxy ca' ti nmadägy nicx nyajpidzim̄gixyich je ca'oybi ma je yeeg'anäg?

20 Chi Jesús ym̄inañ:

—Je' co miich ajcxy hueeni mm̄ibijc̄in. Janch tiy'ajt jadu'n nej nn̄imaaygixy, co ixypy miich ajcxy xy'ocm̄ibicyich, ooy ixypy jeda'ajty jadu'n nej je jac mutzpi ujtz t̄im, huin'it jēbi ixypy mn̄imäy jadayaabi cop co huen j̄ihuäcy ya etz huen nicxy huingduum, chi ñicxip je cop. Ni ti ji ycatzipity pen janch miich ajcxy m̄idity m̄ibijc̄in.

21 Jadayaabi picy ca'oybi pidzim̄ipy co Dios nm̄ibijctzoohuim mictägy etz ayuu'ij̄t, ca' jac ti huinma'ñ.

Jesús nigapxy jadüg'oc y'öc̄in

22-23 Co anajty ajcxy yhuidity t̄ügmucy jim ma Galilea y'it, chi Jesús nimay je' ydiscípulos ajcxy:

—Ñich, je jäy huídibi tzoon tzajpjoty, yajciyegipyich ma jäy. E yi' ajcxy xyaj'ögibich

etz codugüig xii njugypigipyich jadüg'oc. Co je' ydiscípulos ajcxy jadu'n midooy, chi ajcxy ooy yjotmaybaty.

Je cogüejtün ma je tzajptijc

²⁴ Co Jesús yja'ty müid je' ydiscípulos ajcxy jim ma je Capernaum cajp, chi huidi anajty ajcxy meñ yajmujcp müid tzajptijc ycixpi, oy ajcxy ijxcixy je Pedro, chi ajcxy y'amidooy:

—¿Nej müich mhuindzün ycuejcpy meñ müid tzajptijc ycixpi?

²⁵ Chi Pedro y'adzooy:

—Cuejtpy.

E huin'it hora co anajty Pedro ytigüy tigoty, chi Jesús jayijp ymügapxy, ñimay:

—Simón, ¿nej mmüna'ñ? ¿Pin je rey ajcxy yajcuejcpy? ¿Yi' yjáy o huingjäy?

²⁶ Chi Pedro y'adzooy:

—Ma huingjäy huídibi ane'my ijtp.

Chi Jesús y'adzooy:

—Ah, ca'tz yi' yjáy huaad ti cuejtcixy.

²⁷ Per ca' ndzocyich co je cogüejtpi nyajcapxmayüym, nicx müich ma yi' mij laguun e cohuidzi' jüiby mxu'ñ, e je acx huídibi anajty jayijp huomb, je' myajpidzimipy, e ma y'ahuac jüiby mbaadipy tüg meñ, yajpidzim je meñ e nicx cuet müid üich ycixpi etz müid müich ycixpi.

18

¿Pin je' jac nügi mijip?

¹ Je huin'it hora je' ydiscípulos ajcxy ymijhuäctay Jesús etz yajtiy:

—¿Pinjäy je'jac nüg ymïd je mij'ajtïn ma Dios y'ane'my jiiiby tzajpjoty?

² Chi Jesús mijhuoy tüg je pi'c'anäg. Chi pidacy je pi'c'anäg cujc'amy ma yi' ajcxy.

³ Chi Jesús yminañ:

—Janch tiy'ajt ñich miich ajcxy nimäy, pen ca' miich ajcxy jothuimbijtcixy etz naybïdaaccixy mhuinma'ñ jadu'n nej jada pi'c'anäg huinma'ñ mïd, pues ca' mdigïhuipy ma Dios Teedy y'ane'my jiiiby tzajpjoty.

⁴ Paady, pinjaty mïd yhuinma'ñ yung nax jadu'n nej jadayaabi pi'c'anäg mïd yhuinma'ñ yung nax, je' je' je huiidib jac nïgi mij'ajtïn ymïd jiiiby ma Dios y'ane'my.

⁵ Hueñypinity huiidibi mïd ñich ycixpi cöbigipy etz tzogipy tüg pi'c'anäg, jadu'n nej jada pi'c'anäg ti ndzocyich ti ngöbicyich, hue' jadu'n nipaady nej jihuïy ti xycöbicyich ti xychocyich.

Je huiidibi ooy ycojotmayity co nbocycähuim

⁶ Hueñypinity huiidibi jibic-huinma'ñ ymïbidzimy, e yajpocycäy yi' jadu'mbi pi'ctijc huiidibi ajcxy xymijnicxpejtpich, jac'oy ixypy co yi' jadu'mbi jäy ytimyñayyöcxodzyii tüg paandzaa etz ñayñajtzjibibihupy mejyjoty.

⁷ Ooy ayo'ñity ooy jibicity co ji naaxhuiñybi yajpaady tijaty huiidibi yajtundigooby jäy ajcxy. Ni mina xï ca' tigoy y'idipy tijaty huiidibi yajtundigoy je jäy ajcxy. Per mij ayo'n pada'ñ mïd yi' Dios pinjaty cojp tundigooyi.

⁸ Pen miich mgi' o miich mdecy xyajtundigooyb, jac'oy ixypy co mdim'ixpuxy etz ixjibipy jiguem. Nïgi oy co mdigïhuipy ciduc tecytuc jiiiby tzajpjoty

etz ca'ydi co mdig'ihuipy miid metz mgi' etz metz mdecy mijjinjoty huidibi nimina ycapich.

⁹ E pen yi mhuiin tug xyajpocycahuamb, tim yajpidzim etz ixcatz jiguem. Com jac'oy mdig'ihuipy miid tug mhuiin ma jugy'ajt'in huinixibi, ca'ydi co mdig'ihuipy miid metz mhuiin ma yi jin huidibi camina xi ycapich.

Je y'ixpejt, je cobixy huidibi tigooy

¹⁰ Ca' m'ixtijcixy ni tug pi'canag huidibi xymibjcpich. Yi' ajcxy je' y'angeles tim ijtib jii by tzajpjoty ma Dios Teedy, ich nDeedy yhuinduu.

¹¹ Ich je jay huidibi tsoon tzajpjoty, ti nmiinich ya naaxhuiñ, je' co nyajnitzoga'nich je jay ajcxy y'alma huidibi tigoyam.

¹² ¿Nej miich ajcxy mina'n? Pen tug jay ymiid migo'px cobixy, etz pen yöyigooyb nidügti cobixy, ¿nej ca' jebi ixmach je nimida'px majmox midaax cobixy etz nicxy ixtay je jadügp'i huidibi yöyigooy?

¹³ E pen ypatpy je tügp'i huidibi yöyigooyb, chi ooy xondägy miid co anajty ti paady huidibi anajty ti ytigooy, ca' jadu'n yxondägy miid je nimida'px majmox midaax huidibi ca' anajty ti yöytigooygixy.

¹⁴ Tim jadu'n nipaady miid Dios Teedy jii by tzajpjoty, ca' tzocy co ni tug jay y'alma tigoyipy.

Nej huaad tug mmigüg nhuinmeecxim

¹⁵ Pen miich mmigüg xytuñ jibic, miidmiydac ahuingujc e yajhuinjihui' ma ti ytundigooy, pen xy'ayuchuinjihuuyb ti anajty mminaymigügpgiyii je mmigüg.

16 Pen ca' xy'ayuc-huinjihuiy, chi huominipy tüg o metz mmigüg huídibi jébi nidiy'ajt'adipy mi-ich m'ayuc.

17 E pen nañ ca' je' ajcxy ayuc-huinjihuihua'ñ, m̄idn̄icx̄ip ma m̄ib̄ijc̄p̄id̄ijc̄ yōymujctac e jim ajcxy myajnax̄ipy jadu'n nej tüg huídibi ca' Dios m̄ib̄icy etz jadu'n nej tüg yajcogüejtp̄i huídibi ooy pocym̄idity.

18 Janch t̄iy'ajt̄ īch miich ajcxy nimäy, tüg'óciy huídibi miich ajcxy mgapx'adujc̄py ya naaxhuiñ, Dios nañ jadu'n capx'aduḡipy jiiby tzajpjoty, e huídibi miich ajcxy ya naaxhuiñ ca' capx'aducy, Dios nañ ca' capx'aduḡipy jiiby tzajpjoty.

19 E nañ jadu'n īch miich ajcxy nimäy, pen ya naaxhuiñ miich ajcxy nimetz mnayḡap̄x̄iḡixy co tijaty mm̄ib̄ijctzohuaanḡixy ma Dios, Dios, īch nDeedy huídibi jiiby tzajpjoty, xymöhuipy huídibi ajcxy mb̄ijctzooyb.

20 Com ma miich ajcxy nimetz o niduḡiḡ naym̄újc̄iḡixy, jim īch n'ity cujc'amy ma miich ajcxy.

21 Chi Pedro y'am̄idooy Jesús ym̄inañ:

—Huindzin, ¿naag'oc huaad nhuinmeecxyich yí' ajcxy huídibi xym̄idund̄igooyb̄ich? ¿Nej nméec̄x̄ib̄ich ixti cooni huixt̄ujc'oci?

22 Chi Jesús y'adzooy:

—Ca' yhuixt̄ujc'ócity, hue' meec̄x̄ipy m̄idaax m̄igo'px jam̄ida'px majmocx m̄idaax'oc.

Je tumbiy'ijxpejt huídibi ca'p̄ym̄iḡüḡ huinmeecxy

23 Dios y'ane'm̄in jiiby tzajpjoty jadu'n nipaady nej tüg rey huídibi huijtz'oȳȳb̄ m̄id je ytumb̄id̄ijc̄ jajadu'ñi ajcxy yjacm̄inucxy'adyii.

24 Je rey ytimyhuijtz'oyiychondacyñi anajty cuentas, co oy yjady tög ytumbi huídibi anajty minuucxy'ajtip canaag millón.

25 Com je' ytumbi ca' anajty mĩdity ti mĩd migüediib je' yhuindzin. Huin'it je huindzin ane'my co huen je' ytumbi yajtoocnax quipxyi mĩd y'ungdöxyijc etz tög'óciy tijaty ymĩd, jaydeb ñuucxy y'adujctáhuipy.

26 Huin'it ytumbi ycoxtinay'ihuüy ma yhuindzin yhuinduu etz nimay: “Huindzin, pa'ayoogich, etz iich miich nmigüejtáhuipy.”

27 Chi je tumbi yhuindzin yajtuñ pa'ayo'n, chi huinmeecxip je nuucxy, e yajpidzimy pujxtigoty.

28 E mic'amy co je' ypidzimy pujxtigoty, chi yminaybati tög ymigüg huídibi anajty mĩd quipxyi ti ytuñ. Je' anajty minuucx'ajtip tim hueeni, chi je' yöcmimadzıy je' ymigüg huídibi mĩd ytuñ, chi nimay: “Cuet huídibi mnuucx'ajtpy ma iich.”

29 Huin'it ymigüg ycojxtinay'ihuüy ma je' yhuinduu. Chi minuucxtaacy nimay: “Pa'ayoogich. iich miich nmigüejtáhuipy.”

30 Chi je jadügpı ca' mecxtujcın yajtuñ. Chi oy ymigüg pidägy pujxtigoty, ixti cooni anajty micuedyii.

31 Co je jacjadyii ymidumbıdjıc oy ixy jadu'n nej ti yajtuñ je' ymigüg, chi ooy ajcxy jihuüy. Chi ajcxy nıcx ma je yhuindzin etz yajnimayday tög'óciy nejaty anajty ti ijxcıxy.

32 Huin'it je' ajcxy yhuindzin oy yajhuoyii je huídibi minuucx'ajtip canaag millón. Chi nimay: “Miich ooy mdzachjıbcjayıty. Ti iich miich nhuinmeecxı tög'óciy je mnuucxy, mĩd co miich

pa'ayoohuin mbijctzooy ma ich.

³³ E miich nañ jadu'n ixyipy ti mba'ayoy je migüg huidibi mïd mmïduñ, huidibi xymïnuucxy'ajtp, jadu'n nej ich miich ti nba'ayooy.”

³⁴ Chi je huindzin ooy chachjotma'ty, chi pidacy ane'mïn co huen yajtzaachytuñ je' ytumbi mabaad cuejttäy tüg'óciy huidibi ñuucxy'ajtpy.

³⁵ Chi Jesús ycapxycïjxni, mïnañ:

—Tïm jadu'n nej jada rey ti tuñ mïd je ytumbi, nañ tïm jadu'n Dios tunïpy mïd miich ajcxy, pen ca' nidüg nidügti miich ajcxy ca' mhuinmeecxy je mmïgügtïjc amumdüjot.

19

Jesús yaj'ixpicy mïd co jäy ytöxyïjc ixmach

¹ E co Jesús capxtay jada ayuc, chi choñ Galilea, chi oy yjädy ma Judea it jim Jordán mij niñ nïnaxy.

² Chi ooy mayjäy ypanicxi, e jim yajtzoocy huidijaty anajty yuu mïd pa'm mïd.

³ Huin'it nijëjity je fariseos ajcxy nimiiñ Jesús co yajmachcähuaangïxy anajty. Chi ajcxy y'amïdooy:

—¿Nej janch co Dios ti xymooyïm cötuïcin co jëbi tüg yëydïjc ixmadzip ytöxyïjc mïd tïm hueeni ti capxy ti ayuc?

⁴ Chi Jesús y'adzooy:

—¿Nej ca'ni miich ajcxy m'ixy mgapxy ma ymiiñ jaybety ma Dios ñecy co je naaxhuiñybi chondacy, co Dios oga'ñ yajcojy tüg'óciy tijaty huidibi ji'ajtp co “Dios yajcojy tüg yëydïjc etz tüg töxyjäy”?

⁵ Nañ jadu'n Dios ymïnañ: “Je yëydïjc y'ixmadzip ytaj yteedy etz pudïgïhuïpy je' ytöxyïjc. E je yëydïjc etz ytöxyïjc tú'ciy idaangïxy.”

⁶ Paady ca' ñimetziy ajcxy, com je yëydijc etz ytöxyjic tügmucy y'idaangixy. Com Dios ti huijtz-mucy je yëydijc miid je töxyjäy, paady ca' huaadity co jäy ajcxy huijtzhuäcxyp tiibi Dios huijtzmucy.

⁷ Huin'it je fariseos ajcxy y'amidooy Jesús:

—¿Na'amy co Moisés cötujcin ti yejcy jecy'ajty co tüg yëydijc jëbi huaad ixmach ytöxyjic, e möhuipy ñinecy ñidiy'ajt e jadu'n jëbi ixmach?

⁸ Chi Jesús yminañ:

—Moisés jada cötujcin ti xymoogyixy co jëbi m'ixmajtzcixy mdöxyjic miid co miich ajcxy mdzachcöjuuñity, ca' mgapxymidohuaangi xy Dios. Per co je naaxhuiñybi chondacy ca' anajty jadu'nity.

⁹ Janch tiy'ajt jadu'n nej ich miich ajcxy nimaagyixy co je yëydijc huidibi yajjayhuäcxp miid je ytöxyjäy, e je ytöxyjäy ca' anajty ti ytundigooyb miid huingbi yëydijc, hue' je' yëydijc ytundigooy co ixmach ytöxyjic etz ypijctigach miid huingbi. Nañ tim jadu'n pen tüg yëydijc ypi cy miid tüg töxyjäy huidibi ñäy ti y'ixmachyii, hue' tundigooyb anajty je yëydijc.

¹⁰ Co Jesús ydiscípulos ajcxy midooy jada ayuc, chi ajcxy yminañ:

—Pen jadu'n jëdu'n je tiy'ajt co je yëydijc ca' huaad ixmadzip ytoxyjäy, jac'oy co ca' nbijcin.

¹¹ Chi Jesús yminañ:

—Ca' tüg'óciy je jäy huinjihuïy jadayaabi tiy'ajt. Jëyi ajcxy huinjihuïhuip pin ajcxy Dios pidaaci co huinjihuïhuip.

¹² Ji canaagnax je ayuc je huinmañ nej ca' yjëbity ypi gipy je yëydijc. Naagity pi'ctijc

yma'xung'aty e ca' yca'pxity ñinixcy, paady ca' picy ajcxy. E nijëjity je yëydijc ca' huaad ypicy, miid jëgixpi co anajty je' ti ymijaapigyii. E nijëjity yëydijc hui'my jaybicy miid jëgixp co ajcxy ytuñ ma Dios ytung, je Dios huidibi ane'myb tzajpjoty. Pinjaty cöbigamy ñich n'ayuc huen cöbicy.

Jesús conucxy maybi'ctijc

¹³ Chi naagity je jäy miidnicxy y'ung y'anäg ma Jesús jaydëb yajcñixajipy etz Dios miibijctzoy miid yi' ajcxy ycixpi. Chi Jesús ydiscípulos ajcxy oty je jäy ajcxy huidibi anajty miid miimb je y'ung y'anäg, nimaagyixy co ca' jadu'n y'oyity.

¹⁴ Per Jesús yminañ:

—Huen miid miññ ajcxy pi'c'anäg ma ñich, ca' mijjpcogapxiygixy. Com pinjaty ymibijcp ñich ngapxy n'ayuc, jadu'n nej jadyaabi pi'c'anäg ajcxy ymibicy, je' ajcxy tigihuaam ma Dios y'ane'my jilby tzajpjoty.

¹⁵ Chi Jesús cñixajy je pi'c'anäg ajcxy. Chi ñicxni.

Tüg yeeg'anägnip comeñybi miidmïydägy Jesús

¹⁶ Chi tüg yëydijc oy ixty Jesús. Chi y'amidooy:

—Huindzin, ¿ti jada' co oy ñich ndunipyich jaydëb nbaadibich jugy'ajtín huidibi ca' ycixipy ytigoyipy?

¹⁷ Chi Jesús y'adzooy:

—¿Na'amy co xyñimäyich co oy huindzin ñich? Dios tügpajc oyip, ca' jac pin. Pen miich md-zojcpy co mbadañ jugy'ajtín huidibi ca' ycixipy ytigoyipy nimina mguydunipy je Dios ycötujcín huidibi Moisés ycojaay jecy'ajty.

¹⁸ Chi je yeeg'anäg yajtñhuimbijty:

—¿Huidibi cötujcín miich mdijp?

Chi Jesús ymīnañ:

—Ca' migüg myaj'ögipy. Ca' migüg ytöxyijc migapxtigooyipy. Ca' mmeedzip. Ca' mmigüg mhuin'ñip.

¹⁹ Yajmij'at mdaj mdeedy. Mdzogipy mjihuñhuip miich mmigügtijc, tim jadu'n nej miich ci'm mnaychogyi.

²⁰ Chi je yeeg'anäg Jesús nīmaayi:

—Ti nguyduñdyich jadyaabi cötujcin ajcxy maabi ñich nbi'c'atyich. ¿Ti jada njacyajtigoy'ijtpyich?

²¹ Chi Jesús jadüg'oc y'adzooy:

—Pen miich m'idam tudägy, ñicx tooctigoyda' huñdijaty miich mñid, etz mo' je meeñ je jäy ajcxy huñdijaty ayooob. Co jadu'n mdunipy, chi mbaadipy oy'ajtñ jūby tzajpjoty. Co jadu'n mdooctāhuipy tijaty miich mñid, chi miñip jadüg'oc ma ñch nyajpaadyich, e pajamgich.

²² Co je yeeg'anäg jadu'n midooy, chi ñicxñi taj may com ooy anajty chachcomeeñity.

²³ Huin'it Jesús nīmay je' ydiscípulos ajcxy:

—Janch tiy'ajt jadu'n nej nīmaaygixy co ooy ymijhuinma'ñity co tüg comeeñyäj ytiñhuipy ma Dios y'ane'my jūby tzajpjoty.

²⁴ Jadüg'oc nmīna'ñich co ooy chipity co tüg comeeñyäj tiñhuipy ma Dios y'ane'my, ñigi ca' chipity co tüg camello ñaxipy ma tüg xu'ñ'ijx yxütity.

²⁵ Co Jesús ydiscípulos ajcxy jadu'n midoy, chi ajcxy ooy jihuñ huinmay. Chi ajcxy ñay'amidoohui miñ xyipy:

—¿Pñ jēbi paady je' y'alma nñdzoocñ?

26 Chi Jesús ajcxy huindicxpejty etz nimay:

—Je huídibi jáy ajcxy chipjihuiyb, miid Dios ca' ni ti chipity.

27 Huin'it Pedro ymina'ñ:

—Huindzin, ñch ajcxy ti n'ixmajtztäyich tüg'óciy huídijaty anajty ñch ajcxy nmíid etz nbanicx ñch ajcxy miich. ¿E ti jada' ñch ajcxy nbaadaamybich?

28 Chi Jesús y'adzooy:

—Janch tiy'ajt nmina'ñich co anajty je xii je tiempo paady mina Dios yajtigajtztähuipy je tzajp etz naaxhuiñybi, co anajty ñch, je jáy huídibi tsoon tzajpjoty, n'ityich ma ngötujctacich oybi jiihy tzajpjoty, chi miich ajcxy huídi ti xypahuídityich, miich ajcxy mbadamy majmetz cötujctac, e miich ajcxy mdiydunipy je majmetz picypí Israeljáy ajcxy.

29 E tüg'óciy jáy ajcxy huídibi ti ixmajtztäy yjin ytijc, y'uch ymígüg, y'ung ytöxyijc, y'ung y'anäg, ytaj yteedy, o ycam ytu' miid ñch ycixpi, yi' ajcxy ypadamyb migo'px'oc, ca'ydi huídibi ti ixmach. E ypadamy je jugy'ajtin huídibi ca' ycixipy ytigoyipy ni mina.

30 Mayjäy ajcxy huídibi cham ymiid mij'ajtin cötujcin, tzajpjoty ca' ajcxy miid'ada'ñ mij'ajtin cötujcin. E mayjäy huídibi cham ca' miidity ajcxy mij'ajtin cötujcin, tzajpjoty ymiid'adamy ajcxy mij'ajtin cötujcin.

20

Je naymiduniptijc y'ijxpejt

1 Jadu'n Jesús ymina'ñ:

—Je Dios y'ane'min jiihy tzajpjoty jadu'n nipaady nej tüg cogambi huídibi ooy mij cam miidity.

Chi je cogam jopyñi choñ ma oy nicxy ixtäy tumbidijc ajcxy huídibi yajpidigipy yi uva cosecha.

² Chi ycapxytuñ mïd nidüg nidüg ytumbi co mujuya'ñ tüg denario meeñ tüg xibi. Chi quejxy nidüg nidüg ytumbi ma je uva cam.

³ Chi petyxi je cogam ñicxy jadüg'oc tumbi ix-taayb. Chi paty cajc cujc nijëjity tumbi huídibi ca' ti tung mïdity.

⁴ Chi je cogam je tumbi ajcxy nimay: “Nicx miich ajcxy tuñ ma ñich ngosecha. Cham nmujuyipy jadu'n nej ytiy'ajity.” Chi ñicxy ajcxy midumbi.

⁵ Chi je cogam ñicxy jadüg'oc cujcxhi tumbi ijx-taayb. Nañ jadu'n nicxy jadüg'oc minacyxi.

⁶ Nañ tim jadu'n tzuu jadüg'oc je cogam ñicxy tumbi ijx-taayb, chi paty nijëjity cajpcujc huídibi ca' ti tung mïdity ajcxy, chi ajcxy nimay: “¿Na'amy co miich ajcxy myaajity? ¿Nej co ca' mnicxy mdungixy?”

⁷ Chi je' ajcxy y'adzooy: “Je' co ca' ñich ajcxy pin ti xycapxytuñ.” Chi je cogam ajcxy nimay: “Nicx miich ajcxy tun ma ñich nnaaxjot. Cham ñya nmujuyipy jadu'n nej ypaadyi.”

⁸ Co oy ycodzyñi, chi je huindzin nimay je huídibi nigop'ajtp je tung: “Nicx mijhuoodäy je tumbidijc etz mujuyipy. Mujuy jayijp huídibi ti ymiñ axam tumbi etz jim nicxy myajcogixiy ma huídibi anajty ti miñ jayijp tumbi.”

⁹ Chi ajcxy jayijp yajmujuy je tumbi ajcxy huídibi anajty ti ytigiy tumbi axam. Chi yajmujuy ajcxy jadu'n nej anajty jäy ñaymujuyii je tüg xibi.

¹⁰ Co miñ je tumbi ajcxy je huídibi ajcxy jayijp tigiy tumb. Chi ajcxy jot'ajti co jac'anaxy yaj-

mujuya'ñ. Per quipxyjaty ajcxy paty tüg meeñ nidüg'óciy je tumbidjic.

11 E co ajcxy quipxyjaty yajmujuy, chi ajcxy ytigiiy jotma'tpi.

12 Chi ajcxy nimay je cam huindzin: “¿Na'amy co quipxyjaty ñch ajcxy ti xymujuyich mïd je huídibi ti miñ axam tumbi? Yi' ajcxy tüg jaxigy ti ytuñ, e ñch ajcxy tüg xi je anbi ti ngöbicyich.”

13 Chi je cam huindzin y'adzooy, nimay nidügti je' ajcxy: “Miich, ñch nmigüg, ca' ñch jibic ti nduñich mïd miich. ¿Nej ca' ñch ajt ngapxytuunim co jadu'n nmujuya'ñ tüg denario meeñi?”

14 Con yi mmeeñ, e ñicxni. Jadu'n ndzocyich co quipxyjaty nmujuya'ñich miich mïd huídibi ti ymiñ axam ma je tung.

15 ¿Nej ca' huaad ñch nduñich mïd ñch nmeeñ nej ndzócyichi? ¿O co xyajca'oy'ixyich, co ñch ooy n'oyjäyity?”

16 E huídibi ajcxy jaccogixiiyb, yi' ajcxy jayijp'adam. E huídibi ajcxy jayijp'ajtp cham, yi' ajcxy yjaccogixihuamb. May ooy yjayajhuoomiñ e hueeni huídi huin'íxipy.

Jesús capxypidzimy jadüg'oc co y'öga'ñ

17 E co Jesús anajty ñicxy ma Jerusalén tü'aa, chi mïd ñicxy ahuingujc je nimajmetzpi ydiscipulos. Chi ajcxy nimay:

18 —Jadu'n nej miich ajcxy m'ijxy mnejhuüy cham ñch ajt nba'ttigiiyim jim Jerusalén. Jim Jerusalén ñch, je jäy huídibi tsoon tzajpjoty, xyajcüyegaamich je teedy mïjtungmïdipi etz escribas ajcxy. Nyajtiyduna'ñich etz pidäga'ñ ajcxy ané'min co n'ögibich.

19 E yi' ajcxy xyci'yega'ñich ma je huidibi ca' yjudiojäyity, jigiX xyñixigibich xyajxigibich, xycoxipich, etz xyajcruutzpedipich ajcxy. E co n'ögibich, chi njugypigipyich codugig xii.

Huidibi Jacobo etz Juan ytaj ypijctzou

20 Chi je Zebedeo ytöxyijc nimiiñ Jesús miid metz je ymang; Jacobo etz Juan. Huin'it je ungdaj huingoxtinay'ihuüy Jesús, pijctzoy may'ajt.

21 Chi yajtiy Jesús:

—¿Ti mdzojcpy?

Chi je ungdaj y'adzooy:

—Tun may'ajt möhuipy ich metzpi yi nmang yi jacmijtung ma miich m'ane'min, jaydeb iñahuipy ma miich mmijc, tüg a'oy'amy etz jadüg anajty'amy.

22 Chi Jesús y'adzooy:

—Miich ajcxy ca' mhuinjihuüy ti ajcxy mbijctzooyb. ¿Nej mmínaxa'ñ myajnaxa'ñ miich ajcxy je tzaachypi huidibi ich nmínaxamy nyajnaxamyich? Jadu'n nej jihuüy m'üga'ñ ajcxy je ta'm nii huidibi ich n'ügamy e mbaada'ñ je nibejtin huidibi ich nbadamyb.

Chi je' ajcxy y'adzooy:

—Jëbi.

23 Chi Jesús ymina'ñ:

—Janch tiy'ajt nej miich ajcxy mina'ñ co mmínáxcixipy myajnáxcixipy je tzaachypi huidibi nnaxa'ñich. Per ca' ich cötujcin nmídidyich co ich miich ajcxy nbidägiipy mijtungmiid, co myajpaadip tüg ma ich nmijc a'oy'amy e jadüg anajty'amy. Hue' janchtiy Dios Teedy ymiid ni'ixi'

pinjaty ti huin'ixy jaydëb yajnicxip je mijtung ma ñich n'ane'mdac.

²⁴ Co je nimajcpi ydiscípulos ajcxy nejhuñy jadu'n nej Jacobo etz Juan pijctzooy may'ajt ma Jesús, chi ajcxy ooy mijotma'ty Jacobo etz Juan.

²⁵ Huin'it Jesús mijcapxy je' ydiscípulos ajcxy, chi nimay jadu'n:

—Miich ajcxy mnejhuñy co yi jäy ajcxy huídibi mijtungmüdpí ma je maybi naax cajp, mic ajcxy ane'my je naax cajp. Nañ jadu'n yi' ajcxy huídibi mic'ajt müd ma je maybi naax cajp, mic ajcxy ane'my je jäy ajcxy.

²⁶ Per miich ajcxy ca' mjadu'nity nej je mijtungmüdpí ma je maybi naax cajp. Pinjaty miich ajcxy je mij tung yajnicxip, copicy ñaybidägiyb nej tüg tumbi.

²⁷ Pen ji miich ajcxy nidüg nigohuajc'ada'ñ, copicy ñaybidägiyb nej tüg tumbi.

²⁸ Com ñich nañ jadu'n, je jäy huídibi tsoon tzajpjoty, ti nmiiñich ya naaxhuiñ jaydëbi nbubedipich yi mayjäy ajcxy. E canan yi' ajcxy xypubedipich. Ngïyegaamyich njugy'ajtin ma yi o'cin müd je mayjäy ycixpi, jaydëbi ngohua'nich jäy ajcxy y'alma huídibi tïgoyam.

Jesús yajtzoocy metz jay huintzpi

²⁹ E co Jesús etz ydiscípulos ajcxy ycajppidzimy jim Jericó, chi ypanicxi ajcxy mayjäy.

³⁰ E jim anajty ñaay nimetz huintzpi tüba'áy. E co ajcxy nejhuñy co jim anajty ñaxy Jesús, chi ajcxy yaaxpi jojcpi:

—Huindzin, David y'ap y'oc, tun may'ajt ñich pa'ayoog.

³¹ Chi je mayjäy ajcxy ojcooty je metzpi jäy huintzpi, nımay ajcxy co huen amoñ. Per je huintzpi nıgı minan'idıch:

—Huindzin, David y'ap y'oc, tun may'ajt ıch pa'ayoog.

³² Huin'it Jesús ytinayxıjp, e ymınañ:

—Ocmin mıich ajcxy ya.

Huin'it yajtıy:

—¿Ti mdzojcpy ndunıpyıch mıid mıich?

³³ Chi ajcxy nımaayi:

—Huindzin, ndzojcpyıch co xya-jhuındıcxıgıbıch.

³⁴ Huin'it Jesús pa'ayoogoty ajcxy. Chi ajcxy nıdonı ma je' yhuın, e mıc'amy je huintzpi ajcxy y'ıjxıgy. Chi Jesús ajcxy panıcxy.

21

Jesús ytıgıy jım Jerusalén

¹ E co anajty Jesús etz je mayjäy ajcxy ti mıhuıngonı Jerusalén, chi yja'ty ma Betfagé cajp mıhuıngon je Olivos cögop. E jım Jesús quejxy nımetz ydiscıpulos ajcxy.

² Chi ajcxy nımay:

—Nıcxıx ma je cajp huıdıbı jım'amy. E jım tüg burro ycoxochıty mıid y'ung. Coguejtüdıp ajcxy je burro e yajmııngıx ya ma ıch.

³ E pen jım pın nej xyñımäy, nıma' co je Huindzin yajtunam, e yajhuımbıda'ñ mıc'amy.

⁴ Jadayaabi oy jadu'n ytuñyıı yjadyıı ycıxy yca'pxy jadu'n nej je profeta jecyıp jaay, co jadu'n ymınañ:

⁵ Yajñima' je jāy ajcxy huídibì tzinaayb jìm Sión (Jerusalén), oc'ijxcix, chi miññ ajcxy je mrey, yung nax yjot yhuinma'ñ miiđity je mrey, etz burrocíxy miññ. Ma tūg burro mang huídibì ytaj tzimy yajyöyp.

⁶ Chi je metz ydiscípulos ajcxy cuyduñ nej anajty Jesús tì y'ane'myii.

⁷ Yajja'ty ajcxy je burro miiđ ymang. Chi Jesús ydiscípulos ajcxy jiiibe'ñ je metzpi burro miiđ ajcxy yjocxhuit, chi Jesús yaj'iñay je burro mang.

⁸ E je mayjäy ooy yajhuinyëbìy ajcxy je tü'aa miiđ yhuit, chi ajcxy oy ypuxy quipy y'aacx. Chi ajcxy pìdacy ma je tü'aa.

⁹ E jìm ñajxy je burro, e je mayjäy huídibì ñicxp jayjpp, e nañ jadu'n huídibì anajty mimb axam, ooy ajcxy ytigiiy huambi jihuuyb, chach mìnangixy:

—¡Hosana! ¡Gloria a Dios! ¡Ooy ycömayity Dios! Huen capxpaady idipy jada yëyđjc huídibì mimb ma yì nHuindzin Dios yxii etz miiđ ymic'ajt. ¡Gloria a Dios!

¹⁰ Co Jesús ytigiiy jìm Jerusalén, chi tūg'ócìy je mayjäy huinmay'ahuídijty, chi ñay'amidóohuigixy miñ xyipy:

—¿Pìn yì yjiibi jāy?

¹¹ Chi mayjäy y'adzooy:

—Yì' je' je profeta Jesús huídibì tzoon ma Nazaret cajp ma Galilea it.

¹² Huin'it Jesús ytigiiy ma Dios ytijc. Chi ixquejxtay tūg'ócìy je ajuybì adoocpì huídibì anajty yajpatp jiiiby. Chi tijhuimbijttay tūg'ócìy je mesa ma anajty jāy jìm ymeeñyhuingogongixy, etz nañ jadu'n tijhuimbijttay je muuxytoocpì iñaybejt.

13 Chi jadu'n nımay ajcxy:

—Jaaybety jadu'n ymiiñ ma Dios ñecy: “İich ndıjc je' yı' ma jäy ajcxy Dios mıbijctzoy”, per miich ajcxy hue' yı' mhua'ñ meetzpi tijc.

14 E co anajty jıiby tzajptıgoty Jesús, chi jıiby ñimiini huıdıjaty anajty huıntz, huıdıjaty anajty cıma'ty tecyma'ty, chi Jesús yajtzoctay.

15 Per je teedy ajcxy huıdıbı mıjtungmııd etz je escribas ajcxy ooy mıjotma'ty Jesús co ajcxy ijxy nejhuııy jadu'n nej Jesús anajty tuñ mıjhuınma'ñ. Etz nañ jadu'n ajcxy ijxy co je pi'c'anäg anajty ajcxy yhuaangıxy yjıhuııygıxy jııby tzajptıgoty, ymınaangıxy: “ıHuen cımay'idıpy je rey David y'ap y'oc!”

16 Chi je teedy etz escribas ajcxy Jesús nımay:

—¿Nej ca' miich mmıdooy nej je pi'c'anäg chach mınaangıxy?

Chi Jesús y'adzooy:

—Nmıdooybıch. ¿Nej ca' miich ajcxy mgapxyñı Dios ñecy ma ymiiñ jaaybety co jadu'n ymına'ñyı?: Tı myaj'ıxpıcy ııy ma je pi'ctıjc ma'xungdıjc jaydėbı ajcxy ııbaadıp capxpaadıp Dios.

17 Chi Jesús ycapxycıjxy mııd je teedy etz escribas ajcxy etz choon jııby tzajptıgoty. Chi ñıcxy ma Betania cajp, e jım yajnajxy je tzumbı.

Jesús capxpojcy je hıguerı ca'p anajty ytım'aty

18 E co yxımıy ytııcxıgy, chi Jesús yhuımbıjty Jerusalén. E ma anajty tım ytüyöy, jım yuuböccootı.

19 E jım ijxy ma tüba' tüg cop je hıguerı quıpy. Chi nııcxy. Chi pä't'ıjxy, per ca' anajty ni tüg ytım, jėda'ajty je' y'aay. Chi Jesús nımay je hıguerı quıpy:

—ıNi ca mınaa xıı mdım'adıpy!

E mic' míc'iyi je higueri quipy yt'ich.

²⁰ E co je' ydiscipulos ajcxy jadu'n ijxy, chi ajcxy ooy huinmay. Chi ajcxy y'amidooy Jesús:

—¿Na'amy co yi higueri quipy mic'amy ti yt'ich?

²¹ Chi Jesús y'adzooy:

—Janch tiy'ajt jadu'n nej nnimaaygixy. Pen mi-ich ajcxy miid je mibijcin, etz ca' ajcxy mmibicy aametz jotmetz, jëbi mijhuinma'n mdungixy nej ich ti nduñich. E nañ jadu'n jëbi jac mijpi mijhuinma'ñ mdunipy ajcxy. Jëbi ajcxy tun cop mnimäy: “Quëg ya, tigi' mejyoty” e xycapxymidohuipy ajcxy je tun je cop.

²² E tüg'óc'iy tijaty miich ajcxy mbijctzooyb huen ytimytijyity, pen mmibijcp ajcxy, mbaadip ajcxy.

Jesús ycötujcin

²³ Co Jesús yja'ty Jerusalén, chi ytig'iy jadüg'oc ma Dios yt'ic. E jüby anajty yaj'ixpicy je mayjäy, chi ñimiini je teedy mijtungmiidpi etz judío mijjäydijc ajcxy. Chi ajcxy y'amidoohui:

—¿Ma cötujcin ti mbaady co jadu'n mduñ tzajtigoty? ¿Pin jada cötujcin ti xymöy?

²⁴ Chi Jesús y'adzooy:

—Nañ jadu'n ich miich ajcxy nyaj'amidoohuamy tüg ayuc. Pen m'adzooyb ajcxy jada ayuc, huin'it ich miich ajcxy nyajnimähuipy ti cötujcin ich miid nduñ huidijaty.

²⁵ ¿Pin quejxy je Juan, je Bautista, yajñibejtpi, Dios o jäy ajcxy?

Chi ajcxy ñayñimáayigixy miñ xyipy:

—Co ixypy ajt n'adzoohuim co Dios Juan quejx, huin'it xy'adzoohuim: “¿Na'amy co miich ajcxy ca' mmibijcy Juan?”

26 Per nañ jadu'n ca' huaad nminaanim co jäy ajcxy yajnibijcy Juan, com nejhuuyim co yi mayjäy mibijccixy co je' anajty Dios tüg y'ayucnajtzcaxiybi.

27 E paady ajcxy jadu'n adzooy Jesús:

—Ca' ich ajcxy nejhuuyigixy.

Huin'it Jesús yminañ:

—Nañ jadu'n ich ca' nigapxa'ñich pin je' ycötujcin mid nduñich huudijaty.

Je metzpi ung ijxpejt

28 Chi Jesús yminañ:

—¿Nej m'oc'ixy m'ocjaygugi' jadyaabi ixpejt? Tüg je yëydijc ymid anajty metz je' ymang. Chi nimay je mijpi: “Nícx cham m'octuñ ma ich n'uva cam.”

29 Huin'it je' ymang y'adzoohui: “¡Ca' nnícxañich!” Chi jacobhueñyi je' ymang yhuinmaydigajch, chi ñicxy tumbi.

30 Chi je ungedeedy oy ixty je ymang mutzpi. Chi nañ jadu'n nimaay co huen nícxty tuñ. Chi je' ymang mutzpi y'adzooy: “Oy, cham nícxibich.” Per ca' ñicxy.

31 ¿Huudi je' nidügti ycuyduuñ nej anajty yteedy tzocy?

Chi ajcxy yminañ:

—Je' ymang mijpi huudibi jayijp nimay.

Huin'it Jesús nimay ajcxy:

—Janch tiy'ajt jadu'n nej nimaaygixy co je huudibi ajcxy yajcogüejtpi etz je töxyjäy ajcxy huudibi tundigooyb mid yëydijc, je' ajcxy tigihuamb jayijp ma Dios y'ane'my jiiiby tzajpjoty, ca'ydi miich ajcxy.

³² Paady ycixpi oy ymiiñ je Juan huídibi jáy ajcxy yajniibejt, Juan yajni'ixiygixy je mayjáy nej ajcxy jëbi yothuimbidiipy ma Dios. E mi-ich ajcxy ca' mibijcy jadu'n nej Juan ymínañ. Per je' ajcxy huídibi yajcogüejtp etz je töxyjäydijc huídibi tundigooyb miid yëydijctijc, ymibijc je' ajcxy Juan. Oy miich ajcxy mja'ijxy, per ca' mjothuimbidaangixy etz ca' mibigaangixy.

Je naymiduuniptijc jibicjäybi ajcxy y'ijxpejt

³³ Chi Jesús ymínañ:

—Oc'amidoo'ijtcix jadaayaabi ijxpejt. Ji anajty tüg je huídibi nihuindzin'ajtp mijpi je tundac. Chi je cogam uvas cojy ma je ytundac etz jügajy. Chi yaj'oyiy ma anajty jëbi je uvas ñii yajniigidägaani. Nañ jadu'n cojy tüg tzaaboch cixpi, jigix jëbi cuend'aty ycam. Co yaj'oyiyday, chi je cogam yejcy pijctzoy je ycam ma je jáy ajcxy huídibi naymidunaanip. Chi oy chooni je cogam nicxy viaje tumbi.

³⁴ Je huin'it tiempo co yhuaad'ajtni je cosecha, chi je cogam quejxy nijëjity ytumbi jim ma huídibi anajty ti yajpijctzoy je ñaax co huen möyii je huídibi yi' paadaanip.

³⁵ Per je jáy huídibi anajty ti naax pijctzoy, chi ajcxy majch je tumbi. Chi ajcxy ooy huinhuojpy jijphuojpy tüg. Chi ajcxy huingäch jijpcäch jadüg. Chi ajcxy je midugigpi yaj'o'cy.

³⁶ Chi je conaax cogam huingbi ytumbidijc quejxy. E nañ jadu'n ajcxy oy tungixy jadu'n nej anajty ti tungixy je jayijp'atypi.

³⁷ Chi yci'm'ung oy quejx cogixiyñi. Hue' jot'ajti co yajmij'adhiyb je' y'ung.

38 Per co ajcxy je tumbidijc ijxpaty je cogam je' y'ung, chi ajcxy ñaygapxi: “Tzoc ajt yaj'o'cim je cogam ymang, com yi' je' mihui'mamb je' yteedy je yjugy'ajtin je ypidägy. E co ajt nyaj'o'cim, chi ñch ajt nmihui'mim je cam.”

39 Chi ajcxy majch je cogam ymang. Chi ajcxy huijtzpidzimy ma je tundac. Chi oy yaj'öccixy.

40 Huin'it Jesús ymīnañ:

—Co anajty ti miiñ je conaax je cogam, ¿ti jada' y'octunipy miid je tumbidijc ajcxy?

41 Chi je teedytjic etz mijjäydijc y'adzooy:

—Je cogam yaj'ögipy yijiibi jibicjäydijc, ca' ajcxy pa'ayoohuipy, etz yegipy je uvas cam pijctzoy ma je huingbi jäy huidibi yegipy je pidägy huidibi cogam paatip.

42 Chi Jesús ymīnañ:

—¿Nej ca'ni miich ajcxy mgapxy ma miiñ jaay-bety ma Dios ñecyi? Jadu'n ymīnañ:

Je yëydijc huidibi je jäy ajcxy ca' anajty tzocy, Dios ti pidägy mij'ane'mbi. Tim jadu'n nipaady nej tüg tzaa oybi huidibi je pojtzpidijc ca' ajcxy yajtuna'ñ, e je' je' oy ti yhui'mni ma anajty yjaccopicyity. Je Huindzin Dios jada tung ti tuñ, e ooy oy n'ijxim yi' ytung.

43 E paady jadu'n ñch miich ajcxy nimäy co miich ajcxy myajpiga'ñ yi' m'it mlugar jiihy tzajpjoty ma Dios y'ane'my etz yajmöhua'ñ je huingbi jäy je huidibi amuumdügjot naygiyejcip ma Dios.

44 Pinjaty ca' cöbiga'ñ jada mij'ane'mbi, ayo'n ypadaamb, ytimnipatp nej jihuüy jim ycijxciday ma je tzaa ñicx, tijhuudz yjajtahuipy. O pen je mij'ane'mbi midziptzoñ je jäy, chi ytigoydahuipy

ajcxy, tim jadu'n nej jihuïy je tzaa ñigidaagoodyii
ajcxy, e janch jaam püx nicxy yjaty.

⁴⁵ Co ajcxy midooy, chi je teedytjic etz je
fariseostjic huinjihuïy co yi' ajcxy yajnigapxyp,

⁴⁶ chi Jesús ajcxy jamadzaañ. Per tzigiiyb ana-
jty ajcxy mid je mayjäy, je' co je mayjäy anajty
mibijccixy co Jesús najtzcaxiiyb Dios ytiy'ajt.

22

Je ijxpejt ma jäy anajty pijcpidijc nix#duuñ

¹ Chi Jesús jadüg'oc ytigiiy capxp mid ijxpejt,
yminañ jadu'n:

² —Je Dios y'ane'min jadu'n nipaady nej je rey
ymang ocnixiuduñ co ti ypicy.

³ Chi je rey quejxhuäcxtay je ytumbi co huen
nicxy huoomujtaaygixy je huudijaty anajty
ti yaj'nimaaygixy co mingixipy ma ytuna'ñyii
yjada'ñyii je pijcin. Per ca' je' ajcxy ymiina'ñ ma je
pijcin nix#duñ.

⁴ Chi quejxnip huingbi ytumbi, nimay ajcxy:
“Nimaaygix je tiibi oy jayijp'aty mnimaaygix jadu'n
co huen mmingixy ma yam je caayin uucin ni'ixi'
y'ity. Ti je huaj nicxpi nyaj'ögyich. E ni'ixi' ijtaayñi,
huen miñ ajcxy ma je pijcin ytuna'ñyii yjada'ñyii.”

⁵ E je' ajcxy tiibi anajty yaj'nimaaygixy, ca' ajcxy
je' ytimy tuñ cuendi. Nijëjity ajcxy ñicxy ma ytun-
dac. Nijëjity ajcxy ñicxy toocp yejcp;

⁶ e nijëjity ajcxy majch je rey yquejxyöybi ajcxy,
chi ajcxy oy chaachytuñ, chi yaj'o'cy.

⁷ Chi je rey ooy chachjotma'ty. Chi je soldados
ajcxy quejxy co huen nicxy yaj'öctäyii je jäyyaj'öcp
ajcxy etz ytoydhuij je ycajp.

8 Chi je rey nimay je ytumbi ajcxy: “Ni'ixi' ijttäy ma jadayaabi je pijcin yajnixiiduna'ñ. Per je huídibi ajcxy ti yajnimäy ca' ajcxy mihuaadity co ymíngixipy.

9 Nicx miich ajcxy majaty jäy yjñn ytijc. Nimaaygixy tüg'ócíy pinjaty ajcxy mbaty, co huen miingixy ma je pijcpi.”

10 Chi ñicxy je rey ytumbi ajcxy. Chi ajcxy miidmiinday je mayjäy, je oyjäybi etz je jibicjäybi. Chi y'ujztay je rey ytijc miid je mayjäy.

11 Huin'it je rey ytigiiy mayjäyjoty, ixa'ñ anajty huídijaty ti yajhuomiñ. E jiiby tüg yëydijc ti ijxpaty huídibi ca' anajty ti ñayxoxyii, jadu'n nej jäy nayxójxigixy co ajcxy nicxy ma tüg pijcin.

12 Huin'it je rey minañ: “Migüg, ¿nej ya ti mdigiiy tigoty, e ca' mxojx miidity nej ypaadyii?” E je yëydijc amoñyi je' yhui'my.

13 Chi je rey nimay huídibi anajty jim pubejtp: “Cixotz tecyxotz jada yëydijc etz pidäg agootztu-uby. E jiiby yjihuipy yäxipy, jiiby ytitz huin-queedip miid jotmay.”

14 Com may je jäy ajcxy huídibi ti yajhuooy, e hueni ajcxy huídibi ti yajhuin'ixy.

Je cogüejtñ ñimiydägy

15 Je huin'it tiempo je fariseos ajcxy tuuñ quipxycapxy co anajty xihuaangixy nihuambedaangixy Jesús.

16 E jadu'n ajcxy quejxy ma Jesús yajpaady naagity huídibi minicxpejt je fariseos ajcxy ytiy'ajt etz naagity huídibi mijnicxpejt je Herodes ytiy'ajt. Chi ajcxy Jesús nimay:

—Huindzin, nejhuñybich ñich ajcxy co miich mgapxy je tñy'ajt. Tudägy myaj'ixpicy jäy ajcxy jadu'n nej huaad ajcxy cuychinaaygixy Dios ytñy'ajt. E ca' mgüendituñ nej jäy ajcxy ymínaangixy. Tú'ciy miich mduñ mñid comeeñyjäy etz mñid ayoobtñc, ca' huin'ixpety myaj'ixpicy.

17 Nejhuñhuamy ñich ajcxy nej miich mñañ pen tñy'ajt jadu'n: ¿Nej ndundigooyim ma Dios ycötujcñ, co ngüejtim ma César, je romano mij'ane'mbi?

18 Per Jesús ñejhuñyb anajty ajcxy yñibichuinma'ñ, e chi ajcxy ñimay:

—Ooy miich ajcxy naybidáacigixy nej jñhuñy ooy mdudägyity, e ca' yjanchity. ¿Na'amy co ajcxy xychachjot'ixy xychachhuinma'ñ'ixyich?

19 Yaj'ijxcich tüg meeñ huñdi mñid migüéjtigixy César.

Chi ajcxy mñimñ tüg meeñ.

20 Chi co Jesús y'ijxy je meeñ, chi yajtñy:

—¿Pñ y'ahuñax e pñ yñ cñxjaay ma jada meeñ?

21 Chi ajcxy y'adzooy:

—Je romano mij'ane'mbi y'ahuñax etz yñ yñ.

Huin'it Jesús je' ajcxy ñimay:

—Mo' je César huñdibi yñ yñ'ajtpy, etz mo' Dios huñdibi Dios yñ'ajtpy.

22 E co ajcxy jadu'n midooy, chi ajcxy ooy jñhuñy huñmay. Chi ajcxy ixmajch Jesús, e ñicxñi ajcxy.

Yaj'amidooy ajcxy je jugypñcñ co pñ tñ y'ögy

23 Je huñ'it xñ je saduceos ajcxy oy ixy Jesús. Yñ ajcxy ymñañ co ca' yjugypñga'ñ je öcpi ajcxy. E jadu'n ajcxy huñma'ñ pidägy, e ymínaangixy:

24 —Huindzin, jadu'n miiñ ma Moisés ycötújcín co je yëydijc huídibi ypijcychinaayb miiđ ytöxyijc, e pen öcp je yëydijc, e ca' ni tüg y'ung yajhui'my, copicy co co'öcytöxyjäy ypijctigadzipy miiđ je yëydijc ymiguëx.

25 Pues jii ma ñich ajcxy anajty tüg quëx je yëydijc nihuixtujc. Je ungoob ypijcy, e chi ix'ögy ytöxyijc, e ca' ni tüg y'ung yajhui'my. Chi je miguëx ypijctigajch miiđ je töxyjäy.

26 Nañ jadu'n je mimetzpi yëydijc ix'o'cy ytöxyijc. Nañ jadu'n je midugiiḡpi yëydijc ix'o'cy ytöxyijc. E jadu'n oytuñyii yjadyii miiđ je töxyjäy co ti anajty miiđdzinay'abidzimďäy je nihuixtujcpi yëydijc tüg quëxpi. E je nihuixtujcpi ajcxy ix'o'cy je töxyjäy, e ca' ni tüg y'ung ajcxy yajhui'my.

27 Chi nañ jadu'n oy y'öcni je töxyjäy.

28 E co anajty xii tiempo paty, co anajty Dios yajjugypicy yi tiiḡbi ajcxy y'ögy, ¿huídibi jada' ajcxy nidügti je yëydijc töxyijc'adaanip je töxyjäy? Com ti ajcxy jadu'n nihuixtujcpi miiđdzinay'abidzimḡixy.

29 Chi Jesús je' ajcxy y'adzooy:

—Miich ajcxy ca' mhuinjihuïy je tiy'ajt, com ca' mnejhuiiḡixy Dios y'ayuc ytiy'ajt, e com ni ca' mnejhuiiḡixy je mic'ajt huídibi Dios ymiiđ.

30 Pues co anajty yjugypijccixy je jäy tiiḡbi y'öccixy, chi ca' ajcxy ypiḡa'ñ, e nañ jadu'n ni ca' ajcxy ñaymöhuiyb y'ung huen pijccixy. Hue' ajcxy yjugy'adaangixy chinähuaangixy jiiḡby tzajpjoty, tim jadu'n nej je ángeles ajcxy chinaayḡixy jugy'ajtcixy.

31 Per je tiy'ajt co jäy ajcxy tiiḡbi y'öccixy yjucypigangixy jadüg'oc, jëbi mbaatcixy jada

tij'ajt ma Dios ñecy. Dios ci'm jadu'n minañ:

³² “Íich je' je Dios huídibi Abraham, Isaac etz Jacob yDios'ajtpy.” Com yi Dios ca' yi' yDios'aty ma yi öcpi ajcxy. Yi Dios Dios'ajtp yi' ma yi juugypi ajcxy.

³³ E co je mayjäy jadu'n mídooy, chi ajcxy ooy tzachjihuüy tzachhuinmaay je Jesús y'ixpijcin.

Je ane'min huídibi ooy ycopicyity

³⁴ E co je fariseos ajcxy nejhuüy co Jesús anajty ti yaj'amoñyii je saduceos ajcxy, chi ajcxy ñayyöymujctaayi.

³⁵ E jim anajty tüg leyhuindzin huídibi Jesús anajty jot'ijxyp huinma'ñ'ijxyp, chi y'amídooy:

³⁶ —Huindzin, ¿ma yi maybi Dios ycötujcin, huídibi yi' jaccopicyip?

³⁷ Chi Jesús y'adzooy:

—Tzoc jihu' etz yajmij'at nHuindzin'ajtim Dios mïid tüg'óciy m'aa mjot, etz mïid tüg'óciy m'alma, etz mïid tüg'óciy mhuinma'ñ.

³⁸ Jada je' jadu'n je Dios ycötujcin huídibi jaccopicyip, etz huídibi tim jayijpi.

³⁹ Je mimetzpi Dios ycötujcin jahueengi tú'ciy ñaybadyii mïid je jayijpi, yi' huídibi jadu'n minamb: “Tzojccix jihuüygix yi mmigügtijc, tim jadu'n nej mnaychogyii nayjihuüyii ci'm.”

⁴⁰ Jada Dios metzpi ycötujcin jaccopicy jacmic'ajt mïid ca' jac huídibi cötujcin huídibi Moisés etz je profetas ajcxy yejc.

¿Pin je' y'ung je Cristo?

⁴¹ E ma anajty jim tügmucy yjac'ijtcixy je fariseos, huin'it Jesús yajtiy:

42 —¿Nej miich ajcxy huinmay m̄id Cristo? ¿P̄in je' y'apmang?

Chi ajcxy y'adzooy:

—Je David je' y'apmang.

43 Chi Jesús ajcxy n̄imay:

—¿Na'amy co David anajty t̄i ym̄ina'ñ co Cristo hue' je' ȳi' yhuindz̄in? Jadu'n t̄i capxy David anajty m̄id je Dios yj̄ihui'ñ ym̄ic'ajt, ym̄ina'ñ:

44 Je Huindz̄in Dios n̄imay ñich nHuindz̄in: “Íña' ma ñich n'a'oy'amy, ixt̄i coon̄i ñich miich nyajm̄imadäḡip ma je mm̄idzip ajcxy.”

45 ¿Nej j̄ëb̄i David ym̄ij'ap'adyii je Cristo? Com David c̄'m ym̄ina'ñ co Cristo ȳi' je' yhuindz̄in.

46 E nitüg'aa ajcxy yca'adzohuimbijty. E jadu'n nej je x̄i tiempo yjacnicx anajty ca' ni p̄in ocjacyajt̄iȳñi hūidijaty ayuc.

23

Jesús x̄iy ajcxy je fariseos etz escribas

1 Chi Jesús n̄imay je mayj̄ay etz ȳi' ydisc̄ipulos ajcxy:

2 —Je escribas etz je fariseos ajcxy chachnayḡöm̄áayiḡixy co ȳi' ajcxy jajtp nej capxt̄i'cx̄ipy je c̄otujc̄in hūidib̄i Moisés yjaay jecy'ajty.

3 Oy co ajcxy mguydun̄ipy jadu'n nej ȳi' ajcxy xyaj'ix̄p̄ijcc̄ixy Dios y'ayuc, capxym̄idooḡix nej xyñ̄imaayḡixy per ca' mdunḡixy hūidib̄i ȳi' ajcxy ytumb, com ȳi' ajcxy oy ycapxc̄ixy e ca' ajcxy cuydunḡixy.

4 Ȳi' ajcxy n̄igo yajcojcx̄ixy canaag costumbre hūidi je j̄ay ajcxy ca' m̄imadäga'ñ, e ca' ajcxy

pa'ayoy je jäy, tim jadu'n nipaady nej jihuïy tüg tziomy ti mooygixy jemxypï huïdibi ca' je jäy ajcxy mïmadäga'ñ, e yi escribas etz fariseos ajcxy ni ca' ycïhuäx yajpaadaangixy je tziomy.

⁵ Tüg'óciy huïdi yi' ajcxy ytumyb, je' ajcxy ytumyb co huen jäy ajcxy ixyii, jaydëbi yajcömay ajcxy. Yi' ajcxy yajhuimboc-huïnñiyigixy etz ñayajcïhuïnñiyigixy Dios y'ayuc. Nayxojaxcixy mïid huit yooñjatypi co chachcömayangixy.

⁶ Ooy ajcxy tzocy iñaybejt ma je' iñäy je ane'mbi ma jäy ajcxy yxïduñ. Ooy ajcxy tzocy yi' cödumbi iñaybejt ma je' naymujctac.

⁷ Yi' escribas etz fariseos ajcxy oy tzojccixy co ajcxy yajcapxpocxip huïndzigi'ñ'amy mayjäyduum. Etz nañ jadu'n ajcxy tzocy co jäy ajcxy yajmij'adïyb nej huïndzindijc ixpicytjic.

⁸ Miich ajcxy ca' jadu'n m'a'ixïhuïpy co ajcxy xytijïpy huïndzin com nidüg'óciy miich ajcxy mnaymigüg'ájtigixy, etz tügpajc je' huïdibi miich ajcxy mhuïndzin'ajtpy yi' je' Cristo.

⁹ E nañ jadu'n miich ajcxy ya naaxhuiñ, ca' oy ni pin mdeedy'adïyb co mïid miich ajcxy tügpajc je' mDeedy, huïdibi jilby tzajpjoty.

¹⁰ E nañ ni mganaydijïyb ajcxy mij ane'mbi, com yi' Cristo je' tügpajc miich ajcxy mmij'ane'mbi.

¹¹ Je' pin jaccapxymidoob ymigügtjic, je' je' mij'ajtin mïid ma miich ajcxy.

¹² Pinjaty huïdibi ci'm naygömayip, tzöydu'nbaadip je', e pinjaty naybidaacip nicy xeemy, je' je' capxpaady y'idïpy.

¹³ ¡Ay miich ayoob ajcxy fariseos etz escribas ajcxy! Miich ajcxy mnaybidáacigixy nej jihuïy

ooy mdudägyjäy, e ca' yjanchity. Miich ajcxy mgoyüchpy je Dios ytiy'ajtın nej huaad jäy ajcxy ytiğiıy jııby tzajpjoty ma Dios y'ane'my. Ni miich ajcxy mgatigiıygyıxy, e nañ ni mga'a'ixııygyıxy co huingbi ytiğihuiıp.

14 ¡Ay miich ayoob ajcxy fariseos etz escribas ajcxy! ¡Miich ajcxy m'aanııdacp! Miich ajcxy myajcıjxtaayı yı co'ögy ytöxyjäy ypidägy mııd ajcxy m'adzojcın, e mdungıxy ooy jecy tzajpcapxy-capxıı, jigıx capxpaady mbıdzimıpy. Dios niği chaachytunııp miich ajcxy mııd mbocy ycıxpi, ca'ydi jac pın jäy.

15 ¡Ay miich ayoob ajcxy fariseos etz escribas, miich ajcxy naybıdaacıgyıxy tudägy, e ca' yjanchity! Mhuinyöy'abıdzımyb miich ajcxy je naaxhuiııybi, co mgapxhuäcxa'ñ je m'ixpijcın ma je tügpi jäy. E co ajcxy je' myajmııbcy, huin'ıt mejtz jadu'ııyı je pocy anajty mııdıty je jäy, ca'ydi miich ajcxy.

16 ¡Ay miich ayoob ajcxy huidibi jadu'n ıdııtzp nej tügi huıntzpi huınhuoy! Miich ajcxy mınamb co pen tüg jäy tuñ yhuandaacın, e ııbaati capxpaati Dios ytıjc, chi ca' cuyduñ je huandaacın. Per pen ııbatpy capxpatpy je oori huidibi jııby ma Dios ytıjc, huin'ıt janchtıy cuyduñ je huandaacın.

17 Tzuudıjc locıdıjc huidibi ca' huınjııhuııy je tiy'ajt. ¿Huidibi jaccopıcyıp: je oori o je Dios ytıjc ma je oori yoxy ity?

18 Nañ jadu'n miich ajcxy mına'ñ: “Pen tüg jäy huandaacın tuñ, e capxpaady je altar ma Dios yajhuındzıgiıy, chi ca' cuyduñ je huandaacın. Per pen capxpaady je huındzıgi'ñ tzüch ma je altar ma Dios yajhuındzıgiıy, chi cuyduñ yhuandaacın.”

19 ¡Tzuudijc locidijc huídibi ca' huinjihuïy je tïy'ajt! ¿Huídibi jacmij'ajtin ymïid je huídibi ti ya-
jyoxo o je altar?

20 Pinjaty capxpatp je Dios ytijc ma Dios ya-
jhuindzigïy y'agapxmuctaayb anajty huídijaty ji-
iby yajpaatp ma Dios yajhuindzigïy.

21 Pinjaty capxpatp je Dios ytijc, ca' anajty jëyi
capxpaady Dios ytijc, nañ ycapxpatp anajty Dios
huídibi jiiiby tzinaayb.

22 Pinjaty capxpatp je tzejp, nañ capxpatp anajty
Dios y'ane'mdac quipxyi mïid Dios huídi tzinaayb
jiiiby.

23 ¡Ay miich ayoob ajcxy fariseos etz escribas
ajcxy, huídi naybidaacip tudägy, e ca' yjanchity!
Miich ajcxy mooyb Dios je tügpicy je majcpi
huídibi je' paatip, ixti yi tzajnimang, yi ruda etz
je pi'c'ujtz'ay ung. Per ca' ajcxy mduñcuenti
je cõtujcin huídibi jaccopicyity. Miich ajcxy ca'
mdzinäy tïydudägy mïid je migügtijc. Miich ajcxy
ca' mmïidity pa'ayo'n mïid je' ajcxy huídibi ayoob
jottigooyb, etz ca' mmibijccixy Dios. Jada ixypy
ajcxy mbaadumyb, e mooygixy Dios je tügpicy je
majcpi.

24 ¡Tzuudijc locitijc! Miich ajcxy ti m'anajxyp je
uux, e mgojñnaaxcixy je camello, je mijpi iyujc.

25 ¡Ay miich ayoob ajcxy fariseos etz escribas
ajcxy, miich ajcxy naybidaacip nej tudägy jäy, e
ca' yjanchity! Jiiiby jotjoty huinma'ñjoty miich
ajcxy mïidity jibicpi. Miich ajcxy mïid je ca'oy'ixi
etz je adzojcin. Tim jadu'n nipaady nej jihuiy
myajhuächpy ajcxy yi tasi ninïcx yi texy ninïcx, e
chi myajhui'my jibicpi ma tasi jot ma texy jot.

26 ¡Tzuudijc miich ajcxy! Jayijp yajhuädz jiiiby jotjoty texy tasi, huin'it hui'm nañ jadu'n huädz nigix'amy.

27 ¡Ay miich ayoob ajcxy fariseos etz escribas ajcxy, miich ajcxy naybidaacip nej tudägy jäy, e ca' yjanchity! Jadu'n miich ajcxy nipaady nej öcpi jut. Je öcpi jut nigix janch oy yquëxigy, per jiiiby jutjoty ujtz jiiiby müd je öcpi pajc etz müd jibicpi.

28 Jadu'n ajcxy mguëxigy mayjäyduum nej jihuiy ooy m'oyjäyity, per jiiiby jotjoty müd jibic-huinma'ñ.

29 ¡Ay miich ayoob ajcxy fariseos etz escribas ajcxy, miich ajcxy naybidaacip nej tudägy jäy, e ca' yjanchity! Miich ajcxy mgo'abojtzcixy yajxon je öcpi jut ma profeta ajcxy ñaaxtigiiy, etz mxoxy ajcxy müd je pijy ma ñaaxtigiiy je tudägy jäy ajcxy,

30 e miich ajcxy nayñimaayigixy miñ xyipy: “Co ixypy anajty n'octzinaayim jecy'ajty ca' ngapubejtim co ajt nmij'ap nmijteedy yaj'ögy je profetas ajcxy etz je tudägy jäy ajcxy.”

31 Müd jada ycixpi miich ajcxy nejhuüyb co miich ajcxy m'ap'adyii mdeedy'adyii je jibicjäydijc ajcxy huidibi yaj'öc je profetas.

32 ¡Miich ajcxy yajcixcixy je jibicpi huidibi ajcxy mmij'ap mmijteedy yajtzondac!

33 ¡Jadu'n miich ajcxy nipaady nej mayxoox! Ca' miich ajcxy madägipy cöguëgipy je tzaachypi jiiiby ayoodactuuby.

34 E paady nguexaamybich ma miich ajcxy profetas etz huidibi ixpicyip ma Dios y'ayuc, etz huidibi xyaj'ixpigamb ajcxy yi Dios ñecy. Per miich ajcxy myaj'ögamyb myajcruutzpedamyb nijëjity,

etx nijëjity mgoxamyb mhuobamyb ajcxy jilby tzajtigoty etz m'ixhuidida'ñ mbahuidida'ñ ajcxy cajp cajp.

³⁵ Je mijpocy xyñigidaccoda'ñ miich ajcxy, jadu'n nej je oyjäy ñi'py temy yojcy jecy'ajty, oga'ñ chondacy mïd je oyjäy Abel etz ycogixiy mïd Zacarías, je Berequías y'ung huídibi miich ajcxy mmij'ap mmijteedy myaj'o'c jilby tzajtigoty ma altar.

³⁶ Janch tiy'ajt jadu'n nej nimaaygixy co je mijpocy ñigidaccoda'ñ je jäy ajcxy huídibi tzinaayb jadachambi tiempo.

Jesús yäxy mïd Jerusalén cajp ycixpi

³⁷ ¡Miich ajcxy Jerusalén jäy! ¡Miich ajcxy Jerusalén jäy! Jerusalén jäy huídibi jecy'ajty yaj'ögy je profetitjc etz ycögächpy ajcxy je Dios ycogapxy. Canaag'oc ti njayajtügmujtähua'ñich miich ajcxy, jadu'n nej tzeydaj yajtügmujtäy je' y'ung ma yqueec pä't, per miich ca' m'a'ixiiygixy.

³⁸ Oc'ix miich ajcxy nej mdijc abac yhui'maangixy.

³⁹ Janch tiy'ajt jadu'n nej nimaaygixy co camina miich ajcxy xy'ixipyich jadüg'oc, ixti cooni paadipy je xi je tiempo co jäy ajcxy ymina'nipy: “Cömay yi huídibi miimb mïd nhuindzin Dios yxi etz ymic'ajt.”

24

Jesús ymina'ñ co Dios ytijc yhuindigoyipy

¹ Ma anajty Jesús ti ypidzimni ma Dios ytijc, nicxp anajty, huin'it Jesús ydiscípulos ajcxy

ñimijhuäci. Yi' ajcxy anajty yaj'ixiydähuamyb je Dios ytijc, com ooy anajty chachmijtjcity.

² Chi Jesús yminañ:

—Huindicx miich ajcxy jada maybi mijjaty ytijc. Miinipy xii tiempo mina tüg'óciy jada tije nicxy yhui'my taj xit, ca' ma tzaamacxy. Huindigoydähuipy tüg'óciy.

Je t'iy'ajt ma ca'ni naaxhuiñybi ycixa'ñyi ytigoya'ñyi

³ Chi oy ñicxni ajcxy ma Olivos cögor. E co anajty jim, Jesús y'ñäy, chi ñimaayi ameech je' ydiscipulos ajcxy:

—Iich ajcxy nejhuihuamyb mina jëdu'n ytuna'ñyii yjada'ñyii. ¿Ti je' quëxigamb co anajty miich mhuimbida'ñ ya naaxhuiñ, e co anajty je naaxhuiñybi ytigoya'ñ?

⁴ Chi Jesús nimay ajcxy:

—Mnaygüend'adiib ajcxy, ca'ydi pin xyhuin'iingixy.

⁵ Ooy mayjäy ñaybidägáanigixy mïd iich nxii, naybidägáanigixy co je' ajcxy je Cristo, ymina'na'ñ ajcxy: “Iich je' je Cristo.”

⁶ Co miich ajcxy ayuc midohuipy co jäy ajcxy chachtziptungixy ñayñibidigigixy xi ya, chi ca' ajcxy mdzigiiygixip, com ooy ycopicyity co jadu'n jayijp ytuniiyb yjadiiyb. Ca' nan hue' je' anajty tim cijxp tim tigooyb je xii je tiempo.

⁷ Nayñibidigiiib naax cajp mïd huingbi naax huingbi cajp, e gobierno mïd huingbi gobierno. E miinip mic'ujx canaag'it etz mij yuu etz mij pa'm xi ya.

8 Jada tzaachypi ayo'n oga'ni anajty chondägy huidibi nminaxaanim nyajnaaxaanim.

9 Huin'it xii huin'it tiempo miich ajcxy myajcïyegipy, jigix xychaachytúngixipy e xyaj'ögixipy. E tüg'ócïy je maynaaxhuiñjyay xyca'ixáangixipy, miid iich nxii ycixpi.

10 Je huin'it tiempo may je jäy ajcxy yajtigoya'ñ ymibijcin. E nañ jadu'n ñayca'oy'ixáangixy etz ñayñigapxáangixy ñi'ojihuáangixy miñ xyipy.

11 Ooy may quëxïgaangixy aaniidaacpidijc mina'naangixy co Dios y'ayuc ytiy'ajt nimiydaci, e mayjäy oy huin'inaangixy.

12 E je' co ajcxy xii jimijt ñajtninicxiyñi jac tim nigï jibicpi tunaangixy, ca' ajcxy y'ocnaychójcinipy miñ xyipy.

13 Per pinjaty tiydudägy panixp je mibijcin, je' ajcxy ypaadip y'alma nüdzoocin.

14 Copicy co jayijp yajcapxhuäcxa'ñ huindu'ñybi naaxhuiñybi Dios y'ayuc ytiy'ajt jemybi, jaydëbi jäy ajcxy nidüg'ociy nejhuïy Dios ytiy'ajt. Huin'it je naaxhuiñybi yciyxni ytiigooyñi.

15-16 Je profeta Daniel jaay jecy'ajty jada ayuc (miich ajcxy pinjaty capx jada necy huinjihuiygyxy) ma minañ: Miich ajcxy co m'ixy pinjaty jibic-huinma'ñ tumb nej ca' ypadyii ma Dios ytiyc, huidibi ooy ycodzigjity, chi miich ajcxy huidibi tzinaayb jim Judea, co jadu'n m'ijxcixy, chi nicx mgueectzóocixipy mic'amy ma tungop.

17 Pinjaty huidibi yajpatp ma ytiycnicx ca' nicxy tijaty yajpidzimy ma ytiyc.

18 Yi jäy ajcxy huidibi yajpatp camjoty, ca' ajcxy huimbidity co yajpidzimipy tijaty ma ytiyc.

19 Huin'it tiempo ayo'n ypadamy je töxyjäy ajcxy huídibi anajty y'ungdzim'íjt, e nañ jadu'n je' ajcxy huídibi miid y'ungma'xung.

20 May'ajt ajcxy mbíjctzoohuipy yi Dios co jada jadu'mbi ayo'n ca' ytuníyb yjadíyb ma anajty ytíchtientpojity, etz ma anajty pocxínxíjoty.

21 Huin'it oy ayo'n jotmay ytunañyii yjadañyii huídibi nicamina ycatuñyii ycajadyiini mabi naax-huíñybi chondägy e nicamina jadu'n ycajactuníyb ycajacjadíyb.

22 Pen ca' Dios capx'aduga'ñ yíjibi ayo'n xii ayo'n tiempo, ni pin ca' chögípy. Per Dios ycapx'adugamy yíjibi ayo'n tiempo miid je mibíjcpidíjc ycíxpi huídibi Dios ti huin'ixy.

23 Co yi jadu'mbi xii tiempo anajty ymiñ, ca' mmibíjccíxípy, pen ji pinjaty xyñímaaygíxy: "Íjxcix, cha yajpaady je Cristo", o "Jim'amy yajpaady je Cristo." Ca' mmibíjccíxípy.

24 Pues miiníp jäy ajcxy huídibi huin'ínaangíxy ymigügtíjc. Cí'm ñayyajnaxáanígíxy jadu'n nej jihuíy je' yCristíty, e ymináangíxípy co capxhuäcxy ajcxy Dios y'ayuc, e ca' yjánchíty. Ytuníp ajcxy mijhuinma'ñ etz mijpi íjxpejt, íxti jébi jahuin'íngíxíp je mayjäy huídibi Dios ti yhuin'ixyii. Per ca' Dios a'ixíhuipy co yhuin'íníyb yi' yjäy.

25 Ti ích yi' jayíjpní nigapxích.

26 E co pinjaty ajcxy xyñímáhuipy: "Chím je' je Cristo mijtigídumb", ca' ajcxy mninícxíp. O co pinjaty ajcxy xyñímáhuipy: "Chíby je' tígoty yhuíngoyüch", ca' ajcxy mmibígípy.

27 Ích je' je jäy huídibi tzoon tzajpjoty, nhuim-

bidaambich ya naaxhuiñ miiid je tiiicxin je jájin, jadu'n nej je huidzuc huidi tiiicxp xiiibidziinyb ixti xiiigidägy.

28 Ma je öcp ninicx yajpaady jim ñimujctähua'ñ je luud ajcxy.

Nejjada' je' Dios y'ung ymiinipy

29 Co anajty ti ñaxy je ayo'n xii ayo'n tiempo, huin'it je xii ycoodziygidäga'ñ, je po' ca' ytiiicxa'ñ, je madza' ycädähua'ñ etz janch mic je tzajp yücxä'ñ.

30 Co yi jadu'mbi ytuniiyb yjadiiyb, chi quëxiiga'ñ tzajpjoty je iixpejt co iich, je jäy huidibi tzoön tzaipjoty, nhuimbida'ñich ya naaxhuiñ. E chi tüg'óciy je mayjäy tájip máyip yjihuñhuipy yäxipy, chi ajcxy ixipy je jäy huidi tzoön tzaipjoty miñ anajty jocjoty miiid ymic'ajt y'oy'ajt.

31 Chi nguexipyich ángeles ajcxy co huen mic yajxüxy ajcxy ytrompeta, jigix yöymujctähuiipy tüg'óciy pinjaty huin'ixyp xi ya ma ajcxy yajpaady ya naaxhuiñ; ma xii pidziinyb, ma xii cidägy, ma jinboj pidziinyb, ma tichpoj pidziinyb.

32 Jim miich ajcxy iixpejt mbigipy ma je higueri quipy jadu'n nej je xii tiempo ymiiñ cidägy. Co je higueri quipy jadüg'oc pidägipy je' y'aay'ung, huin'it miich ajcxy nejhuñhuipy co yhuingoni mina ypottigiiyñi.

33 Tim jadu'n nej tiy'ajt mbijccixy ma je higueri quipy co jada ajcxy jadu'n ixipy nejhuñhuipy co yhuingoni anajty je xii je tiempo jin'aguy tijc'aguy.

34 Janch tiy'ajt jadu'n nej nimaaygixy co tüg'óciy ytuna'ñyii yjada'ñyii ma ca'ni anajty je jäy y'öctäy huidibi anajty jactziinaayb huin'it tiempo.

35 Je tzajp etz je naaxhuiñybi cixam tigoyam yi', per ñich n'ayuc ca' ycixa'ñ ytigoya'ñ nimina.

36 Ca' ni pin nejhuïy je xii je hora mina nhuimbida'ñich ya naaxhuiñybi. Ni je ángeles ajcxy canejhuiy, ni je Dios y'ung canejhuiy. Tügpaic je Dios Teedy nejhuïy.

37 Com jadu'n nej yjajti ya naaxhuiñ jecy'ajty, co je Noé chinay, nañ tim jadu'n yjadipy co anajty nhuimbityich, yi jäy huídibi tzoön tzajpjoty, ya naaxhuiñ.

38 Jecy'ajty co anajty ca'ni je ayo'nduu ymiin ya naaxhuiñybi, hue' je' mayjäy ajcxy chinay agujc jotcujc, ycaaygixy y'uuccixy etz yajpajccixy je y'ung y'anäg, ixti cooni paty je xii tzuu co ytigiiy Noé barcojoty.

39 Je mayjäy ajcxy ca' ajcxy cuenttuñ co ayo'n miina'ñ anajty, ixti cooni je ayo'nduu miin e öctay ajcxy je jäy ñijoty. Jadu'n nej yjajty jecy'ajty miid je mayjäy huídibi tzinaayb anajty quipxy miid Noé, nañ tim jadu'n yjada'ñ miid je jäy ajcxy huídibi tzinähuip jac jini co ñich anajty nhuimbityich ya naaxhuiñ jadüg'oc.

40 Je huin'it tiempo co nhuimbidityich jadüg'oc ya naaxhuiñ, chi metz yëdyjc yajpaadipy ma ytundac, tüg je' yajminicxa'ñ, e tüg je' yhui'ma'ñ.

41 E mejtz töxyjäy yajpaadip anajty yjich, tüg je' yajminicxa'ñ, e tüg je' yhui'ma'ñ.

42 E paady miich ajcxy ni'ixi íjtcix, xyjiip'ixipyich com ca' mnejhuïygixy mina miich ajcxy je mHuindzin ymiina'ñ.

43 Mnejhuïygixy miich jada co ixypy je ungedeedy nejhuïy ti hora je meetzpi miina'ñ,

ca'p je' ymähui'py, e ca'p a'i'xihui'py co je meetzpi ytigihui'py tigoty.

44 Nañ tim jadu'n miich ajcxy ni'ixi ijtcix, je' co ñich, je jäy huídibi tzoon tzajpjoty, nhuimbida'ñich ma ca' ni pin anajty nejhuíy.

Je tumbi tudägy'pi etz je huídibi ca'p ytudägy'ity

45 ¿Huídibi tumbi je' ya huídibi tumb miid yhuindzin janch cixyjot huinjot huídibi miid xpíjcin, huídibi je' yhuindzin mooyipy ane'min ma ytíj, huídibi yajni'gdagihui'py ma ymigü'gtíj, caayin uucin mina ypadyyi?

46 Janch jotcujc je tumbi co yhuimbidi'py je' yhuindzin, e je' cuyduñ jadu'n nej je' yhuindzin ti ñimäyíi.

47 Janch tíy'ajt jadu'n nej nimaaygixy co je huindzin ytumbi yajni'gohuajc'adyii tüg'óciy huídibi ymiid.

48 Pen je tumbi jibicjäybi mina'ñ jotjoty huinma'ñyoty: “Huäcxíjpní ñich je nhuindzin.”

49 E chi nímajztägip ymigü'gtíj, e ytigihui'p caaybi uucpi miid amügyjäyíj;

50 chi je tumbi yhuindzin minípy ma ytíj huídi xii mina je tumbi ca' anajty aa'ixy jíj'ixy e ni je hora anajty canejhuíy.

51 Chi huindzin tzaachytunip je' ytumbi, etz ypidägípy miid je jacjadyii jäy ajcxy yajpaady huídibi naybidáacigíxp nej tudägyjäyíty e ca' yjanchity. Jii'by ayoodactuuby yjihua'ñ yäxa'ñ etz huinmucxa'ñ huingueda'ñ ytíitz miid jotmay.

25

Je ijxpejt ma je majcpɪ tōxy'anäg

¹ Co anajty nhuimbityich jadüg'oc ya naax-huiñybi jadu'n nipaadip nej je nimajcpɪ tōxy'anäg co ñicxy ajcxy ñayjijpcobadihuáanigixy mïid je yëydijc huidi pigamb. Chi minicxy ajcxy aceite lámpara co yajticxaangixy.

²⁻⁴ Nimigoox je tōxy'anäg huidi cohuinma'ñity etz ahuing minicxy jadüg quiig ujtz mïid aceite. E nimigoox je tōxy'anäg ca'pɪ ajcxy cohuinma'ñity, e ca' ajcxy ahuing minicxy jadüg quiig aceite.

⁵ E je yëydijc huidibi anajty pigamb huäcxijpni ooy, chi je tōxy'anäg ajcxy ooy ytigñyñi mä'uuybi.

⁶ E mijcuctz ajcxy midoy co tüg jäy mic mina'ñ: “Chi miiñ je yëydijc huidibi pigamb, nicx jijpcobadñygixy.”

⁷ E huin'it je nimajcpɪ tōxy'anäg ajcxy ypidictay. Chi ajcxy yjin ni'ixñy nidüg nidüg.

⁸ Chi je nimigooxpɪ huidibi ca' ycohuinma'ñity nimay je nimigooxpɪ huidibi cohuinma'ñip: “Iich ajcxy hueeni mooygich yi m'aceite, co pidzaanip ñch ajcxy njin.”

⁹ Chi y'adzooy je cohuinma'ñybi ajcxy: “Ca' nyega'ñich, je' co ca' ñch ajcxy nje' yhuaadihua'ñ. Nicx miich ajcxy juy jim ma ytoogyii.”

¹⁰ E ti anajty ajcxy ñicxy aceite juuyb je huidibi ajcxy ca' ycohuinma'ñity, co oy yjäty je yëydijc huidibi pigaanip. Chi je cohuinma'ñybi ajcxy mïid tigiy tigoty je yëydijc huidibi pigaanip. Chi tijc yaj'agiñy.

11 E com jecyñi oy yhuimbity ajcxy je huídibi ca' ycohuinma'ñity. Chi ajcxy ymínañ: “¡Huindzin, Huindzin, ocyaj'ahuädz mdijc!”

12 Chi je' y'adzooy: “Ca' ñch miich ajcxy n'ixy'adyii.”

13 Chi Jesús ymínañ:

—Nayñi'ixiiyigix, je' co ca' mnejhuñygixy mina ñch nhuimbida'ñich jadüg'oc ya naaxhuiñ.

Je ijsxpejt ma je meeñ

14 Co ñch anajty nhuimbida'ñich jadüg'oc ya naaxhuiñybi, jadu'n nipaadij nej jadyaabi ijsxpejt, co anajty tüg comeñyjay chona'ñ viajetumbi, chi je' ytumbi ajcxy mooy je meeñ co huen cuend'ajtcixy.

15 Je ymidügpí tumbi moy migoox mil meeñ. Je mímetspí moy mejtz mil. E je ymidugügpí moy tüg mil. E jadu'n ajcxy moy nije' nije' nej huaad cuend'ajtcixy. Chi choñ je huindzin viajetumbi.

16 Je tumbi huídibi cídigiyyi migoox mil meeñ, ytigiy ajuybi adoocpi. Chi je' ymeeñ y'ung'ajty jamigoox mil.

17 Nañ jadu'n huídibi cídigiyy mejtz mil, ytigiy tumbi miiid je meeñ. Chi je' ymeeñ y'ung'ajty ja mejtz mil.

18 Je huídibi cídigiyy tüg mil hue' oy pidägy je meeñ tützjoty. Chi taji, e yützi je yhuindzin ymeeñ.

19 E com jecyñi oy yhuimbity je huindzin. Chi ytigiy cuenta yaj'oyiyb miiid je ytumbi ajcxy.

20 Chi miiñ jayijp je huídibi anajty ti cídigiyyi migoox mil meeñ. Chi je tumbi yajcídigiyy je'

yhuindzin majc mil meeñ. Chi ymīnañ: “Miich ti xymooyich miigoox mil meeñ, e ñich ti nyaj'ung'atyich jamigoox mil.”

21 Chi je' yhuindzin mīnaañ: “Janch jotcuyc ñich cham co jadu'n ti mduñ mīd je hueenbi meeñ. Miich ooy mdudägy etz oy ti mduñ, e paady njacmōhuamyb jacmay. Tigī' ma ñich, e xondäg mīd ñich.”

22 Chi ymiñ je huīdibi anajty ti cīdigīyīi mejtz mil meeñ. Chi nīmay je yhuindzin: “Miich xymooyich mejtz mil meeñ, e ti nyaj'ung'atyich jamejtz mil.”

23 Huin'it je' yhuindzin ñīmaayi: “Janch jotcuyc ñich cham, co jadu'n oy ti mduñ mīd ñich nmeeñ, e paady njacmōhuamy jacmay. Tigī' xondäg mīd ñich.”

24 E co oy yja'ty je huīdibi cīdigīyīb tūg mil meeñ, chi nīmay je' yhuindzin: “Huīdzin, hue' ndijyich miich myēydīc'aty janch jībic jāy. Miich cosecha myajpidīc'py ma ca' ti mñīpy etz miich mgosecha myajpidīc'py ma ca' ti ti mhuijy.

25 Paady ooy ndzīgīyīch co je meeñ ngayaj'ung'adīpyich. E co miich mhuimbida'ñ, mdzogamy je mmeeñ, e paady je mgi'mmeeñ ti nyūchich, je' co ndzīgīyīch co nīcxy nyajtīgooyich miich mmeeñ. Cha je meeñ huīdibi ti xymooyich.”

26 Chi je' yhuindzin ñīmaayi: “Jībic tumbi miich, ooy mnuuxity. ¿Nej ti mnejhuīy miich co ñich cosecha nyajpidīgyich ma ca' ti ti nñībyich, etz cosecha nyajpidīgyich ma ca' ti ti nhuijyich?”

27 Oy co ixīpy miich je ñich nmeeñ ti myejc'anuucxy, e jīm ixīpy y'ung'at. E cham

co ti nhuimbityich cham ixypy je nmeenich xycidigiyich mid nimeen'ung.”

28 Chi je huindzin nmay je jacjadyi tumbidijc: “Pijci ajcxy yi meen huidi ymid, e mooygix yi huidibi majc mil ymid.

29 Je huidibi oy tumb jacyajmohuamb je' anaxy, e ymid'adamy je' conaxpi. Je' huidibi hueen mid yajpigamb je' huidi ymid, je' co ca' oy ti ytuñ mid je hueenbi.

30 Yi jibi tumbi huidibi ca' oy ytuñ, pidäg ajcxy agootztuuby ma yjhuipy yaxipy, ma ytitz huinmuucx huingueedip mid jotmay.”

Co anajty naaxhuiñjyäj ajcxy yajtyduñ

31 Co ich, je jäy huidibi tzoon tzajpjoty, nhuimbity ich anajty jadüg'oc ya naaxhuiñybi, huin'it n'ixtäga'ñich ma ich n'ane'mdac etz ane'mañich mid ich nmij'ajtín etz n'oy'ajtín.

32 Chi tüg'óciy je naaxhuiñjyäj yajtügmujectähua'ñ ma ich. Nhuäcxamybich jadüg jadüg jadu'n nej jäy ajcxy huäcxy je cöbixy etz je chiibo ajcxy.

33 Nbidägaamybich a'oy'amy je jäy ajcxy huidibi oy ti ytungixy mid ich. E yi' ajcxy jadu'n nipaadip nej cöbixy. Nbidägaamybich anajty'amy yi jäy ajcxy huidibi jibic ti ytungixy mid ich. E yi' ajcxy jadu'n nipaadip nej chiibi.

34 Chi nnimähuibich yi jäy ajcxy huidibi a'oy'amy: “Miingix miich ajcxy huidibi Dios Teedy ti xyconuucxy ajcxy. Je'ájtigix ane'mdac huidibi ijtp n'ixi mid miich ajcxy ycixpi maabi naaxhuiñybi chondägy.

35 Ma anajty ich nyuubögyii miich ajcxy ti xyajcaayich; ma anajty ich ndidziyii, miich ajcxy ti

xyajñ'ügyich; ma anajty ñch nihuidityich, miich ajcxy jättac ti xymöyich;

³⁶ ma anajty ñch je nhuit ti nyajmayjatyich, miich ajcxy ti xymöyich je huit; ma anajty ñch nbigyijich, miich ajcxy ti xycuend'átyich; etz co anajty ñch pujxtigoty nyajpaady, miich ajcxy ti xycogapxiyich."

³⁷ Huin'it ymïna'nañ je jäy ajcxy huïdibi oy ti ytungixy mïid ñch: "Huindzin, ¿mïna ñch miich ajcxy ti n'ixy ayuu, e ti nyajcay? O ¿mïna ñch miich ajcxy ti n'ixy co mdïdzïyïi, e ti nyajñ'ügy?"

³⁸ ¿Mïna ñch miich ajcxy ti n'ixy co miich mnihuidity, e ti nmöy jättac? O ¿mïna mhuit ti myajmayjaty, e ti nmöy je mhuit?"

³⁹ ¿Mïna ñch miich ajcxy ti n'ixy, co miich mbigyïi, e oy ti ngüend'aty? etz ¿mïna ñch miich ajcxy ti n'ixy co pujxtigoty myajpaady, e oy ti ngogapxiy?"

⁴⁰ ñch, je mij'ane'mbi, n'adzohuimbïdïpyich: "Janch tiy'ajt jadu'n nej nnïmaaygixy co yi jäy ajcxy huïdibi oy ti ytungixy mïid pinjaty huïdibi xymïjnïcxpejtpïch, nañ jadu'n oy ti ytungixy mïid ñch. Ca' ñëjity co jäy ajcxy ymïnañ co ca' ypïnity je jäy huïdibi xymïjnïcxpejtpïch."

⁴¹ Chi ñch, je mij'ane'mbi, nïmähuißich je jäy ajcxy huïdibi yajpatp: "Huïnhuäctuutcïch miich ajcxy jïbïcjäydïc. Nïcxy miich ajcxy mijjïnjoty, huïdibi ijtp ni'ixï mïid je mujcu' ycïxpi etz mïid je' y'ängeles ajcxy ycïxpi.

⁴² Ma anajty ñch nyuubögyïi, ca' miich ajcxy xyajcaayich; ma anajty ñch ndïdzïyïi, ca' miich ajcxy xyajñ'ucyich;

⁴³ ma anajty nnihuidityich, ca' miich ajcxy xyajjättägyich; ma anajty ich nhuit xytigoy'íjtigich, ca' miich ajcxy huit xymooyich; etz ma anajty ich nbigyii e nyajpaadyich pujxtigoty, ca' miich ajcxy xycogapxiyich.”

⁴⁴ E chi je' ajcxy ymina'na'ñ: “Huindzin, ¿mina ich ajcxy miich ti n'ijxcixy co anajty miich yubögyii tidziyii, o co anajty nnihuidity? ¿Mina ti n'ijxcixy co ca' mhuit muidity, o co mbigyii, o co anajty pujxtigoty myajpaady, e ca' ich ajcxy miich nbubejty?”

⁴⁵ Chi ich, je mij'ane'mbi, n'adzohua'ñich: “Janch tiy'ajt jadu'n nej nnimaaygixy. Huen tim pinity huídibi ca' muidity pa'ayo'n mid je' ajcxy huídibi xymijnicxypejtpich, oy jäy yjamina'ñ co ca' ypinity, ich miich ajcxy anajty jadu'n ti xytuñich.”

⁴⁶ E jada ajcxy nicxip huinixi ayoodactuuby, e yi tudägyi ajcxy nicxip ma yi jugy'ajtin huinixibi.

26

Je huinma'ñ nej anajty Jesús madzaangixy

¹ Co Jesús nigapxtay tüg'ócüy jadayaabi ayuc, chi nimay yi' ydiscípulos ajcxy:

² —Miich ajcxy mnejhuib co huixtic je amayxi, je pascua xi. Pascua xijoty ich, je jäy huídibi tsoon tzajpjoty, nyajciyega'ñich ma nmidzipich etz xyajcruutzpeda'ñich, xyaj'öga'ñich ajcxy.

³ Je huin'it xi je teedy huídibi tungmid ajcxy, je escribas, etz je mijjäydijc ajcxy ñayyöymujctayi ma je' ytiba' je teedy huídi jacmijtungmid huídi anajty yxi Caifás.

⁴ E j̄im ma Caifás yt̄iba' j̄im ajcxy huinma'ñy'ixtay nej j̄ebi yajmachycägixy Jesús m̄id an̄i etz yaj'ōgaangixy.

⁵ Chi ajcxy ñayñimaayi miñ xyipy:

—Ca' y'oyity co xiijoty nmajtzim Jesús. Ca' jecyity co je mayjāy xymijotma'ttayim etz ytigihuiṑ ajcxy huambi j̄ihuiybi.

Tüg töxyjäy pidacy aceite ma Jesús ycohuajc

⁶ Jesús anajty yajpaady Betania ma Simón yt̄ijc, je Simón huidibi anajty ym̄id je j̄ibic n̄ibüd̄z pa'm.

⁷ E ma anajty Jesús yca, huin'it ymiñ t̄üg töxyjäy m̄id t̄üg quiig ujtz m̄id perfume huidibi ooy oy yxuugy, jada perfume ooy anajty choohuity. Chi je töxyjäy yaj'ahuäch je quiig, e yajcöyogiy Jesús je perfume huidibi ooy oy yxuugy.

⁸ Co Jesús ydiscípulos ajcxy jadu'n ijxy, chi ajcxy mijotma'ty je töxyjäy. Chi ajcxy ñayñimaayi miñ xyipy:

—¿Ti co jada perfume huidibi ooy oy xuugy ayoy?

⁹ Tzou ixypy ooy jada yajtoocy, jaydēbi ixypy m̄id yajpubet je ayoobt̄ijc.

¹⁰ E co Jesús nejhūiyy nej ajcxy ym̄inañ, chi nimay:

—¿Na'amy co m'amaȳy jadayaabi töxyjäy? Yi' huidibi ti tuñ, je' yi' t̄üg oybi.

¹¹ Je ayoobt̄ijc ca' ytigoy'ida'ñ ma miich ajcxy nimina. Huen huidibi x̄i huen huidibi tiempo j̄ebi miich ajcxy mbubedipy ayoobt̄ijc. H̄ich ca' n'ida'ñich jecy ya m̄id miich ajcxy.

12 Jada töxyjäy ti pidägy ma ich nninïcx perfume huidibi ooy oy xuugy, jayïjp ca'ni nnaaxtigïyich. Jadu'n je' jïjp'ïjxpy mina nnaaxtigïhua'ñich.

13 E huentïmma'amyity je Dios y'ayuc anajty yajcapxhuäcxy huindu'my naaxhuiñ jim yajni-gapxa'ñ jadu'n nej je töxyjäy ti tuñ cham mïd ich, e jadu'n je mayjäy jäymedzipy jada töxyjäy.

Judas cïyecy yi Jesús ma ymidzip agojïx

14 Chi nidüg je' ydiscípulos huidibi yxï Judas Iscariote oy nimäy je teedy mïjtungmïdpi,

15 nimäy ajcxy:

—¿Ti ajcxy xymöhuibich co ngïyegïpyich Jesús? Chi ajcxy moy iïpxmajc plata meeñ.

16 Co ajcxy meeñ ymooy, chi mic'amy Judas yhuinma'ñ'ixtay nej jëbi cïyecy Jesús ma ymidzip.

Jesús y'adzuu'ajty pascua xïjoty

17 Je ymidügpi xï, je amayxï, je pascua xï ma anajty yajcay je tzajcaagy huidi ca' levadura mïdity, huin'it je' ydiscípulos ajcxy nimiiñ Jesús. Chi ajcxy yajtiy:

—¿Ma mdzocy co ich ajcxy ni'ixïhuïp huidi mgayamy je pascua xï cïxpi?

18 Chi Jesús y'adzooy:

—Nïcx miich ajcxy jim Jerusalén ma tüg jäy ytïc, e mnïmähuïp: “ïch nHuindzin jadu'n minamb co yhuingoñ je' yxï yhora, e paady ma miich mdïc yi' tuna'ñ je pascua xï adzu'ajtïn mïd ydiscípulos ajcxy.”

19 Huin'it Jesús ydiscípulos ajcxy cuyduñ jadu'n nej Jesús anajty ti ñimäyïi. Chi ni'ixïy ajcxy je pascua adzuu'ïbi.

20 E co chu'ñy, chi Jesús y'ixtacy ma je mesa miid je nimajmetzpi ydiscípulos.

21 E ma anajty ycaaygixy, huin'it nımay je nıma-jmetzpi:

—Nidügti miich ajcxy huıdibi xycıyegaambıch ma nmıdzipıch.

22 Huin'it ajcxy yjajtay taj may. Chi ajcxy yajtııy:

—Huındzin, ¿nej ĩch jada'ji?

23 Chi Jesús y'adzooy:

—Yi huıdi miid ndocxmucyıch, yi' je' jadu'n xycıyegaambıch ma nmıdzipıch.

24 Janch tıy'ajt co ĩch n'öga'ñıch, jadu'n nej je profeta jaay jecy'ajty. ¡Ay ayoob je yeydıjc huıdi xycıyegaambıch! Jac'oy co ca' ycama'xung'aty je huıdibi xycıyegaambıch.

25 Chi Judas ymınañ:

—Huındzin, ¿nej ĩch jada'ji?

Chi Jesús y'adzooy:

—Miich jadu'n mınamb.

26 E ma anajty ajcxy ycay, huin'it Jesús tzajcaagy conıgy. Chi yajnajxy Dioscojuyip. E chi jada' tujchuäcxy je tzajcaagy. Chi moy je nimajmetzpi ajcxy je tzajcaagy, e ymınañ:

—Cay miich ajcxy jadayaabi tzajcaagy, yi' je' ĩch je nninıcxıch.

27 Huin'it Jesús cıyıgy je y'ügy. Chi yajnajxy Dioscojuyip. E huin'it moy je ügy je nimajmetzpi ajcxy, e ymınañ:

—Üc miich ajcxy jadayaabi ügy,

28 yi' je' ĩch je nni'pyıch. Yi' ñıgapxy co Dios ti yaj'aducy je jemybi ayuc. E ĩch nni'py ytema'ñ

yoga'ñ m̄id je mayjāy ycixpi, jaydēbi ajcxy paadip je huinmeecxin m̄id je ypocy ycixpi.

²⁹ Janch tiy'ajt jadu'n nej nnimaaygixy, co ca' n'oc'ügaanich jadüg'oc je pascua x̄i ügy, ixti cooni je x̄i tiempo paadip co ñch ajt n'uucim huinjemybi je pascua x̄i ügy ma ñch nDeedy y'ane'min.

Jesús nigapxy co Pedro ycoyütza'ñyii

³⁰ E co ti y'iidāy, chi ajcxy chooñ ñicxy ma Olivos cōgop.

³¹ Chi Jesús je' ydiscípulos ajcxy nimay:

—Nidüg'óciy miich ajcxy xy'ixmajtztāhua'ñich cham coodz. Je' co jaaybejty jadu'n miiñ ma je Dios ñecy: “Ögip je cuend'ajtpi, huin'it je cōbixy yöyhuäcxtāhua'ñ.”

³² E co anajty ñch njugypicyich jadüg'oc ma anajty ti n'ögyich, chi jayijpni nnicxa'ñich ma Galilea, e jim naybaatim nidüg'óciy.

³³ Chi Pedro ymīnañ:

—Oy yi jacjadyiibi migügtjicich xy-jadim'ixmajtztāy, per ni camina x̄i ñch miich n'ixmadzipy.

³⁴ Chi Jesús Pedro nimay:

—Janch tiy'ajt jadu'n nimāyich, cham coodz ca'ni anajty je tzey yaxigy, miich tugüg'oc mina'nip co ca' xy'ixy'adyiijich.

³⁵ Chi Pedro ymīnañ:

—Oy ñch ndim'ögip m̄id miich, ni camina ngaminá'nibich co ca' miich n'ix'adyii.

E nidüg'óciy je' ydiscípulos ac tim jadu'n ymīnañ.

Jesús mibijctzoy Dios jim Getsemani

³⁶ Chi Jesús ñicxy mïid je' ydiscípulos ajcxy, oy yja'tcixy jim Getsemaní. Chi jim Jesús ñimay je ydiscípulos ajcxy:

—Ya miich ajcxy oc'íña', miin ñich n'ocnicxyich jim'amy Dios mibijctzoobi.

³⁷ E chi Jesús ñicxy mïid Pedro etz nañ jadu'n mïid je Zebedeo ymang nimetzpi. E jim Jesús ñayjihuiyí janch tajy may mij cajee.

³⁸ E chi jim yajñimay je nidugíigpi discípulos:

—Nayjihuiybich taj may ma njot nhuinma'ñ, ixti mabaad anajty n'ögich mïid tájin máyin. Hui'm miich ajcxy ya mïid ñich etz ca' mmaagixy.

³⁹ Huin'it Jesús ñajtzöyíy mijci'm jahui'. Chi jim ñaygojxtinaydaci naaxcíxy, e ytigíy Dios mibijctzoobi, ymínañ:

—Dios Teedy, ñich nDios, pen jëbi jadu'n, mduñ may'ajt píjçigich jadayaabi tzaachypi ayo'n, per ca' yjadu'nity nej ñich ndzojcin mdunipy, jadu'n mdunipy janchtiy nej miich mdzojcin.

⁴⁰ Huin'it Jesús yhuimbijty jim ma anajty ti yahui'my je nidugíigpi. E oy paady ac tim maab anajty ajcxy. Chi ñimay je Pedro:

—¿Nej ca' madäga'ñ miich ajcxy co m'idipy juugy tüg hora mïid ñich ycixpi?

⁴¹ Hui'mi' ya, juugy m'idipy etz mibijctzoo Dios, jaydëb ca' je ca'oybi xymímadägip. Janch tiy'ajt co jotjoty ooy mnijot'ajtcixy com tunaangixy yí oybi. Per yí mninícx ca' ymadäga'ñ ñicxy tuñ oybi.

⁴² Chi mimetz'oc Jesús ñicxy oy Dios mibijctzoy, ymínañ:

—Dios Teedy, pen copicy co ñich nbaadibich je ayo'n, huen jadu'n yjadñiyb mñd ñich nej miich mdzojcin.

⁴³ Chi jadüg'oc Jesús huimbijty ma je nidugñgpi discípulos, e oy pátnibi maab ajcxy, je' co ca' anajty ajcxy mñmadägy mähuñ.

⁴⁴ Chi yajhui'my ajcxy, e midugñg'oc ñicxy Dios mñbijtzoobi. E nañ tim jadu'n oy mñnaanip jadu'n nej anajty ti y'ocmñamb.

⁴⁵ Chi jadüg'oc huimbijtni jim ma je nidugñgpi, chi nñmay ajcxy:

—¿Máagixni? PócxciX jadachambi. Ti je tiempo yhuaad'ajtni mñna ñich, je jäy huñdibi tzoon tza-pjoty, nyajciyega'ñich ma yi jñbicjäydijc ajcxy.

⁴⁶ Pidñccix, tzoc jámim, chi ymññ je huñdibi xyciyegaambich ma nmñdzipich.

Tzумы mach ajcxy Jesús yajñicxy

⁴⁷ Jesús capxni anajty jim co yjäty je Judas. Judas hue' je' nidügti je majmetzpi discípulos huñdibi Jesús yhuñ'ijx. E je Judas mñd ja'ty mayjäy, je huñdibi anajty ti quexy je judío teedy mñjtungmñdpi etz je mñjjäydijc. E je mayjäy hue' anajty ajcxy mñd ypujx etz quipy.

⁴⁸ Judas, je huñdibi anajty ciyejcp Jesús, ti anajty jayjpp yecy tüg ijxpejt huñdibi mñd jñbi ajcxy ijxcapy Jesús. Jadu'n jayjpp Judas ycapxtuñ mñd je' ajcxy, e ymñañ:

—Je jäy huñdibi anajty ndzücxypich, yi' je' Jesús. Májtzcix.

⁴⁹ Huñ'it Judas nñmijhuägy Jesús co capxpocxa'ñ, chi ymñañ:

—¡Huñdzin!

Chi tzüxcy.

⁵⁰ Chi Jesús ñimayi:

—Migüg, ¿na'amy co xyñimijhuägyich?

E co jadu'n ñimay, chi mic'amy yi' ajcxy majch Jesús. Chi ajcxy yajnicxy tzумы mach.

⁵¹ E huin'it nidüg je Jesús ymigüg, juudy je ypujx. Chi tatzpujxtucy je teedy mijtungmüdpí ytumbí.

⁵² Chi Jesús ñimay je' ydiscípulo:

—Pidäg yi mbujx ma ytijc. Com pinjaty tziptumb müd pujx, nañ jadu'n y'ögipy müd pujx.

⁵³ ¿Nej ca' mnejhuiy co ñich jébi nbijctzooyich cham adzu'x may ángeles, je huídibi xyñihuá'ñibich ma nmídzipich?

⁵⁴ ¿Per nej ycixipy yca'pxipy nej miñ jaaybety, jadu'n nej cham ytuñyii yjadyii müd ñich ycixpi?

⁵⁵ Chi Jesús ñimay je mayjäy:

—Miich ajcxy ti xyñidzoniyich müd je pujx müd je quiipy. ¿Nej mdiy ñich meetzpi o jäy yaj'ócpiçh? ñich jabom jabom anajty ññäyich nyaj'ixpicyich miich ajcxy jiiby ma Dios ytijc. E ca' miich ajcxy xymajchich.

⁵⁶ Huinjihuí' miich ajcxy co tüg'ócíy yam ytuñyii yjadyii ca'px tim jadu'n nej je profeta ajcxy cojaay jecy'ajty.

Huin'it nidüg'ócíy je' ydiscípulos ajcxy yqueec-tay. Chi Jesús yhui'my naydügpajc.

Jesús ma naymujcpídjic yhuinduu

⁵⁷ Je' ajcxy huídibi anajty ti mach Jesús, yajnicx ajcxy jim ma Caifás ytijc. E jim ma Caifás ytijc ma anajty ti ñayyöymujctáayigixy je escribas etz je mijjäydijc ajcxy.

58 E je Pedro anajty axam nicxy jiguëgy jihuïy, ixti cooni yajja'ty ma Caifás ytiba'. Chi jim ytigiy. Chi ixtacy mïid je cuend'ajtpi ajcxy, je' co oc'ixa'ñ ocnejhuïhua'ñ nej Jesús yjada'ñ.

59 Je teedy ajcxy mïitungmïidpi etz tüg'ócïy je judíojäy mïitungmïidpi ajcxy huinma'ñ ixtaaygïxy nej jëbi Jesús yajpocycägïxy mïid ajcxy xïhuin, e jadu'n jëbi mooygïxy yi o'cin.

60 Mayjäy nïhuambejty Jesús mïid anïi, per ni pin anajty ca' mïidity tïy'ajt co Jesús anajty ti ytundïgooy mïid judíojäy ajcxy ycötujcin. Jac com jecy miin metz testigos mïid aanïi.

61 Je' ajcxy ymïnañ:

—Jadayaabi yëydïjc mïnañ co jëbi nya-jhuindïgooyich Dios ymïjtajptïjc, e codugïig xïi ti anajty nyaj'oyïyich jadüg'oc.

62 Huin'it je teedy mïitungmïidpi ytïnayïgy, e nïmay Jesús:

—¿Nej co ca' m'adzooy? ¿Nej janch tïy'ajt nej jadayaabi metzpi testigo ymïna'ñ?

63 Per Jesús ca' y'adzooy. E huin'it je teedy mïitungmïidpi ñïmaayï:

—Nïmaayg ïich ajcxy Dios ycïxpi, pen janch mi-ich je' je Cristo je Dios y'ung.

64 Chi Jesús ymïnañ:

—Miïch jadu'n mïnamb. Nañ jadu'n ïich mi-ich ajcxy nïmäy, co ïich je jäy huïdibi tzoön tza-jpjoty, miïch ajcxy xy'ixïpyich tza-jpjoty ma Dios ymïjc a'oy'amy. Nañ jadu'n miïch ajcxy xy'ixïpyich jocjoty co anajty nhuimbityich jadüg'oc ya naax-huïñ.

⁶⁵ Chi je teedy jacmijtungmüdpí oy yhuit huindzeczy huinma'ch, chí ymínañ:

—Jadayaabi yëydíjc tí capxtigooy Dios. ¿Tí testigo njac-huaaním? Miich ajcxy cí'm tí mmídoogíxy co yí' tí ycapxytígooy ma Dios, e minañ:

⁶⁶ ¿Nej miich ajcxy mínaangíxy?

Chi ajcxy ymínañ:

—Tí ycapxytígooy, copícy co y'ögípy.

⁶⁷ Chi ajcxy huindzujy jíjptzujy etz cojxy ajcxy. Chi jacjadyíi huingojxy jíjpcojxy.

⁶⁸ E chí ajcxy nímáy:

—Pen janch co miich je' je Cristo octíygapx pín tí xycoxy.

Pedro ymínañ co ca'p Jesús íxy'adyíi

⁶⁹ Je huin'it moñi Pedro anajty íñay tibägujc. Chi ñimiini tüg töxy'anäg tumbi, chí ñímaayi:

—Miich nañ jadu'n tí mhuidity müd Jesús je Galilea jáy.

⁷⁰ Chi Pedro ymínañ mayjäyjoty:

—Ca' nhuinjíhuíyíich tí mgapxpy.

⁷¹ Pedro hue' anajty pídzimníp co ñimiini huingbí töxy'anäg. Chi je töxy'anäg nímáy je' ymígügtíjc:

—Jadayaabi yëydíjc tí yhuidity nañ jadu'n müd Jesús je Nazaretpí.

⁷² Chi Pedro jadüg'oc coyüch je Jesús cíxyjot huínjot ymínañ:

—Ca' n'íxy'adyíijíich yíjibí yëydíjc.

⁷³ Jac co hueeni, je jáy huídibí anajty ajcxy jíimíp ñímáy ajcxy je Pedro:

—Janch co miich nañ jadu'n anajty müd mhuidity yí Jesús, com yí m'ayuc yí' xyajníquëxícp.

74 Chi Pedro tigiiy capxpi janch oy ñinej minañ huinijot:

—Ca' n'ix'adyiijich yi yëydijc.

E tim huin'itiy je tzey yaxigy.

75 Chi Pedro jäymejtcoody jadu'n nej anajty Jesús ti ñimäyii: “Ma ca'ni anajty tzey yaxigy cham coodz, miich tugig'oc xycoyützibich.” Chi Pedro pidzimy tiba', e jiiby oy yäxy mibaad yjotcidägy.

27

Chi Jesús yajcäyeycy ma Pilato

1 E co oy yximäy yticxäy, chi je teedy mijtungmüdpí etz je mijjäydijc ajcxy quipxycapxy co yaj'ögaangixy Jesús.

2 Chi ajcxy yajnicxy cïxoch oy ajcxy cïyecy ma Poncio Pilato je gobernador.

Judas ñayyöctiiyi

3 Co je Judas je huidibi anajty ti cïyecy Jesús, co ijxy co yaj'ögaanip Jesús, chi oy yjotmaybaatni. Chi conhuimbijty je iipxmajcpi plata meeñ ma je teedy mijtungmüdpí etz mijjäydijc ajcxy.

4 Chi Judas nimay je teedy mijtungmüdpí etz je mijjäydijc ajcxy:

—Ich ti ndundigooyich co ti ngïyecyich yi tudägyjäy ma miich ajcxy.

Chi je' ajcxy y'adzooy:

—Ti ich ajcxy n'occuent. Miich yi' mnigixp tiibi mduñ.

5 Huin'it Judas cohuijty je meeñ jiiby tzajtigoty. Chi ñicxy. Chi ñayyöctiiyi.

6 Huin'it je teedy mijtungmüdpí yajpidigy je meeñ. Chi ajcxy ñayñimaayi miñ xyipy:

—Jadayaabi meen ca' yjebity co nbidaacim ma ofrenda ñigidägy. Je' co yi' yjeyity je huidi ni'py ti tzoo'adyii.

⁷ Huin'it je teedy ajcxy tuñ je quipxycapxy co juyaangixy mïd je meen tüg naax huïdibi jäy ytijp, tütznaax it, ma ajcxy yajnaxtigihuiipy pinjaty ca' ycocajpity jim Jerusalén.

⁸ Ixti chambaad jadu'n xi'adyii jejimbi it: Ni'py naax.

⁹ E jadu'n ycijx yca'px nej je profeta Jeremías yminañ: “E jadu'n ajcxy je' yajpidigy meen iipx majcpi plata meen (je' choou nej anajty ajcxy Israeljäy ti yajnigödugiy),

¹⁰ e mïd je meen ajcxy juy je tütznaax it, jadu'n nej anajty ti xy'ane'myich Dios.”

Pilato y'amidooy Jesús

¹¹ Jesús yajpaady jim anajty ytinäy ma je gobernador Poncio Pilato yhuinduu, chi y'amidoohui:

—¿Nej miich je' judíos jäy xyrey'ajtp?

Chi Jesús y'adzooy:

—Miich jadu'n minamb.

¹² Je judío teedy ajcxy huïdibi mijtungmïdipi etz je mijjäydijc tzachxigixy Jesús ma je gobernador. Ni jadu'ñyi Jesús ca' y'adzooy.

¹³ Chi je Pilato ñimay Jesús:

—¿Nej ca' mmidooy nej yi' ajcxy yxiyi?

¹⁴ Per Jesús ni jadu'ñyi ca' y'adzooy. E paady je gobernador oy mij huinmay, ni ca' ocnejhuñyiñi ti ycapixy.

Jesús ycocujcy y'o'cin

15 Je gobernador jadu'n anajty ycostumbre miiidity co jimijt jimijt najtzmazhiiy tüg machyjäy pascua xiiijoty, je huudibi je mayjäy ti ytimychojcpy.

16 E jim anajty tüg je machjäy huudibi anajty ajcxy ix'y'ajttaayb, e yxiiijity Barrabás.

17 E co anajty jim ti ytügmujctaaygixy, chi Pilato ajcxy y'amidooy:

—¿Pin miich ajcxy mdzojcpy co iich nnajtzmazhiihuibichi? ¿Najtzmazhiiyich Barrabás o Jesús huudibi jäy ajcxy ytiipy je Cristo?

18 Pilato ñejhuuyb anajty co mañ'ájttingix anajty ti ciiyejccixy Jesús.

19 Jimni anajty iñäy Pilato me je ycötujctac co je ytöxyijc tiy'ajt quejxy ma yi', ymíñañ: “Ca' huaad myajtzaachytuñ yi tudägyjäy. Je' co iich amygoodz ti ngumäyich janch jibic miiid yi' ycixpi.”

20 Per je teedy ajcxy etz je mijjäydiyjc ti anajty capxyjotcidaaccixy je mayjäy co huen yajnajtzmazhiiy Barrabás etz huen yaj'öccixy Jesús.

21 Paady co jadüg'oc je gobernador y'amidooy je mayjäy:

—¿Huudibi machyjäy mdzojcpy co nnajtzmazhiihuibich?

Chi je mayjäy y'adzooy:

—Najtzmazhi' Barrabás.

22 Chi Pilato y'amidooy je mayjäy:

—¿E nej ndunipyich yi Jesús, huudibi jäy ytiipy Cristo?

Huin'it ajcxy nidüg'óciy y'adzoday:

—¡Yajcruutzpet yi Jesús!

23 Chi Pilato ymíñañ:

—Pues, ¿nej ti ytundiigooy?

Per je mayjäy ni goob y'adzoday:

—¡Yajcruutzpet! ¡Yajcruutzpet!

²⁴ Pilato yjapubedaan Jesús, per co ijxy nejhuiy co je mayjäy ca' ni nej niducy. Hue' ajcxy oy ytiği y huambi jihuıybi, chach ñayñajztijıygi xy mıd jot'an. Huin'it Pilato capxyñiguejxy je huadz niı. Chi ytiği y cibujp ma je mayjäy yhuinduu, e ymınañ:

—Ca' ıich ngo'adzohuıpyıch jadyaabi tudägyıydıjc y'o'cin. Miıch ajcxy yı' mgo'adzoohuıpy.

²⁵ Chi je mayjäy y'adzoday:

—ıich ajcxy ngo'adzohuıpyıch yı' y'o'cin mıd n'ung anäg etz n'ap n'oc.

²⁶ Chi Pilato najtzmazıy je Barrabás. Per Pilato ane'my co huen Jesús yajhuojp. E co yajhuojptay, chi cıyejcy, co huen yajcruutzpedyıı.

²⁷ Chi Pilato ysoldados ajcxy yajnicxy Jesús ma agujctıjc. E jiıby tüg'ócıy soldadtıjc ñayyöymujci ma Jesús.

²⁸ Chi je soldado ajcxy je' y huit yajniıjenducy. Chi ajcxy yajniıjenıy je tzapx huit huıdıbi je rey ajcxy yajtuumyb.

²⁹ Chi ajcxy tacy tüg corona mıd apy. Chi ajcxy yajcöjenıy ma Jesús. E huin'it ajcxy a'oy'amy yajcıgabıy tüg je paxy. Chi ajcxy huıgojxtınay'ahuııy. Chi ajcxy niıııcy yajıııcy, e ymınaangıxy:

—¡Ooy ymıjıty yjanchıty, je judıos ajcxy yrey!

³⁰ Chi ajcxy huındzujy jıjptujy. Chi ajcxy yajcıgajptucy je paxy, e yajcöhuojpıgy ajcxy.

31 E co ajcxy nixiictay yajxiictay, chi yajnijenducy je rey yhuit etz yajnijeny je yci'm huit. Chi ajcxy yajnicxy ma yajcruutzpedaangixy.

Co Jesús yajcruutzpejti

32 E jim ma anajty hueeni ti ytüyöy, jim ti paty tüg Cirene yëdyjc anajty yxijity Simón. Chi ajcxy adzip nimay Simón co huen jaccapi Jesús ycruudz.

33 E co ajcxy yja'ty ma tüg je it yxijip Gólgota, jadu'n yhuimbizim Öcpi Cohuajc Cögop.

34 E jim ajcxy Jesús jayaj'üga'n vino temhuidity mïd tzooy, jigix ca' jihuñhuip je tzaachypi. Per co uucmajch, chi jihuññybijc co ca' y'oy'uucnity.

35 E co anajty ajcxy yajcruutzpety Jesús, chi je soldadtijc suerte ijxy, pin jëbi ocjé'adyii Jesús yhuit, chi ycijxy yca'pxy jadu'n nej je profeta cojaay jecy'ajty: “Yajhuäcxipy ajcxy ñch nhuit e mïd ñch nhuit ycixpi ixipy ajcxy suerte.”

36 E jim anajty ajcxy ñaaygixy cuend'ajtcixy.

37 Je xihuñ ayuc huñdibi ajcxy yjaay ma Jesús ycöduu jadu'n ymïnañ: “Jadayaabi je' Jesús, je judíos ajcxy je yrey.”

38 Quipxy mïd Jesús ajcxy yajcruutzpejty metz meetzpi. Tüg a'oy'amy, e jadüg anajty'amy.

39 Je mayjäy huñdibi ajcxy naxiyb anajty ma Jesús, ooy anajty oy ycöjigïñ, nixigy yajxigy ajcxy Jesús,

40 ymïna'ñ ajcxy:

—Bah, miich huñdibi Dios ytijc jidaanip, e co-dugüg xii huingbi myajpidiga'ñ. Miich ci'm cham naygohuäñi, e minac cruudzcixy, pen janch miich Dios xy'ung'adyii.

41 Nañ jadu'n je teedy ajcxy huídibi mǎitungmǎidpi, etz je escribas, etz je fariseos ajcxy etz je mijjǎydǎjc nǎxiicy yajxiicy ajcxy Jesús, ñayñimáayigixy miñ xyipy:

42 —Huingbi ti cohua'ñ, e ca' jaty nej ci'm ñaygohua'nǎyb. Pen janch co yi' jǎjty je Cristo je Israel jǎy rey, huen minacy jadachambi ma cruudz, huin'it nmǎibjcm.

43 Yi' ti pidǎgy ymǎibjcm ma Dios; huen jadachambi je Dios yajnǎdzögyii, pen janch Dios chogyii; yi' ti ymǎina'ñ co Dios y'ung'adyii.

44 Nañ jadu'n je metzpi meetzpi ajcxy huídibi cruudzpejt quipxy mǎid Jesús nǎxiicy yajxiicy ajcxy ooy Jesús.

Jesús y'ögy cruudzćixy

45 Co ycuycxǎijǎy, chi ycoodzyday tǎg'ócǎy naax-huĩnybi. E jadu'n je naaxhuĩnybi y'ijty coodz, ıxti minacy yxǎi.

46 Huin'itǎy Jesús ycapxyqueecy janch mǎc ymǎinañ:

—Elí, Elí, ¿lama sabactani? —yi' jadu'mbi ayuc hue' yhuimbǎdzımy: Dios Teedy, Dios Teedy, ¿tı co ti xy'ıxmachıch?

47 Nijǎjty jǎy huídibi anajty jim yajpatp huingon ma Jesús co jadu'n mǎdoogixy Jesús y'ayuc, chi ajcxy ymǎinañ:

—Jadayaabi yǎydǎjc cham yaaxtaayb je profeta Elías.

48 Huin'it nidǎg jǎy ñıcxıy janch poyıgy etz oy yajtzoñ je pixy. Chi je pixy yajxoogy mǎid je xun vino. Chi pidacy je pixy ma je paxyjıjp. Chi yujctıy ma Jesús y'ahuac co huen ügy.

49 Huin'it nijëjity ajcxy ymínañ:

—Ixmatz, tzoc ajt oc'ijxim, pen nimiinip Elías, pen janch yajnidzögyii.

50 Jadüg'oc Jesús yaaxqueegy janch mic. Chi oy y'o'cni.

51 Co Jesús y'o'cy, tím huin'ítíy jim ma Dios ytíjc je mapxy yhuit yciitzhua'cxy tinä'amy. E nañ jadu'n je naaxhuiñybi ooy chuyuy mñid uyx micpi etz je mijjatychaa oy jiitzhua'cxy.

52 May öcpi jut y'ahuach etz yjugypíjcy mayjäy tiibi anajty y'o'ccixy tiibi anajty mibíjccixy Dios.

53 Co Jesús yjugypíjcy, chi je may'öcpi tiibi anajty jugypíjccixy etz tiibi anajty pidzimíxxy ma öcpi jut, chi ajcxy ytigíy ma je Dios ycajp, je Jerusalén. E mayjäy ajcxy ijxy.

54 Co je mic uyx oy ñaxy etz jac tijaty anajty ti ytuñyii ti yjadyii, chi je capitán etz mñid jadyii ymigügtíjc huídibi anajty cuend'ajtp Jesús ooy ajcxy chigíy yjihuiy, e minaangíxy:

—Janch tíy'ajt co yíjilbi yëydíjc Dios yí' anajty y'ung.

55 May anajty nañ jadu'n töxyjäydíjc ymíj'ijxcixy jiguem huídibi anajty ajcxy Jesús ti mñiddzoon jim Galilea. Yí' anajty ajcxy Jesús ypubejtp.

56 E ma je' ajcxy jim anajty chooñity, María Magdalena, María huídibi Jacobo etz José ytaj'ajtpy, etz je huídibi Zebedeo y'ung ytaj'ajtpy.

Jesús yajnaaxtigíyí

57 Co oy chuu'íyñí ycoodzíyñí, huin'it chooñ ma Arimatea tüg comeeñyjäy huídibi yxí José. E je' ymíjnicxpejty anajty Jesús.

58 Chi José ninicxy Pilato oy pijctzou Jesús ñinícx. Huin'it Pilato pidacy y'ane'min co huen möyii.

59 Chi José ycidigiiyi Jesús ñinícx. Chi huinmojch miiid tüg poob sávana.

60 Chi yajnaaxtigiy ma je yci'm jut jemybi huidibi anajty ti yajtzejtztüty ti yajpädüty ma tüg tza-huingueetz. Chi adiguejctujcy je öcpi jut miiid tüg tzaa.

61 Chi José ñicxni. E jim yhui'my María Magdalena etz je jadügpí María, y'ñäy ajcxy ymihuingon öcpi jut.

Je cuend'ajtpí ajcxy ma Jesús ñaaxtigiiy

62 E com jabom ma anajty Jesús ixiiybi ti y'ögy, ma anajty ti ni'ixiydäy miiid je sávido xii yciixpi, chi je teedy ajcxy huidibi tungmiiid etz je fariseos ajcxy ñayyöymujci ma je Pilato.

63 Chi ajcxy yminañ:

—Huindzin, yi' iich ajcxy njäymejchpyich co je aniidacpi yminañ ma anajty yjuugyity co codugiig xii jugypigañ jadüg'oc co anajty ti y'ögy.

64 E paady tunmay'ajt quexipy soldados ajcxy ma Jesús ti ñaaxtigiy huen cuend'ajtcixy ixti cooni tugiig xii bi paadipy. Ca' yjegyity co ñiminiib adzuum agoodz je' ajcxy huidibi mijnicxpejtíp etz tzingüegipy ajcxy Jesús ñinícx. E chi nicxy jäy yminañ: “Ti yjugypicy je öcpi.” Chi anajty jac'anaxy je anii ti yjajtni ca'ydi je jayijpi.

65 Chi Pilato ajcxy nimay:

—Miich ajcxy miiid tüg picy soldados huidib cuend'ajtpí ma miich ajcxy. Níxcix miich ajcxy yaj'adujccixy je öcpi jut, jadu'n nej m'a'ixiiygiy.

⁶⁶ Chi ajcxy choni ma je Pilato. Chi ajcxy quejxy je tüg pıcyı soldados ma je öcpi jut. Chi ajcxy pidacy ijxhuı'mın ma je tzaa huıdibi ajcxy je jut yaj'adıguejctujcy.

28

Co Jesús yjugypıcy

¹ E com jabom co yximıy ytıcxıgy je domingo xıı, huın'ıt ñıcy María Magdalena etz je jadügpi María ma Jesús ñaaxtıgyı.

² Chi tüg mij uıx ñajxy. Huın'ıt ycıdacy Dios tüg y'ángel huıdibi tzomb tzajpjoty. Chi jıdıgejcy je tzaa ma je öcpi jut aguu. Chi y'ıxtacy ma tzaa ñıcx.

³ Janch adııcxp je ángel anajty yhuınjıjp jadu'n nej huıdzuc, e je yhuıt janch poob'ögy.

⁴ E co je soldados ajcxy ijxpaty je ángel, chi ajcxy ooy chuyuygooty. Chi ajcxy yhuı'my jahuengi ögy.

⁵ Huın'ıt je ángel y'adzooy je metz töxyjäy:

—Ca' miıch ajcxy mdzıgyı. İıch nejhuııybıch co miıch ajcxy m'ıxtäy Jesús je huıdibi ajcxy yajcru-udzpejty.

⁶ Per ca' je' cham ya. Tı je' yjugypıcy, jadu'n nej ymınañ. Min miıch ajcxy oc'ıx ma ñaaxtıgyıy.

⁷ Nicx miıch ajcxy jottıgooyb ma je' ydiscıpusos ajcxy e nıma': “Tı Jesús yjugypıcy jadüg'oc, e yı' ñıcxıp jım Galilea e jım ajcxy mmııdnaybadııyb.” İıch miıch ajcxy yam nnımaaygıxy.

⁸ Huın'ıt je töxyjäy ajcxy choon janch poyıgy ma anajty tı ñaaxtıgyı Jesús. Chi ajcxy ñıcy mııd tzıgı'ñ, per agujc jotcujc. Poyıgy ajcxy oy tıy'ajt yecy ma je discıpusos ajcxy.

9 E jim anajty je metzpi töxyjäy ytüyöy, timetini Jesús ñayguëxici ma je' ajcxy yhuinduu. Chi Jesús ajcxy capxocxy. Chi je' ajcxy mihuingoñ Jesús etz mineeni je' ytecy. Chi ajcxy huindzigiiygixy.

10 Jesús minañ:

—Ca' mdzigiiygixy. Nicx miich ajcxy nima' je nmigügtijcich co huen ajcxy nicxy jim Galilea, e jim naybadiiybich mid yi' ajcxy.

Huidibi ajcxy je soldadotijc ñigapx

11 E tüyöybñi anajty je töxyjäy nimetzpi co nijëjity je soldados ajcxy chooñ ma Jesús ñaaxtigiiy ñicxy jim Jerusalén, miidmiydäga'ñ je teedy huidibi tungmiidpi nej anajty ti ytuñyii ti yjadyii ma Jesús ñaaxtigiiy.

12 E huin'it je teedy ajcxy ñayyömujectayi miid je mijjäydijc, tunaangixy quipxy capxy. Huin'it je teedy ajcxy etz je mijjäydijc moy ajcxy je soldados may meeñ.

13 Chi ajcxy nimay:

—Miich ajcxy minañip co maab anajty miich ajcxy mijcoodz co ymiñ Jesús ydiscípulos ajcxy etz tziingueeci Jesús ñinicx.

14 Etz pen ymidooyb anajty yi gobernador, iich ajcxy ngapxjotcidägich, jigix ca' nej xytúngixipy.

15 E huin'it ajcxy je soldados ycidigiiyi je meeñ. Chi ajcxy ñicxy cuyduñ jadu'n nej anajty ajcxy ti ñimäyii. E ixti chambaad jadu'n judíojäy capx je ayuc.

Huidibi Jesús yajnibijc ydiscípulos ajcxy

16 E jadu'n ajcxy ñicxy je nimajctügpí Jesús ydiscípulos ajcxy jim Galilea. Chi ajcxy ñicxy ma je cögot jadu'n nej anajty Jesús ti ñimáayigixy.

¹⁷ E co ajcxy ijxpaty Jesús, chi ajcxy oy huindzigiŋy. Per jim nijëjity huidibi ca' mibijcy co anajty yjëjity.

¹⁸ Huin'it Jesús ymijhua'cy ma yi' ajcxy, e nimay: —İich ti nyajmöyich je cötujcin jiiby tzajpjoty etz ya naaxhuiñ. İich ti nyajmöyich je mij cötujcin, jaydëbi n'ane'myich jiiby tzajpjoty etz ya naaxhuiñ.

¹⁹ E paady nicx miich ajcxy huindu'my naaxhuiñ capxhuäcxciŋ je ayuc, jaydëbi jäy ajcxy xymibigipyich. Tüg'ócüy jäy ajcxy huidibi xymibijcpich myajn#bedipy ajcxy m#d Dios yx#i, Dios y'ung yx#i, etz m#d je Esp#ritu Santo yx#i.

²⁰ Miich ajcxy myaj'ixpigipy je mayjäy co copicy cuydunipy ajcxy #ch ngötujcin tüg'ócüy jadu'n nej ti n'ane'myich miich ajcxy. E miich ajcxy mnejhu#y#b co nm#d'ityich miich ajcxy huinix#i huinitiem#po, ixti mabaad naaxhuiñy#bi anajty ycixpi ytigooy. Jibaad ycixy. Amén.

El Nuevo Testamento en mixe de Coatlán **New Testament in Mixe, Coatlán (MX:mco:Mixe,** **Coatlán)**

copyright © 1976 Wycliffe Bible Translators, Inc.

Language: Coatlán Mixe (Mixe, Coatlán)

Translation by: Wycliffe Bible Translators, Inc.

Mixe, Coatlán [mco], Mexico

Copyright Information

© 1976, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Coatlán

© 1976, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

cxl

2018-11-16

PDF generated using Haiola and XeLaTeX on 18 Apr 2025 from source files
dated 29 Jan 2022

4190de74-18ab-52cf-ba4e-5f99ab05892f